

11588





Pharmacopœi Parisienses

Ex Dono Magistri

GILLET

1765





ACTORUM LABORATORII
Chymici Monacensis,

Sen

PHYSICÆ
SUBTERRANEÆ

Libri Duo,

QUORUM PRIOR PROFUNDAM

subterraneorum genesin, nec non admirandam

Globi terr- aque- aërei super & subterranei
fabricam;

POSTERIOR

Specialem subterraneorum Naturam,
resolutionem in partes partiumque proprie-
tates exponit. Accesserunt sub finem mille hypotheses
seu mixtiones Chymicæ, antehac nunquam visæ:
omnia, plus quam mille experimentis stabilita, sum-
ptibus & permisso Serenissimi Electoris Bavaria &c.

Domini sui clementissimi elaboravit
& publicavit

JOH. JOACHIMUS BECHERUS,
SPIRENSIS,

Med. D. Sacrae Cas. Majestatis Consiliarius,

nec non Serenissimi Bavaria Electoris

Aula Medicus.


FRANCOFURTI,

Imp. MAURITII GEORGII WEIDMANNI.

ANNO M DC LXXXI.

74

13A



*Serenissimo & Potentissimo Principi
ac Domino, Domino*

FERDINANDO MARIÆ

*S. R. Imperii Electori Archidapifero,
Vtriusque Bavariæ nec non Superioris Palatinatus
Duci, Comiti
in Leuchtenberg, &c.*

Domino suo Clementissimo.



*Hispani, aliàs in exte-
riorum laudibus reci-
tandis mirè moderati,
gloriosæ tamen me-
moræ, Serenitatis Ve-
stræ Maximo Parenti,
cum ob civilem & militarem, tum ob
œconomicam & politicam prudentiam,
Germani Salomonis titulum etiam ultrò
& publicè tribuere non dubitârunt,*

DEDICATIO.

neque is titulus cum *Maximo* illo *Maximiliano* obiit, sed cum regno in legitimum Successorem, *Serenitatem* nempe *Vestram*, quasi hæreditarius abiit, quod ita contigit, ipsi *Serenitatis Vestræ* natura, quæ quasi immenso amore ab incunabulis ad curiosa tam Mathematica quàm Physica ferebatur, testatur, & sanè in hac delectatione præfatus Salomonis titulus non amittitur, nec attenuatur, quin potius impleatur, cum propter quod Salomon sapientissimi titulum impetravit, quoque in rerum naturalium cognitione constiterit, ita enim sacer textus de eo loquitur, libr. 3. Regum cap. 4. vers. 33. *Et disputavit super lignis à Cedro quæ est in Libano usque ad Hyssopum, quæ egreditur de pariete, & differuit de jumentis & volucris & reptilibus & piscibus, &c.* altera tituli Salomonis pars in eo steterat, nempe *discernere inter bonum & malum*, seu ut textus vocat, *sapientia*
ad

ad discernendum judicium : de hoc posteriori non loquar, *Serenitatis Vestræ* maturum judicium, jam in publicis conventibus notum est & admiratum, quomodo bonos à malis discernat, justitia ejusdem moderatur & clementia, prudenter mixta, laudata utraque, verum hæc per se nota sunt : ego in illam Salomonii tituli partem regrediar, quæ *sapientiam Physicam* continet, quam qui amant Philosophi dicuntur, id est, amici sapientiæ, qui quidem titulus adeò *Serenitatis Vestræ* gloriosæ memoriæ *Domino Parenti*, proprius erat, ut tum temporis eum solum possedisse ipsa res demonstret, si namque manifesta illa ædificia, aliaque opera & tempora, in quibus peracta sunt, inspiciamus, si inquam etiamnum prudens admirator superveniat, facile in verba Reginæ Sabæ prorumpet, Regum 3. cap. 10. v. 4. & seq. *Videns autem Regina Saba omnem Sapientiam Salomonis & domum*

* 3 *quam*

DEDICATIO.

quam ædificaverat, & cibos mensæ ejus,
 & habitacula servorum, & ordines Mi-
 nistrantium, Vestesque eorum, & pincer-
 nas & holocausta, quæ offerebat in domo
 Domini, non habebat. *It.* à spiritū, dixit-
 que ad Regem, verus *7* sermo quem au-
 didi in terrâ meâ super sermonibus tuis,
 & sapientia tuâ & non credebam nar-
 rantibus mihi, donec ipsa veni & vidi
 oculis meis, & probavi, quod media pars
 mihi nunciata non fuerit, major est sa-
 pientia & opera tua quàm rumor quem
 audiui, B. Viri tui & beati servi tui, qui
 stant coram te semper & audiunt sapien-
 tiam tuam, sit Dominus Deus benedictus,
 cui complacuiisti, & posuit te super Thro-
 num &c. Cæterum præfatus Salomo-
 nius titulus etiam Serenissimo Avo Gui-
 lielmo debetur, ipse enim Domino DEO
 Domum ædificavit, non Philosophiæ
 modo sed & Theosophiæ bono, non
 obscuram sed insignem splendidam, de-
 votionibus & miraculis claram, ut verò
 ad

DEDICATIO.

ad *Serenitatem Vestram* & simul ad istam Salomonii tituli, partem revertar, quæ Sapientiam physicam complectitur, hanc *Serenitati Vestræ* planè propriam esse nemo diffitebitur, non tamen sequitur cui hic excellat, eam in reliquâ, nempe sapientiâ politicâ deficere, exulat quidem ab aulâ & corde *Serenitatis Vestræ* illa moderna polypragmosine, quæ astutia potius quàm prudentia vocanda est, & cujus doctores timendi verius quàm amandi sunt, interim eò firmior apud *Serenitatem Vestram* fundatur sacra illa politica sapientia, quâ Romanum imperium inquiete, religio in vigore, unanimitas inter Proceres, concordia inter subditos conservatur, hæc laudabilis sapientia pacem alit, quæ Physicæ sapientiæ, omnibusque bonis scientiis manum præbet, quas & quarum professores à *Serenitate Vestra* foveri, ipsa res docet atquè ego,

DEDICATIO.

omnium licet minimus, inter gratos tamen non postremus hisce testor. Nam cum in plerisque Germaniæ aulis, literati Viri jam miserè esuriant, & Scurræ magis quàm Philosophi æstimentur, egoque invidiâ hinc inde pulsus, vix non exulabam, non inodo à *Vestra Serenitate* clementissimo stipendio exceptus, liberalissimè habitus, & hucusque, licet obstante summa Malevolorum invidiâ & detrectatione, serenissimum favorem ità expertus sum, ut profectò pauci, etiam me multo literatiores, in ullâ Germaniæ, imò ipsius Imperatoris aulâ, simile quiddam se expertos esse cum veritate fateri poterint. Hæc quidem omnia citra mea merita contigerunt, & hinc etiam malevolorum invidia illud objecit, *ad quid perditio hæc?* possem quidem respondere, sufficit mihi gratia *Serenit. Vestre*, ad quam invidus oculus caligat; sed tamen studiorum meorū ratio quoque exponenda videbatur, ne tacendo

Male-

DEDICATIO.

malevolis assentiri videar. Et hæc est causa movens *Methodi meæ didacticæ* publicationis, cujus *per axin* futuris nundinis, Deo volente, & *Serenitate Vestra* promovente in lucem dabo, opus diu desideratū, & cujus *causa* *Respublica literaria Serenitati Vestra* gratias aget. *Mathematica experimenta*, quæ heic Monachii inveni, si tempus patietur, quôq; futuris nundinis in lucem prodibunt, sub titulo *Physica Mathematica*, in quâ motus Statici quatuor elementorum physicæ rationes assignantur. Nunc *Physicæ subterraneæ*, seu *Actorum Chymicorum*, in *Serenitatis Vestrae aulae laboratorio*, librū primum offero, secundus sequetur brevi. In toto autem hoc opere naturam Subterraneorum indagavi, multo labore, ut natura eorum, quæ infra terram sunt, quoque in lucem prodeat. Iliada quidem post Homerum scribere videor, qui post *Maximi Viri R. P. Kircheri Mundum subterraneum* hæc scribo, possemque sus-

spicionem incurrere, quod nonnulla ab
 eo mutuaverim, quod non factum esse
 ipsa res docet, aliam enim viam & me-
 thodum sequutus sum, nempe *praxin*,
 quâ *R. P. Kircherum* secuti, ob Ordinis
 sui conditiones, necesse est, & cujus defectu
 sæpius impingi consequens est, præterco
 tamen omnia, & mea scribo, talia nempe,
 quæ ad cognitionem subterraneorû ha-
 ctenus à plurimis magni nominis Viris
 desiderabantur, profundum enim studiû
 est, neque in antecedente dicto de *Salomone*
 legitur, eum de naturâ fossilium,
sed tantùm de animali & vegetabili regno
 philosophatum esse, cui itaque Philoso-
 phiæ hanc particulâ de Subterraneis ad-
 jicio, atq; *Serenitati Vestræ*, cujus sumptu
 & permissu, eam erui, humilimè offero,
 ut quæ rerum naturalium cognitione
 delectatur, in hoc opere legere queat,
 quod ob venenosos vapores, aliàsque ma-
 joris momenti distractiones in praxi co-
 ram videre nequit, *nec dubito Serenit.*

Vestræ

DEDICATIO.

Vestræ Eminentissimo & Sereniss. Patrueli Domino, Domino Maximiliano Archiepiscopo Coloniensi & S. R. I. Electori quoad curiositatem in rebus physicis paucis cedentem quippe intelligenti & expertissimo, maximorumque arcanorum physicorum propriâ industria erutorum gnaro, hæc mea placitura, Objiciet fortassis *Serenitas Vestra*, quid si oblata hæc tua sapientia *stultia* esset? ego quidem valdè dolerem, si maximorum Virorum exemplo deciperer, qui cum sic (in causas rerum inquirentes) stultescunt, præ aliis sapere videntur, & quibus hi desipiunt, qui nihil præter aurum sitiunt & sapiunt, quamvis hæc posterior sapientia Mundo acceptior sit, egoque multis commendabilior forem, si aliquot auri talenta, quàm si mille librorum plaustra offerrem, sed si præfixum Salomonis exemplum sequi licet, *sapientia à DEO petenda est*, magna enim differentia inter auri possessionem, & aureæ naturæ,

partium

partium & genescos cognitionem est, quilibet aurum possidere potest, sed non quilibet de ejus naturâ & potentiâ physice differere. *Serenitas Vestra utrumque potest*, quare hanc oblationem chartaceam clementissimo vultui adspicere non dedignabitur: *non promittit aurifactoriam, sed facti auri naturam*, cujus studii (nempe naturam rerum inquirere) promotio verè *Salomonica* est, verè *Regia*, verè *humana*, ostenditq; *Serenitas Vestra*, talia curiosarum rerum delectatione & promotione, se non genere modo sed & genio *Maximum Parentem*, imò *maximos Reges*, uno verbo *prudentissimos Viros* imitari, & non modo armis, opibus & potentia, sed etiâ sapientia & literatura, nec non literatorum & virtuosorum protectione excellere, *quæ unica ad immortalitatem tuba est & via*, in quâ semitâ Deus *Serenitatem Vestrâ* diu superstitem servet, quod apprecatur *Serenit. Vestrae*

humilimus servus

Joh. Joachimus Becher, D.

Præ-



Præfatio.

LECTORI BENEVOLO

Joach. Becher salutem.


DE gustibus non disputandum esse, commune proverbium est, quod ratio & effectus demonstrant, his enim dulcia, illis acida, aliis amara sapiunt, imò fœminis in picâ morbo, nihil cretâ, carbonibus, similibusq; cupediis delicatius: quod si hoc proverbium ad sensus internos referatur, eandem veritatem merebitur, hinc enim alii musicâ, alii gaudio, marore alii, Baccho & Venere non pauci delectantur; quis verò credat inter tot gustus unum reperiri, quo fama, sanitas, pecunia, tempus, & vita perdat? nemo profectò hisce afficitur, neque stulti, neque prudentes. At interim certum quoddam genus hominum reperitur, vel solum prudens, vel solum stultum, vel si mavis neutrum, excentricum, heteroclitum, heterogeneum, anomalum, Chimia studium, ejusque amatores Alchimistas vocant, quibus nihil acceptius, nihil dulcius, suavius nihil & gloriosius, quàm si extreme sordeant, malè mundo audiant: pecuniam cum famâ profundant, venenis palleant, madeant,
semper

Præfatio.

semper quarant , nihil habeant , omnes interea communes sensus perdunt , planè juxta illud.


Qui pluviâ maduistis aquâ, fuliginem olentes, Fumo excæcati, flammis crepitantibus usti,

In hanc verè picam, & non vnum modo sed insignem morbum & ego inc. , cui nec aula splendor, nec œconomie ratio, nec fama integritas, nec sanitatis vigor quicquam præ carbonibus, venenis, fuligine, follibus & furnis valere potest, ipso Hercule fortior, cui perpetuum Augiæ stabulum purgandum, forti igne vix non utroque oculo orbatus, periculosus ----- Mercurialibus catarrhis infestatus, totus veneno imbutus alter Mithridates, omni æstimatione & voluptate privatus, mente Cræsus, marsupio Irus at inter hæc omnia incommoda ita mihi suaviter vivere videor, ut emoriar, cum Persarum Regis deliciis mutare nolum, licet paucis id sapiat quod mihi sapit, & hinc præ cæteris sapere videar, in eo nempe genere, ubi pauci sapiunt, facile namque inter cæcos, luscus Rex est, quod regnum etsi misericordiâ dignum sit, nihilominus magnâ arrogantia à quibusdam ambitur, magna tyrannide exercetur, nequitia, stultitiâ, deceptione & fraude stabilitur, heu tamen loci excipiam, dicendo, Regnum meum non est de hoc Mundo, prout enim omnes ferè amphoræ duplicem ansam habent, dexteram unam



- Fig : i. ad lit. L. s. et seq. ad lit. pag. axonfa. sub. finem. lin. penult
 Fig : ii. ad L. 6. lin. 3. item Corollar. 3.
 Fig : iii. ad L. 5. 6. lin. 21. et sequent
 Fig : iv. perpendiculum bilibre vid corollar. 2.
 Fig : v. Instrumentum pro impetu vibrationum vehementer
 excitando vid corollar. 4.
 Fig : vi. Modus dirigendi Indices per Helyoes ne laxentur.
 Ipsa Machina constructa videri potest in Praxi
 apud Autorem.

Compingatur ad Corollaria





JOHANNIS JOACHIMI BECHERI,
Med. Doct. Sacr. Cæs. Maj. Consil.

11/88

EXPERIMENTUM NOVUM AC CURIOSUM

DE

MINERA ARENARIA PERPETUA.

SIVE

Prodromus Historiæ,

SEU

Propositionis Præp. D. D. Hollandiæ
Ordinibus ab Authore factæ, circa Auri extra-
ctionem mediante Arena littorali, per modum mi-
neræ perpetuæ seu operationis magnæ fuso-
riæ cum emolumento.

Loco SUPPLEMENTI TER-
TII in Physicam suam subterraneam.



Francofurti, impensis MAURITII
GEORGII WEIDMANNI
M DC LXXX.



PRÆMONITIO.

NElectoꝝ in ipſo ſtatim introitu, pede in ſcrupuloſum terminum *Minera Artiſticiã Perpetua* impingat, & ab ulteriori Lectione deterreatur, præmonendus eſt; hunc terminum non adeo incognitum, & peregrinum eſſe, ſed clariffimis hujus ſeculi Scriptoꝝ cognitum fuiſſe, *Artiſticiã* enim *Minera perpetua* meminerunt in ſcriptis ſuis, ejuſque compoſitionem docuerunt, Subtiliſſille Majoricanus *Raimundus Lellius* in clavicula Angliſ non incognitus. Magnus ille *Jerulamius Baco*, Angluſ, *Caneparius* Venetꝝ Profeſſor in tractatu de Atramentis, *Marcus Antonius de Caſtagnia*, ſupremꝝ Minerarꝝ Reipubl. Venetæ Præfectꝝ, Pancteticæ Societatis Author. *Gaſto Claveꝝ* Galluſ contra Eraſtum de perpetuâ Mercurii animatione, augmentatione, & fixatione, *Martinuſ Schmuck* Germanuſ in Theſauriolo de Minera Nitri perpetua conficienda, *Rudolphuſ Glauberuſ* in tractatu de Igne Secreto, & conficienda Minera perpetua Saturni, *Corneliꝝ Trebbeliꝝ* Minera perpetua, mediante Vapore Sulphureo, *Montani* Hiſtoria de Cupro ſimiliter tractato. *Willielmuſ à Roſenbergaurei* Velleriſ Eques, Cæſar, Majeſt. ab intimis Conſiliis, Regni Bohemiæ ſupremꝝ quondam Burggraviuſ & Prorex, ſummuſ & ditiffimuſ Chymicuſ in Diario ſuo Chymico ſub Anno 1582. in Gromau, arce ſuâ, transplantationem Argenti in Aurum, mediante Marchaſitâ quadam, ſicut mineram perpetuam aluit, nec incognitæ ſunt *Hodiernarꝝ* Vitriolatarꝝ, Aluminofarꝝ, & Nitrofarꝝ Minerarꝝ, & fovearꝝ regenerationeſ, & Vegetationeſ perpetuæ, quæ quidem omneſ, ſive naturaliter, ſive artiſticiã ſactæ, vel per mixtionem, compoſitionem, alterationem, & accretionem, & mediantibuſ hiſ, vel transplantatione, maturatione, fixatione, & tranſmutatione peraguntur, Videantur ſpecialia de hiſ in Lit. E.

Illustrissimis & præpotentibus
HOLLANDIÆ,
 Westfrisiæque
 Ordinibus, DOMINIS suis
GRATIOSISSIMIS.
 J. J. BECHER Dr. sua Servitia.

MArtialia mala perpeffis Martiale Offero
 Medicamen, ex Neptuno desumptum, vobis
 semper propitio, preparavi id longo labore,
 propinavi multo studio, à vobis acceptum est magno
 affectu; quid vos verò hætenus ab usu ejus abstinnerit,
 vel deterruerit, ignoro; illa plerumque quidem Medi-
 camina suspecta esse scio, quorum preparatio ignoratur,
 experientia incognita est, & quæ Chymiam redolent;
 primum quantum publicè communicare licuit, hoc
 scripto expono, experientiæ periculum, quoniam in ve-
 stra Patria, quod fiat, cunctemini, in alieno faciam lo-
 co, vobisque afferam testimonium: Alchymiam quod
 attinet, qui irrationalem illam existimat, ipse irratio-
 nalis est, & qui vos ab ea deterret, aut indignum judi-
 cat, Rem publicam vestram tali Scientiæ Operam dare,
 Diocletiani munus agit, qui Suidâ teste, Egyptiorum
 Libros Chymicos comburi jussit, ne ditescerent, & po-
 tentes fierent. Si itaque Honorem, Rationem, & Utili-
 tatem circa hanc materiam spectare velitis, Reipublicæ
 Vestræ interesse observabitis, Honorem, ut fidem Ve-
 stram,

stram, mihi obligatione datam, servetis, aliosque ad Vestra servitia alliciatis; Ratio nem, ne propositionem hanc Paradoxam, sed Nature, & toti Philosophia consentaneam esse credatis, Utilitatem, ne tanto Thesauri exhaustili & incorruptibili Rempubicam Vestram privetis, sed pro bono publico, populi que salute amplectamini, nempe propriis Vestris bonis, hætenus vobis ipsis incognitis, cum nullius præjudicio fruamini, meâ quidem quodcunque facturi essis, parum interest, cum demum plus ferè de decoris, & damni hujus propositionis causâ in Hollandia passus fuerim, quam gloria & præmii ibi expectare possim, seram tamen omnia a quo animo, meliora, & futura astate, si Deo, & Vobis libuerit, Hollandiam me revisurum sperans, præsertim si protectionem, subsistentiam, atque erga artem affectum ulteriorem demonstretis. Deus Rempubicam Vestram cum incolis suis servet incolumem.

Londini Calend. Martii,

1680.

P R Æ F A T I O

A D

L E C T O R E M

*De occasione Inventi, & Propo-
sitionis Hujus.*

CUm Anno 1669. de natura mineralium, aliorumque corporum subterraneorum cogitationes, & experientias meas conscriberem, & bono publico sub *Physicæ Subterraneæ* titulo, typis evulgarem, atque inter alia, novam, ut quibusdam visum est, de Metallorum generatione opinionem foverem, quod nempe Metallorum Principia terrea essent, & ex triplici tetra constarent, inter curiosos, & eruditos super hac propositione altius speculari coeptum, atque à multis profundius ejus fundamentum scire, desideratum est, ut ex variis Mundi partibus ad me conscriptæ literæ testantur: tsi vero opinio hæc mea prorsus non nova, sed antiquissima sit, fatente nempe Gebro statim sub initium sui libri *Quod Principia Metallorum non coire possint, nisi terrea fiant*, nihilominus consultum duxi, antiquam hanc doctrinam, Sale, Sulphure, & Mercurio vulgari hætenus larvatam, denuò denu- dare, & novis quibusdam experimentis, & rationibus non vulgaribus vindicare, & veritati ac Simpli- citati restituere. In quem finem Anno 1671. Supple- mentum primum in *Physicam meam subterraneam* edidi, in quo præcipuè Experimento quodam nota- bili monstravi, Metalla ex Terris generari. Salverò Sulphur & Mercurium communem decomposita

cor-

corpora esse, ex terra constantia, adeoque pro principiis haberi non posse, quæ demonstratio, prout fuit evidentissima, ita à multis amplexa est, plurimisque aliis speculationibus ansam dedit, præsertim cum Universalitatem Principiorum Metallicorum Terrarum nempe Mineralium in rebus demonstraverim, quibus inesse ne quidem suspicari possit, specialiter quod in omni argilla seu limo communi ferrum generetur, quod limo communi inesse, sed non ibidem generari, mecum contendit Morhofius, sed nihil aliud agit, quam ut mihi concedat, quod volo, nempe inesse cuique limo potentialiter ferrum, quod meâ operatione in actum deducitur, nec ferro contentus, dico etiam Aurum contineri, neque id in limo modo quocunque verum etiam in quavis arena potentialiter aurum latere, quod operatione certâ in actum deduci possit, ibidem sustinui; sicut & fusè exposui, quomodo in omni pinguedine, Urina, & Sale communi, Mercurii principium, seu Terra mercurificans, & dealbans lateret, quâ sive limo, sive arenâ junctâ atque taliter principiorum Metallicorum numero completo, verum Metallum progigneretur. *Habetis hic originem*, & occasionem Philosophicam ex limo, & arenâ Aurum eliciendi, quod tum temporis Curiositatis, possibilitatis, & veritatis causâ potius, quàm utilitatis, vel usus civilis ergo in lucem edidi, à Curiosis tamen & talibus, qui dulce cum utili, nempe Experimenta *lucrifera cum luciferis*, miscent propositio hæc mea in Civilem quoque Considerationem tracta est & quæstio mota, num ex arena litoralî, vel fluviatili, vel collina, vel ex limo sive circa meliorationes, aut fusiones Minerarum, & Metallorum sive circa artificialem Metallorum productionem, & augmentationem quid utile, & proficuum institui possit, Prout in illum finem *Vienna Austriae*

duas insignes & magnas Probas cum optimo successu institueram, Quarum *prima* circa Mineralium volatilium fixationem; *secunda* circa arenæ Danubii fusionem, & extractionem versabatur. Uti ex adjuncto Documento Lit. D. videri potest. Verùm cum Viennæ quicquid ingenium vel novitatem aliquam, præsertim Alchymicam, redolet, uti ferè in omnibus Aulis contingere solet, nihili æstimetur; verum plus deprimitur, quàm erigitur, ita circa hanc meam experientiam ibidem factam, licet *Imperatori* plurimum proficua fuisset, nihil ulterius actum est, præsertim cum subiecta ad operationes requisita, non tam bono pretio, & quantitate illic locorum comparari possint; Egoquè aliorum recenti Exemplo perterritus bene-faciendo, ulterius Aulæ odium, & persecutionem studiosè ptomereri non volui. Interea temporis contigit quod Baro L'Isola, Imperatoris Ablegatus Hagæ Comitum, Hominem quendam Hollandum Societatis Indiæ occidentalis Secretarii filium, nominatum *Liffrink*, cum novo quodam invento Aurum ex Arena lavandi *Viennam* miserit, cujus inventi cum vanitatem, & tenuitatem perspicerem, eandem Celsissimo Principi *Hermanno* Marchioni Badensi, tunc temporis Viennæ degenti, summo meo Meccenati detexi, & quàm ego longè majora meâ inventionem citra lavationem præstare auderem, cujus etiam Probam exhibueram; rescripsit hic Princeps D. L'Isolæ tanquam amico suo confidentissimo, qui primus cogitare cepit de Invento hoc *Hollandis* proponendo, utpote loco, Arenis, omnibus aliisque requisitis copiosissimè instructo; Egit itaque cum D. Pensionario Statuum super hac Propositione, & cum desideratam resolutionem haberet, eandem mihi rescripsit; *Habetis alteram Historiæ partem.* Quâ neimpe ratione ac occasione Propositio hæc ad Hol-

Hollandos pervenerit , quòd me non intruferim
quàm frigidè me continuerim,quàm parùm sollici-
taverim,ex eo facilè patebit, quòd licèt Anno 1671.
DD.Status super hoc negotio se resolverint,suamq;
resolutionem in scriptis dederint , ego tamen octo
ferè annos moram interjecerim,donec nempe Anno
1678.negotium primò repetiverim, & de novo cum
Dominis Statibus contraxerim , prout ex illorum
Obligatione patet sub lit.(Q) neq; adhuc tunc, &
postea vel verbo vel Scripto ullo me Dominis Stati-
bus obligavi, sed libertatem meam hucusq; eartam
tectamque semper servavi,aliud enim est, rem pro-
ponere,ac demonstrare,& demonstratam, ut Opifi-
cium,elaborare,priori *præmium*,posteriori operi *sa-
larium* debetur,de priori contractum,de posteriori
nunquam ne verbum in Hollandia dictum fuit: Dum
itaque opus aggrederer, & Probam Amsterodami
coram Dominis designatis Commissariis facerem,
ut videri potest ex Lit. K. lidem Dom. *Commissarii*
sine me,utpote temporis Amsterodami degente, à
parte Hagæ Comitum aliam probam instituerunt, &
& concordantem cum mea Amsterodamensi inve-
nerunt. Unde D. D. Statibus relationem fecerunt,
qui duas resolutiones,etiam more consuetor typis im-
pressas publicarunt, Primam, in qua fatentur Anti-
Probam successisse, & proinde ad magnam Probam
centum marcarum progrediendum esse ; cui fini
D.D.Commissariis in mandatis dederunt,ut Argen-
tum,& omnia compararent,magnam namque Pro-
bam promoverent vid.Lit.M. Alterà resolutionum
continetur,quod peractâ magnâ Probâ & ad votum
succedente,mihi decem millia florenorum in decur-
tationem stipulati præmii persolverentur, vid. lit.N.
Insinuata mihi sunt hæ duæ resolutiones , vocatus-
que sum Hagam;illuc veniens magnam Probam ex-

oritur, sed nec locus, nec apparatus ullus erat, verū
 loco magnæ Probæ incendoandæ de parvis Probis in-
 eundis, & repetendis unicè actum est, idque ex cau-
 sis, quas postea exponam. Sic istis parvis Probis loco
 minimè cōmodo, personis ad id designatis, aliis ma-
 gis quàm his rebus occupatis, potior anni pars, nèpe
 tota ætas consumpta est; Cumque multoties prote-
 starer, ejusmodi parvis Probis, anquam operationi-
 bus supervacaneis, & juxta magnam operationem
 non proportionatis, superfluum, & juxta resolu-
 tionem D. D. Statuum ad magnam Probam proce-
 dendum esse, nihil tamen obtinui; Et ne mihi qui-
 dem meæ curiositatis, & satisfactionis ergo, magnam
 Probam tentare volenti, id concessum, Et postquam
 meis sumptibus eandem tamen peregerim, ulterio-
 ri Progressui locus, nempe Officina Vitraria inter-
 dicta; Et licet privata Proba cum ducentis marcis in
 præsentia multorum Hominum, quorundam Do-
 minorum Statuum, Pensionarii, Variorum Residen-
 tium, pluriumque Nobilium optimo cum successu,
 & admiratione peracta fuerit, nihilominus Utraje-
 ctinus ille Novellarum notissimus compiler *Broer*
Appellaer in novellis suis contrarium scribere, atque
 operationem denigrare debuit, cujus impulsu, o-
 mnium optimè ipse sciverit subornatus Histrion. Cer-
 tè Hagæ Comitum Monetarum Præfectus generalis
 van *Nispen* adeò insulsè, contemptim, & passionatè
 de hoc opere locutus est, ut etiam in publicam Aulæ
 illum prodire, coronam constituere, atque in ejus
 medio circumstanti populo passionem suam, & opini-
 onem contra hoc opus obtrudere non puduerit, sic-
 ut & alienam Causam Forensi, ipsum prorsus non
 concernentem, alterius Causâ in odium mei Hagæ
 suscepit. Tandem cum semper ad magnam Pro-
 bam provocarem, illa secundâ quidem vice permissa
 est,

est, sed denuo ut nomine meo, & quidem in loco privato eandem instituerem, & constructo igitur Furno apud Tonforem quendam Gallum, reperta est loci propter ignis violentiam postea inhabilitas, itaque negligenda, quæcunque ibi incepta fuerunt, & alius locus in Officina publica fusoria petendus erat, qui tamen obtineri non potuit: Furiis interim & maledictis per totam Hagam agebatur Rabula ille Tonfor, quod domi suæ opus prosequi non voluerim, sive potius, quod ille non minima quæque prospicere, aliisque ad id clam conductus referre potuerit; Et sic ad magnam Probam, quæ pro D. D. Statibus juxta illorum resolutionem fieri debebat, hæcenus deveniri non potuit, idque sanè non ex mea causa, qui totam æstatem præteriti Anni ea propter consumsi; sed præcipuè, ut concludendo ingenuè veritatem profitear, ex sequentibus causis contigit. Primo erant, qui hanc Propositionem ponderabant & æstimabant, prout ejus ingens utilitas ex Lit. K. apparet, & hi videntes præsentis Reipubl. conditioni talem propositionem utilem futuram prædicarunt, quorum intuitu, & consideratione propositio assumpta, & ut in effectum deduceretur, conclusum est, renitentibus aliis ignorantibus, & malevolis, neque de publico bono bene mereri conantibus, neque ut alii id faciant, tolerantibus, tales itaque quicquid de hac resolutione D. D. Statuum sinistri, & contemptivi proferre potuerunt, in medium protulerunt, redolere nempe propositionem meam Alchymicam quandam deceptionem, cujus amplexu D. D. Status mirè prostitui, inutiles pecuniæ jactura, juncta itaque maledicentia cum invidia, adjuncta per ignorantiam, diffidentiam, & parvitati occasionem præbuit impensarum, unde factum est, quod negotium hoc nunquam dextrè, publicè, & audacter, æ liberaliter tractatum, sed semper quasi suppressum,

atque, tanquam opus desperatum, & conclamatum
susceptum sit. Hinc tanta frigiditas, tot cunctationes,
tot cautelæ, & tot mille difficultates, mercantilesque
sorditates, quod etiam cordatissimum Virum ulterio-
ris talis Tractationis tædisset. Perdita itaque æsta-
te, cum parvis probis nolui etiam hyemem inutiliter
impendere, ad negotia ergò mea privata reversus; ad
magnam Probam redire Paratus, quamprimum ala-
criorem animum, requisita media, silentium & pro-
tectionem, nec non operis meliorem æstimationem
in Hollandia intellexero invitis enim, neque volenti-
bus, neque servitiis æstimantibus inservire, idem est,
quod indignis benefacere. Prospicientibus interea,
& inhiantibus quamplurimis progressum, & succes-
sum operis, eundemque tardari, licet præcedentibus
causis nec perspectis, nec fortè consciis animadver-
tentibus, Camarina Creditorum quorundam, licet ob
exiguam summam, nec partim justam, occasionem
etiam subornatam arripuit, & apud Prætores sub &
obreptitiè in me obtinuit, me persequendi, taliter id
obtinere à me sperans, quod tamen in mea potesta-
te privata non erat, cum itaque tum temporis privata
mea causa publicæ permixta D.D. Statibus incogni-
ta esset, neque tum temporis in ista fermentatione ad
cognoscendum exponi posset, neque fortè exposita
cognosci, & expediri voluerit, præstitit *Cardani*
Consilium sequi, Absentia, & tempus dabunt, quod
presentia, & ratio negaverunt. In castris enim liberius
pacisci potest, quàm in clausis Fortalitiis. Namque
requiritur,

*Artis Amor, Victus, Protectio danda petenti,
Hæc mihi si fuerint præstita, præsto fidem.*

INTROITUS.

I.

CUm Homo potissimum creatus sit, ut Deo & proximo suo in hoc Mundo inserviat, ego quoque ne, in hoc inferior essem. quantum mihi quidem possibile fuit, conatus sum: quid in priori fecerim, me tangit, solique Deo cognitum est, cui quoque propterea ratio à me reddenda est, quid autem in posteriori præstiterim, quantum mihi licuit, multifaria mea Scripta in specie, in genere verò Psycho-Sophia mea, & Bilanx Fortunii & Infortunii humani ostendunt, Animam Proximi mei ad Deum conciliare, Animum ejus Virtutibus ornare, Intellectum omnigenâ necessaria Scientia imbuere, Corpori de Valetudine, de Victu, & cultu prospicere annisus sum, & quia in omnibus hisce ad id solum, quod est summè necessarium, simplicissimum, compendiosissimum, imo constantissimum, collimavi, adhuc mearum partium esse existimavi, in hoc ultimo Articulo de Victu & cultu animi mei sensa, & Experientiam aliquantò penitius, & enucleatius aperire.

H.

Nulla igitur ratio vitam sustentandi post Agriculturam & Opificia (quæ verò præolixa sunt) mihi visa est melior, compendiosior, Proximo utilior, minori-que præjudicio laborans, Fodinarum, imprimis auri, & Argenti Culturâ, cum verò non ubique Terrarum eas haberi possint, vel colere eas operosum, ideoque non unusquisque huic rei par sit, in id incubui, & speculatus sum, numne supra Terram quoque, & sub-

diu

diu ejusmodi Metalla omnibus, vel ad minimum plurimis locis faciliori negotio, & levibus impensis comparari, & hoc modo multis locis proficua Fodina, & Ustrina institui possent.

III.

Causam prolabendi ad ejusmodi (primo intuitu mirabiles) cogitationes, mihi præbuit Naturæ Mineralium inquisitio & investigatio, ac longo studio, & labore, tandem subsecuta notitia prout Physica mea subterranea cum duobus Supplementis testatur, ubi demonstravi, Metalla, imò Aurum, & Argentum ipsum esse Corpora, è terreis particulis composita, & mixta, hasque terreas particulas ante earum mixturam in usu Civili non tam pretiosas esse, quàm cum mixtæ, & jam perfectè Metallum factæ sunt, quemadmodum rotulæ Horologii separatæ tantum non æstimantur, quanti compositæ Horologium perfectum, omnibusque numeris absolutum constituunt.

IV.

Porro Experientia mihi hac in re fidem ulteriorem fecit, quâ edoctus fui, Metalla in ejusmodi particulas terreas reduci, omnigenasque vulgares Terras, Arenam, & Glaream in metalla ingredi, inibique metallicam naturam induere, eaque augere posse.

V.

Ad hæc deprehendi, Naturam supra terram quoque metalla generare, ideoque ejusmodi terrea principia ibi quoque inveniri necesse, siquidem ad opinionem meam magis corroborandam, certoque fundamento in hac Philosophiâ innitendum, experimento didici, ex unaquaque Argilla ferrum, & Aurum extrahere (Lit. A.) quâ de re peculiarem deductionem scripsi, ut videre est, in Supplemento meo primo (quæ extractio ferri ex Limo Lectori nullam ad-

admirationem faciat, aut impossibilis videatur, quia certis Experimentis evincere possum in omnibus Elementatis, potissimum in Carbonibus, fuligine, adipe, lanâ, pilis, Tartaro, Sale, Urina, & id genus aliis, Principiata Metallica latere, iisque arte extracta ante oculos poni posse) successu quoque temporis eò Scientiæ deveni, ut Metallorum productionem, vegetationem, transmutationem, transplantationem, & augmentationem in modum perpetuarum minerarum *fodinarum*, supra Terra tamen, tam in parvis, quam magnis Probis ad oculum demonstrare valuerim. Quod nemini impossibile videatur, qui namque Metalla in convenientibus iuis menstruis solvere, & solutione debitum Terræ genus irrorare, Solique vel calori exponere certo tempore sciverit, is non modò taliter Metalla, sed & varii generis Salia producet, vegetabit, & augmentabit. Vid. Lit. E. Quanquam itaque multifariis Experimentis hâc in re confirmatus fuerim, nihilominus tamen Rationibus, & Authoritatibus Philosophicis eam stabilire, operam impendi, eas quoque satis superque inveni, Curiosoque Orbi literatio in mea Physica subterranea, ejusque duobus supplementis, præsertim primo, abhinc aliquot annos conspiciendas exhibui.

VI.

6. Imprimis demonstravi, omni limo, arenæ, item pinguedini tam animalium, vegetabilium, quàm minerali, Principia mineralia Salis, Sulphuris, & Mercurii inesse, quæ commixta, perfecta Metalla constituunt, sicuti Experientia quoque in Fodinis docet, Vapores Minerales nusquam loci magis delitere, sisti, & figi, quàm in Limo, & Saxo, inde etiam in Luto & Saxi plurîma Metalla inveniuntur, & cum Naturâ tum Arte in ea reduci possunt, atqui ex
Aqua

Aqualimus, & ex limo lapis fieri potest, ita ut Saxonum nihil aliud sit, quam permultæ compositæ, & induratae atomi lutosæ, & arenosæ Massa, hæc igitur duo in Mundo abundanter inveniri, & illud, quod iis ad Metallicam, perfectionem & effectum conducit, in Supplemento meo primo satis demonstratum, quod in multis Terrarum locis à præclaris, & curiosis viris receptum fuit, proptereaque Philosophia mea circa naturalem, & artificialem Metallorum compositionem, & productionem admissa est, ut-
cunque prima fronte paradoxa, & impossibilis appa-
ruerit.

VII.

Expertus igitur hac ratione, Principia Seminalia Metallorum ita universaliter non minùs per totum Orbem supra terram quoque quàm Martialem. Virtutem Acus Magneticæ disseminata, & dispersa esse, quæ & Natura, & Arte inaccessibilia, perfecta Metalla figi, & de potentia in Actum deduci possunt ulterius mecum agitavi, anne hæc etiam Principia remotiora supra Terram in forma magis principiata, & propinqua metallicæ missioni, tractabiliora quoque copiosè inveniri, & comparari, utrumne etiam ea arte purificari, maturari, & in debita proportionem misceri possent, ut inde Metalla fierent perfecta, quod cum in rei veritate ita esse perceperim, nonnulla Experimenta (vid. lit. B. C.) primò in Aula Imperiali Viennæ in Austria, Arena Danubii, aliisque volatilibus mineralibus (lit. D.) quibus in Austriacis hæreditariis multi Montes abundant, postea vero in aliis quoque locis, ita ut tandem concluderim, supra Terram quoque ubique locorum, ubi modò talia Principiata Metallica haberi possint fo-

fodinas coli posse, quæ fodinis subterraneis ratione
 lucri nullo modo cedant, sed questuosiores, & minus
 operosæ sint, utpote quarum mineræ multo labore
 non fodiantur, neque sumptuosis Machinis aquæ
 exhauriendæ idoneis conservari, erutæ tundi, tor-
 reri, & tractari debeant, nihilominus tamen dura-
 biliores sint, & pecuniam capitalem impensam, de-
 ductis sumptibus lucro 2. pro centum singulis heb-
 domadis augere possint, ita ut de hoc labore, utpote
 semper æquivalenti, certo deputare liceat, quid
 in lucro futurum, summaque pecuniæ capitalis
 semper in manibus sit, & maneat, quod ad fun-
 dandam Argentariam seu Bâcum magno asscurato
 interesse in publico, in privato autem, unicuique de
 rebus suis sollicitus, pecuniam suam aliorum fidei,
 Mari, vel Mercaturæ concedere nollet, prodesse
 possit.

VIII.

Postquam verò Opinio mea certæ, cuidam, ho-
 die bene notæ, & formidabili Sectæ Theosophorū,
 vel potius Philosophorum tam in eorum Scholasti-
 cis, quàm Politicis, Criticis, Physicis, & Mathemati-
 cis contraria, & aliena est, propterea que eorum si-
 multates evadere non potui, quin in omnibus Aulis,
 Illustriumque habitationibus, ubi modò Mancipia
 sua insinuarunt, iisque Authoritatem conciliarunt,
 conatibus meis, ut ut fuerint quàm optimi, & quàm
 facillimè in effectū deduci potuerint, imò summam
 evidentiam præ se tulerint, obstiterint, nihil aliud
 intendentes, quàm ut omnes officiorum utilium præ-
 stationes infringerent, subsecuturaque merita, &
 Promotionem mihi taliter præcluderent, inductus
 igitur, ab aliisque persuasus fui, ut animi mei inten-
 tionem propositurus me conferrem in Rempubli-
 cam quandam liberam, ubi *Hollandicam* eligere vi-
 sum


sum fuit, utquæ auida, industriosa, & attenta sit lucro, ubi quis à meru supradictæ Sectæ se liberum sciret, ubi Arena, & ad eam requisita Materialia vel Principiata tam copiosè, & vili pretio, quàm uspiam comparentur, ubi quoque satis pecuniæ ad rem promovendam præsto esset, & ubi præmium non contemnendum haberi, & quod promissum, certò expectari posset, imo ejusdem protectio aliquem ab Exterorum persecutionibus tutum præstaret; Priusquam verò Propositionem hanc meam in *Hollandia* opè Principis *Hermanni*, Marchionis *Badensis*, & Baronis *Lisola Cæsarei* Residentis aggrederer, sequentes quatuor quæstiones sub literis F. G. H. I. satis superque tam Physicè, quàm Politicè examinatæ, & ventilatæ sunt, ita quod non vacuis aristis in Aream descenderim.

IX.

Quo pacto igitur, & qua de re cum D. D. Ordinibus *Hollandia* contraxerim, quid factum, quousque perventum, quid hucusque sustinuerim, quid impediverit, quid me ad discessum impulerit, ex sequentibus Actis patebit. Lit. K, L, M, N, O.

X.

Ex his autem benevolus Lector summatim perspiciet, intentionem meam fuisse bonam, & me rem sine certis causis, quibûs ceu fundamento, superstrueretur, non aggressum esse, errorem quoque non in Tractatione Physica, sed politica fuisse commissum, qui tamen singulis horis à D. D. Ordinibus supra dictis corrigi potest, sed de his plura cum Circumstantiis exactioribus, & aliis scitu dignis in Deductione mea majori.



Nunc sequuntur Documenta ad hoc Requifita.

LIT. A.

*Demonftratio, quod omni Argilla, ex qua Lateres coqui folent, Ferrum in-
fit & Aurum.*

Sume vulgarem Argillam, forma Globulos Oleo lini, in modum Sphæularum Sclopetorum, diffilla eos ex vafculo vitreo collo retorto per ignem vehementem, & videbis Globulos Nigro-Leucophæos, quos ex dicto Vafculo defume, defumptos contere, cribra, & abluæ, & inuenies grave nigrum fedimentum relictum, ex quo mediante Magnetæ Ferrum, multum Auri in fe continens, extrahere licet.

N.B.N.B. Si igitur loco communis prioris, lutum & oleum Metallicæ Naturæ tibi cognita fint, quæ plurimis Terrarum locis, potiffimum verò in Hollandia, Anglia, Suecia, & Polonia copiosè, & vili pretio comparari poffunt, eaque unire fcias, loco Ferri, Argentum, & Aurum, nimirum verum effe, deprehendes, quod ratione lucri 2 pro centum fingulis feptimanis faciendi, retuli.

LIT. B.

*Demonstratio quòd in omni Pellucida
Liquabili Arena Aurum lateat.*

Acceptam claram Liquabilem Arenam Vitrificam, hoc Vitro Argentum liquefac, & in fluxu per aliquot tempus tene, & percipies tantum Auri ipsi accessisse, quantum ego affirmavi.

N. B. N. B. Si nunc mediante Arenâ, Metalla Vitrificare, eaque reducere potes, notabilem eorum meliorationem videbis, ita ut hoc modo perpetuæ Mineræ & Ustrinæ institui possint.

LIT. C.

*Demonstratio, quod Omnigena Terra,
& Saxa sint Naturæ Metallicæ,
tamque assumant, è contrario, quod
Metalla gaudeant Naturâ Terreâ,
& in terram converti possint.*

Sume Arenam, Argillam, Smiridem, Hæmatitem Granata, Talcum, Cadmiam, & id genus alia, liquefac unumquodq; tamen separatim, quodcunque velis, cum debita quantitate Antimonii, tunc hæ Terreæ species ingredientur, & Metallicæ evadent, & partim Regulum formabunt.

N. B. N. B. Quod si verò hæc Subiecta Subtilizare, iisque ingressum dare scias, in Aurum quoque & Argentum induces, adeò ut nonnulla neque per cineritium, neque Quartationem amplius ab iis separari possint.

N. B. N. B. N. B. Quemadmodum igitur Terræ
Me-

Metalla fieri possunt, ita quoque Metalla in Terram redigi possunt, & qui illa verâ Methodo Philosophicâ in eam reducere scit, se in Chymia excellere, gloriari potest, utileque & magnum Arcanum possidebit, quem laborem & tractandi modum adhuc illæsum mecum ex Hollandia asportavi, quamvis summo in periculo versaretur, imò eò serè devenisset, ut inter indignos prostitueretur, & propalaretur.

LIT. D.

Demonstratio quod Viennæ duodecies plus ex Minera extraxerim, quantum alias continuit, vulgarisque Danubii Arena quinquies plus contineat, quam Hungarica minera lota.

ANNO 1676. ad V. Idus Septembr. Viennæ in Ustrina Imperatoris publica sequens Specimen edidi.

Danubii Arena unius Centenarii non lota, sicut invenitur duplo limi, & Lapide Calcari mixta, liquefacta, & fusa reddidit scorias 1. Cent. & 50. Libr. Centenariū continet 1. l. 3. quint. argent. facit 2. l. 2. $\frac{1}{2}$ quint. Regulus de Scoriis, qui instar Metallī Sulphurati fuit, pendet 20. Libras. Cent. continet 1. l. 3. quint. argenti facit 1. quint. Summa totius 3. l. minus $\frac{1}{2}$ quint. argenti, continet igitur pura puta arena Danubii, quæ cruda, illota, & non fossa est, quinquies plus, quantum Cremonensis Minera lota vulgò dicta *Schleiffer Schlam[schlich]*, quæ tanto labore erui, tundi, lavari, & torreri debet, cujus tamen centenarium non plus nisi 2. quint. reddit, cum è contrario Arena Danubii unius centenarii contineat 12. quint. hac ratione igitur omni loco secundum Danubii fluvium Ustrinæ erigi possent.

Attestatio Imperialis Docimastæ, Ratione speciminis cujusdam tentati cum Hungarica è Civitatibus Montanis allata Minera lota, secundum Præscriptum Dn. D. Becheri Cæsareæ Majestati à Consilio Cameræ.

ANNO 1676 Prid. Nonar. Maii in Imperiali Præfectura Monetaria Viennæ restantem adhuc Crembuicensem Mineram lotam è Civitatibus Hungaricis allatam, in qua Dn. à Schellenberg artem suam fixatoriam probare conatus est, denuò probavi, Centen tostum continet argenti. 2. quint. Itè probavi pulverem Cæmentatorium quem à Dn. D. Bechero Cæsar. Majest. Consiliario accepi, Centenarium ejusdem nihil continet Argenti, de hoc pulvere Cæmentatorio desumpsi 8. l. de præfata Minera lota quoque 8. l. idque commixtum in pyxidem Cæmentatoriam indidi, eamque coopertam, lutoque obturata in ignem circularem posui, gradatimque sex horas ignem applicui, ultima verò hora vehementem Liquefactivum. Quo facto, ignem deficere passus sum, vasque refrigeratum refregi, in ibiqu. Metallicum Regulum colliquefactum inveni, Cinerititium sumpsi, Calefieri curavi, in idq; nonnihil plumbi Villacensis, nihil argenti continentis, imposui, illoque liquo facto, supradictum Metallicum Regulum pulverizatum injeci probeque permiscui, & ita succ. sive continuavi, dum omne in plumbum ingressum sit, & tandem plumbum evaporaverit, ibi præsens granum argenteum apparuit pendens $\frac{53}{276}$ libri Centenarium igitur Minera lotæ hac ratione subministrat 5. l. 2. d. $\frac{13}{16}$ nimirum 4. l. 2. quint. $\frac{13}{16}$ d. magis, quam si vulgari modo tractatum fuisset, etenim si 5.

Cen-

Centenaria crudæ Mineræ lotæ non tostæ fumantur,
& torreantur 4 Centenaria tantum remanent, unum-
que evaporat, de vestantibus autem Centenariis u-
numquodque $\frac{1}{2}$ l. argenti continet, reddunt igitur 5
Centenaria Mineræ lotæ non tostæ non magis, quàm
2. l. argenti, è contrario secundum Dn. D. Becheri
Methodum mineræ lotæ, ut torreatur, necesse non est,
sed integra manet, quinque itaque centenaria mine-
ræ lotæ juxta hanc Dn. D. Becheri Methodum red-
dunt 25. l. $3\frac{1}{2}$ quint. argenti in quæ vulgari modo ex-
tract 2. l. si dividantur, apparebit, secundum Dn. D.
Becheri Methodum duodecies plus ex mineræ lotæ
extrahi, quàm si vulgari modo tractetur, totusque
Processus & labor ab initio ad finem commodè intra
diem, & quidem sine magna liquefactione, vel aliis
magnis sumptibus absolvi potest. In cujus fidem hac
ratione attestari volui.

*Sigmund Hammerschmidt Cæsar.
Majest. Docimasta juratus.*

Concordat cum Originali mihi exhibito & collato,
à Cæsar. Majest. Docimasta subscripto & sigillato,
quod attestor,

*Johannes Antonius Lessenich Judicii Im-
perialis Aulici agens, Apostolicâ &
Cæsarea Authoritate Notarius Pu-
blicus.*

N. B. Quinque mineræ lotæ Centenaria humida
Civitatum montanarum conficiunt tantum 4 Cente-
naria Viennensia, & illa secundum Bilancem proba-
toriam unumquodque Cent. 2. quint. argenti. E con-
trario 5 Centenaria humida juxta meam methodum

tractata, unumquodque 14. quint. Argenti, quinque Centenaria faciunt, 70. quint. argenti. Atqui 70. quint. per 8. quint. divisus, proveniunt 9. extrahitur igitur secundum meam methodum ex hac minera novies ferè plus, quantum vulgari modo.

miraberis forte, cur tam utilis, & proficua Operatio in mineris Cæsareis non assumpta, & in effectum deducta sit, sed mirari desistes, si his utiliora quoque & manifestiora non recipiantur, è contra ad oculum demonstrata nocumenta foveantur. Adulatores nempe & Deceptores amplectentur, boni verò viri eliminentur, quorum posteriorum non exiguus Persecutor, Priorum verò magnus Fautor *Gabriel Selu* morte nuper eliminatus est magno omnium bonorum commodo & Voto, ita quod illo jam extincto, si eum adhuc ejus Complices aliquot sequantur, meliora in Aula Cæsarea, pro Viris ingeniosis & industriosis, atque de rebus suæ Cæsare. Majest. bene mereri volentibus, speranda sint.

LIT. E.

Historia, & Series septem minerarum Perpetuarum Artificialium, hæc- tenus Orbi Notarum.

PRima & Naturalissima, utpote quæ naturam proximè accedat, & imitetur, est *Rocha Galli* & *Marci Antonii de Castagnia Veneti* Practica, ubi Argilla, Arena, Lapides certi generis commiscuntur, & adornatis fumis, & Vaporibus metallicis penetrantur, & perfumantur, atque ita Mineralia. & Metalla producuntur, quod etiam periti Metallurgi imitantur, qui fodinas Metallicas jam excavatas, & excisas vaporis Mineralibus nihilominus turgidas,
limo,

limo, arena, Lapidibus, Icoriis, aliisque terreis Subjēctis replent, occludunt, & post aliquot annos aperiunt, ac denuò noviter productum Metallum inveniunt, ita mineræ quædam plumbeæ excisæ denuo post aliquot annos Metallicæ factæ sunt. Sagacissimus Naturæ indagator Illustrissimus Dn. *Boyleus* heic L O N D I N I, dum hæc scriberem, mihi recensuit, industrios quosdā fossores mineræ Stannæ in Anglia Lapidēs Metallicos à reliquis separare, & separatos, quibus parum, vel nihil Metallum inest, in acervum colligere subdiu, unde post annum unum, vel alterum copiosum, & bonæ notæ Stannum denuò eliciunt.

Non procul *Londino* ad Tamesin in oppido *Dedford* curiositate ductus *Anglorum* memorabilem præparationem Vitrioli martis oculariter inspexi, quam in magna quantitate faciunt, ita ut in uno Catio plumbeo viginti & ultra centenaria martis solvant, in liquore acido, qui ex *Marchasita* genere illuc advecto, & accrvatim Aeri exposito, unde salescit & in appositis cuniculis, sive fossis, cum pluit, elixatur, qui in foveam majorem ad id destinatam per omnes cuniculos concurrit, unde rursus exemptus, in catinum plumbeum derivatur; tunc in illum Mars ponitur, & resolvitur, quo resoluta, deinde more communi ad concretionem Vitrioli subviridis inspissatur. Ubi duo in Physicis notatu digna occurrunt; *Primò* quod hic liquor acidus ex *Pyrrite*, seu *Marchasita* nondum sit vitriolatus, nec mineralis, sed illud *Universale acidum* decomponens, cujus in Physicâ meâ subterraneâ memini, cujus ope varia Decomposita fieri possunt, quæ illic locorum recensui, adeò quod hoc solvens per Aërem in *Pyrite* genitum inter *Universalia Metallorum Principia* numerandum sit, unde *Rupecissa* non immeritò scribit:

Vitriolum seu Sal (puta hoc) est *prima Metallorum Materia*, seu illorum *Principium remotum*, hinc, quæcunq; Philosophi de suo Sale & dulci Vitriolo, quod ex Aëre, & Terra generatur, nempe de magnete suo Astralem Salem attrahente, scribunt, de hoc potius liquore, & Sale, quàm de ullo alio intelligenda esse censeo. Particularis posset scribi Liber de hoc liquore, & Sale, seu Vitriolo albo, non enim est adeò corrosivum, & astringens, sicut commune, sed dulce, idque meritò, caret enim omni metallo actuali, & proinde non est Decompositum, sed simplex Compositum, Constans ex Terra Sulphurea & Sale Astali, cujus prior magnes est, unde non immeritò, *Caneparius* in tractatu suo de atramentis, Pyrriten, seu marchasitam, primum Metallorum & Mineralium rudimentum & materiam vocat. Transportatur autem hæc marchasita ex insula *Vectis* vulgò *Weght* in prædictum locum, semperque illic, licet deportetur, regenerari ajunt Incolæ, quod alterum notatu dignum est, atque id, quo specialiter heic loci inferre volui, & cur hanc Historiam allegavi tam de Pyrrite, quàm de liquore aliquam quantitatem mecum sumsi in curiositatem, difficulter enim aliquod Subjectum reperitur, in quo sit acidum Universale decomponens, quod de facto non in Decompositum iverit, nempe Alumen, Borracem, Sulphur, Vitriolum, quæ Decomposita difficulter tum divelli, & in primam simplicem mixturem reduci possunt, quin non magnâ Ignis violentiâ ad id indigeant, cujus tortura particulæ etiam terræ volatilizantur, & hinc ingenstali spirituum corrosiva ignitas, quæ in hoc Philolophico oleo Vitroili non reperitur. Vitriolum etiam, si sit Veneris, potest quidem liberari à particulis Cupri, mediante ferro, quod in eo solvitur, sed tunc fit Vitriolum Martis, & hujus particulæ possunt præcipitari

tari Zinckio, & tunc fit Vitriolum Zinckii, & sic semper, si unum vitare velis, incommodum, incidēs in aliud, & si denique forti Lixivio sine metallo Vitriolum præcipitare velis, tum totum mixtum deturbas, faciesque novum Decompositum, neque unquam accipies decantatum illum Virgineum Astralem Salem Sulphureum sive acidum Decomponens Universale. Per multa specialiora de hoc memorabili liquore, acque minera perpetua Pyrritifera nota sunt *Illust. ssim. viro Boyleo*, qui meliorem occasionem, majusque tempus habuit, & subtiliorem genium talia investigandi.

SECUNDA MINERÆ SPECIES adhuc quoque simplex est, sed valde naturalis, arena enim, unde Aurum lotum, aqua superfunditur, & Solis Calori exponitur, atque ita successivè denuò Aurum intus generatur, præsertim si salsa, & pluvia aqua aspergatur. Imitati hoc sunt alii, & arenam cum limo, lapide calcari, vel cretaceo miscuerunt, & Metalla in mensuris non corrosivis solverunt, hisque solutionibus terram irrorarunt, Soli exposuerunt, finita æstate, elixârunt, & elixatum reducerunt, atque ita metallum satum, augmentatum invenere. Scio quosdam metalla rursus reduxisse in mineras (manipulatione sat levi) has tritas Alkali saturato vel metalla cum aliis Salibus miscuisse, & notabilem effectum sensisse. Quando tamen subinde in Arte errarunt, metallum in mercurium currentem transmutatum reppererunt, juxta illam P. Kircheri observationem à me in supplemento primo in Physicam meam Subterraneam contra non entitatem mercurii corporum adversus Rolfincium allatam: *Plumbū, aquis salsis diu maceratum, in Hydrargyrū solvitur*. Hoc alii imitati mineras erutas, vel pauperes, vel immaturas, aut volatiles cum limo, & calce miscuerunt, cum certo quodam Lixivii genere imbiberūt, & certo quodā tēpore ad Solis, &

Lunæ

Lunæ radios exposuerunt postmodum liquefecerunt, & augmentum non contemnendum repere-
runt. Possum hoc loco singulare quoddam Lixi-
vium demonstrare admirandæ operationis, verum
indignos pariter cum dignis tractare nolo, sed *fæ-
rum Bovi, & saccharum Psytaco* dare volo. mul-
tæ certæ sunt mineræ, quæ, sive Paupertatis, sive im-
maturitatis, & volatilitatis, ac Heroclitæ liquefactio-
nis causâ exinde resultantis tractari nequeunt,
quæ tamen omnes commodè hujus medii ope co-
li possent.

Tertia minerarum Perpetuarum species in ex-
tractione consistit variarum arenarum, & Terrarum,
mediante aliquo ignobili extrahente, de quo *Glan-
berus* ad satietatem, & vix non ad nauseam usque in-
tegro tractatus conscripsit, sed vix imitatores habu-
it, mundus enim hodierno tempore piger est, & non
libenter ambagibus gaudet, prolixisque laboribus,
verum Aurum magnâ mole, & non in Atomis quæ-
rit, si tamen Provinciarum, & Regnorum Domini
scirent, & cogitarent, quid tales lotiones, & extracti-
ones conjunctim & annuatim præstent, cum ne ri-
vus ferè sit, cujus quidem arenæ atomus, ac ne mini-
mus quidem Silex sit, in quo non metallum reperia-
tur, altiùs respicerent. Hinc ipsum Platearum lu-
tum, & cœnum Auri subinde dives est, prout memo-
rabile exemplum heic loci de una non infima Urbe
in Orbe adducere possem, si ingratis non æquè, ac
gratis inservire vellem. His aliisque de causis di-
co, moderatores rerum subditos adigere deberent,
ut huic studio operam darent, [præstaret enim hoc
cœnum vel lutum quam vitra fracta & ferramenta
colligere] singula enim collecta juvant, ut meritò
Estra dicit, *Terram dare parvum pulverem, unde
Aurum fiat.* Nosco magnum quendam Monar-
cham,

cham, qui interdum non tantum Auri in *Bursa* habet, quantum ejus Rustici, seu lavatores *Bisetta Auri* in pannis lavatoriis occultant, & ei furantur, unde colligi potest, quantum *lotionis negotium* importet.

Quartam Perpetuarum minerarum species primam quidem speciem æmulatur, sed magis artificialis est, loco enim Terræ simplicis vel mineralis, metalla fumuntur, & magno ingenio vapore Sulphureo continuo inflammantur, & digeruntur, accedente ignis temperato gradu, & hic labor est valde naturalis, & utilis, ego circa Plumbum taliter tractatum mira expertus sum, & non inania certè *Glauberus* de materia hac in libro suo de *Ignis secreto* scribit, ubi expresse demonstrat, quod primum mobile agens, seu maturans Metallorum sit *Acidum Sulphureum*, quod experimentis non contemnendis demonstrat, & præsertim *Mineram perpetuam* construere docet, quam taliter *Viennæ* apud Philo-Chymicum quendam nomine *Hoffmullerum* constructam, & multis centenariis Metallum gravidam, propriis oculis vidi. Alibi etiam imperfecta Mineralia, ut Arsenicum, Auripigmentum, Antimonium, Coboltum, & Marchasitam taliter figi vidi. Ubi notandum, quod pulchrum visu, Metalla etiam argentum ipsum, debita proportione cum Sulphure permixtum, tostum, & requisito Ignis accurato gradu tractata massam Metallicam alicujus temporis spatio igne satis valido in pulcha arbuscula Massiva excrecere æquè ac subinde id in Mineris contingere solet. Huic Methodo innititur illa decantata transplantatio *Wilhelmi à Rosenberg*, cujus in præmonitione memini: *Montanus* de Flamma Sulphuris super Cupro liquato per aliquot tempus reagente, allegante *Morhofio* in Epistola ad *Lange-*
lottum

lottum memorabilem recenset Historiam. Alia & longè memorabilior cum annexa Praxi mihi nota, & in scriptis ad manus Historia est ex Codice Vetustissimo, loco, Veritatem merente, ubi mediante continuâ Artificiosâ applicatione Flammæ Sulphureæ, Luna, sive Argentum in Vitrum, & tincturam convertitur, cum observationibus non vulgaribus: *Cornelium Drebbel* particulare quoddam Chymicum habuisse, ejus familiares, & cognati fatentur, quanquam nihil amplius de eo resciant, quàm quod recordentur, se continuè odorem flammæ sulphureæ in ædibus ejus sensisse, quod semper Sulphur deflagraret. Quid vel communes flammæ, si certo, & continuo gradu, sive Plumbum, sive Stannum, vel Ferrum, aut Cuprum lambant, atque in pulveres impalpabiles ea convertant, circa illorum perfectionem, & transmutationem efficere possint, experientia demonstrat, quod nempe Metalla taliter calcinata, & extracta, in primam Substantiam non amplius converti possint, sed aliam naturam induant. Hinc si Metalla in continuo fluxu detineantur, & requisitis alterantibus tractentur, illa immutari & perfici debere, jam sagacissimus *Verulamius* suboluit, cum hæc de re scripserit, & in Historia sua naturali cent. 4. Methodum proposuerit, quâ possibile sibi videbatur, ignobilis Metallum in Aurum commutare, postquam igitur requisita ejus operis recensuit, tandem num. 327. ita rem instituere jubet,

Minera Artificialis, Verulamiana.

Angusta paretur fornax, temperatusque excitetur calor, & quidem talis, ut Metallum perpetuo liquefactum conservet, non vehementior, quod ad rem vel maxime facit. Materia sit argentum, metallum maxime cum auro symbolizans cum quo decima Mercurii vivi pars imponatur, duodecima nitri iusto pondere, qua vegetando, corpusq; Metallum aperiendo serviunt. Operatio per sex Menses ad minimum continuetur, velim, & oleosas quandoq; injici substantias, quales adhibentur recuperando auro, tormentis separationem exasperato, in eum finem, ut partes arctius leviusque disponantur; magnum instituti momentum, Aurum enim, ut constat, compactissimum; omniumque metallorum ponderosissimum est, maximeque flexibile, & extensibile. Haecenus Baco Verulamius.

Non paucos futuros scio, qui Nasum ringent, quod Baconis Methodo assentiri videar, prorsus absurdissimæ; quis enim unquam vidit, vel audivit, Argentum cum Mercurio continuos sex Menses liquefactum, quin Mercurius nō primo momento in Igne fusorio statim aufugerit, ergo inutilis ejus appositio & commixtio cum Argento, ad quæ respondeo, plus ad Baconis intencionem, quàm verba respiciendum, novi enim aliquem, qui Argentum diu in fluxu continebat, & per vices semper Mercurium vivum injiciebat, evaporantem verò Mercurium per cetum receptaculum recipiebat, & non inanem laborem perficiebat. Quid verò *Verulamius* per oleositatem intelligat sapius injiciendam, quâ Operarii in reductione calcis Auri utantur, primo quoque aspe-

ctu

Etu ridiculum est, sed si consideremus, optimos pulveres reductorios ex Borace, fuligine, sevo Tartaro, seu illorum Sale constare, & si perpendamus, quid hæc subiecta, siue separatim, siue conjunctim super Luna, aliisque Metallis in continuo fluxu operentur, & præstent, occasione fortè contrariam haberemus, & justam, tales eridendi, qui simplicia subiecta, & operationes vulgares contemnunt, seque è contra subtilibus sophisticationibus, entiumque non necessariâ multiplicatione irretiunt & illaqueant.

Quinta Mineræ Perpetuæ Artificialis species priori quidem similis, sed longè magis Philosophica est, sicut enim antecedens Igne Sulphureo actuali agit, ita hæc igne potentiali, siue in Salis vel Terræ, siue in Aquæ vel liquoris forma, Sulphuream tamen potestatem continente, circa maturationem Metallorum, eorundemque alterationem occupatur. Prioris operationis, *Petrus Maria Caneparius Cremonensis Medicus & Practicus Venetus* mentionem facit in suo tractatu de *Atramenti* cap. 47. sub sequenti Titulo.

Aurigera Minera, Natura & Arte
constructa in cubilibus artis,
quemadmodum in terræ cuniculis
ab Archeo.

Rubea eruitur lacerta, Natura ope orta, è Monte Dondosola supra Comi urbem prope Latium lacum Italia, *Atramenti metallici rubei genus est*, quod aliis in hoc opere prævalet: verum ut exactè perficiatur, expedit in aceto acerrimo stillatio dissolvi, mox ipsum filtrî lingula transigere, inde cineribus tepidis concreescere opus, quod ter reiterare debet
viz.

viz. ter solvere, percolare, ac aque coagulare toties, demum ei exciccato & in pollinem molito adjicitur modica chrysocolle portio, & ita permixta servatur, donec reliqua ingrediētia parentur: superest preparare oleū ē Tartaro vini, calculove, qui eligatur alb. lucidus & crassus, ex optimo, & generoso vino ductus: Idcirco in unica libra olei ex ipso calculo facti, ut moris est, obruitur totidem usifur, vulgares ipsum appellant Galli Vermillionem, prius tamen comminuatur in frustula, ad instar fabarum, quæ in matula vitrea recondere sequitur, cum oleo ad invicem, & indulgenti Vulcano committere, ut una ferveant, quousque olei aquositas evanescat: Reliquum vero substantiæ olei concrefcet in Salem qui residebit imo vasis: tunc seligatur ab eo usifur tantum, eruatur itaque & custodiatur.

Præterea urget occasio formare crucibulum, nempe vas fusorium singulare, quod igni fusionis, diu perdurare queat, etsi complura hujuscemodi vasa ad eliquanda Metalla sint vulgaria, non desunt enim ex terra equidem igni contumacissima forma triangulari, vel rotunda, quæ Plebi venditaria sunt, hac tamen vix bis terve igni resistunt fusionis; quare industria collegimus summæ commodum esse crucibulum sculptum in lapide molari, quam molli, hoc sæpius novi, diutissimè, imo per annum repugnare igni: quibus peractis congruum erit, ut properemus ad actum constituendi mineram: quamobrem expedit in crucibulum lapidis molaris immittere unciam solis terrestris, ac totidem Luna terrestris, ut ad invicem equali portione conflato igne furno fusorio liquefiant, quibus fuis projiciatur uncia atramenti rubei, chrysocolle parati, & statim tegatur vas fusorium analogo suo termino quod claudat ipsum intervallo temporis quo dici possit. Psalmus Miserere mei Deus, &c. mox rursus detecto vase adjiciatur uncia usifur preparata, ut antea, & statim operiatur vas incumbendo, ut perseveret ignis absque ulla remissione, adeo ut

semper fufum, fervensque tueatur metallum, elapsis inde viginti quatuor horis, rursus opus est patefacere, vas, & alteram adjicere unicam Solis, ac totidem Lune, deinde lacerta rubea unciam, ac tandem usifur alteram: quod tertia vice peragendum est effluxa vigesima quarta hora, ter enim tantummodo mergitur Sol cum Luna, & reliquis in crucibulo. In posterum sat erit fundere Lunam cum lacerta rubea, & usifur, omisso Sole, in reliquis idem refricatur ordo singula vigesima quarta hora, ut supra expositum fuit, aperiatur crucibulum, & immittatur Lune uncia una, & liquefcere permittatur, mox obruatur atramentum rubeum, demum usifur: Hâc igitur norma prosequendum est opus usque ad trigefimum diem: assidue vero expedit perseverare ignem, & in vigore fusionis tueri adhuc per duos dies præter triginta, & omnibus elapsis auferatur ignis, ut omnia frigescant. Luna enim versa erit tota in Solem obrizum: totaque operis massa constituit molem pondere triginta trium unciarum: ubi verò esset optio perennein constituere mineram, oportet sine ulla intermissione perseverare ignem, & cum præterierint triginta dies ab incepto, incipies sequenti prima die elicere e Crucibulo unciam unam Metallifusi, erit enim obrizum, cujus vice suggerenda est uncia Lune in crucibulum ipsum, & operam navare opus est, ut liquefcat cum cæteris ad invicem, mox super addatur atramentum rubeum præparatum: Ac inde subsequenter ulifur, postmodum Crucibulum operire opus requirit, ac sedulo tueri ignem, & præterita singula hora vigesima quarta idem peragere expedit, auferendo prius a Crucibulo unciam unam illius, quod erit fufum, & vice ipsius supeditando Lune unciam, ut fundatur, post liquefacta immittatur lacerta rubea, ac subsequenter ulifur præparatum, mox operiatur Vas, & ita singula vigesima quarta hora reintegratur Ordo ipse usque ad infinitum,

duo

duo tamen animadvertere æquum erit, unum videlicet puta, ne unum anteponatur aliis: Verum exequatur norma supra assignata: Aliorum est, virgulam ferream immittere in Crucibulum, qua frangatur cuticula dura, quæ evenit ex Metallicis ad instar crusta, idcirco quater & sexies si opus erit inter diem, & noctem, singula die frangatur crusta, virgula ferrea, ut lique scat, & commisceatur, nam ita fiet juxta Votum. Hactenus Caneparius, cujus pro more suo, & Styli & terminorum, & manipulationis obscuritas, nemini in hoc Processu passim non obvia est, adeò ut Processus hic toto commentario indigeret, quem suppeditare possem, si officii mei esse crederem, aliorum labores corrigere, malè posita emendare, omis sa supplere, & obscura explanare. Si quis tamen hujus Processus fundamentum, sive rudimentum potius scire desideret, is Experimentum elaboret, quod olim ab Hungarò quodam Comite & Magnate Phyllo-Chymico *Forgatsch Adam* nomine, Regni Hungariæ Generali accepi, probavi, & verum inveni, vel hoc solo nomine commendabile, quod nihil de Argento in hoc Processu amittatur, & tamen semper aliquid Auri acquiratur, an verò cum quolibet Vitriolo succedat, nescio, quare etiam negotium non persecutus sum, tantum enim Vitriolorum Varietatem observavi, ut de Processibus, qui Vitriolum pro Basi habent, nunquam idem, & certus effectus sponderi possit, sunt namque Vitriola, quorum Oculum jam actuale Aurum in se continet, ut demonstrati possunt, præsertim in Hungarico, in hoc igitur Processu *Forgatschiano*, Vitriolum Hungaricum sumitur, calcinatur ad rubedinem, affunditur acetum terve quater distillatum, extrahitur Essentia Vitrioli, decantatur ex iraelio, filtratur, & evaporatur usque ad consistentiam rubri Syrupi, cujus sumuntur tres uncie, cinabarii quinque uncie,

bene commixta humectantur aquâ Salis Armoniaci, exsiccantur lentè, & hoc repetitur terve, quater, tunc miscetur equali pondere catris Luna, distillatur per Retortam, quod remanet, fulminatur in Cupella per Saturnum, & separatur in aqua forti. Potest etiam hæc Massa Vitrioli & Cinabarii successivè in Argentum fusum injici, sequitur idem effectus, sed perditur Mercurius, qui ex hoc labore non est contemnendus.

Idem opus aliter succedet, si lapidem Pyrrmieson seu lapidem de Tribus sumas, & pulverizes, hujus pulveris unam unciam, Croci Veneris tres uncias capias, & cum Oleo Vitrioli optimè trita imbibas, idque tertium repetas, & sicces. Tunc Lunam finam liquefac, & successive hunc pulverem injice, donec Luna tota friabilis fiat, & pulverizabilis (quod pondere anatico pulveris prædicti fieri solet) hanc Lunam pulverizatam bis detona equali pondere cum fluxu ex octo partibus Nitri, quatuor Sulphuris, & duabus Tartari præparato, tunc hanc detonatam Lunam cum fluxu ex Nitro, & Tartaro ana tres horas igne forti liquefac, effunde in Conum, & Luna cadet in Regulum instar Marchasite, cui adde æqualem partem Auri, & cum fluxu ex Nitro & Tartaro denuò fluat, acquies rursus Regulum, quem misce cum anatico pondere Antimonii, & cum sale ex Nitro & Tartaro detonato refina hunc Regulum, Sal enim hic imbibit Antimonium & reliquam cruditatem lune, quod si una vice Regulus non fiat Malleabilis repete laborem, donec massa sit Malleabilis, quæ si non satis sit tincta colore aureo, liquefac cum Vitro rubro gradatorio Veneris, in quo si color nimium rufescat, tunc Massam denuò semel more ordinario per Antimonium funde, & colorem acquireret gratissimum. Potest hic quoq; Processus institui, ut Lapis Pyrrmieson cū Croco Veneris, & Oleo Vitrioli fixatus, atq; in pulverem, redactus successivè in Argentum fusum, cui aliquid Auri sit additum, injiciatur, isque labor continè

tinuè repetatur, donec Luna satis friabilis sit, tunc folius Nitri injectione in eodem Vase, fluxu, & igne refinari potest, quæ refinatio tam diu continuetur, donec Nitrum non amplius tingatur, tunc Scoria abstrahatur, & labor de novo cum Lapide *Pyrrmieson* repetatur, & ut dictum est, cum Nitro refinetur, quem refinandi modum largiùs descriptum invenies apud *Glauberum*, in explicatione *Miraculi Mundi*, qui *Mineram perpetuam* quoque pro *Mercatoribus* ex *Regulo Antimonii Martiali* conficere voluit, sed bonus Vir in eo cum multis deceptus est, quod in *Regulo Martis* aurum corporale quæ siverit, non nisi in *scorus ejus* inveniendum, quod in *Regulo* tantum spiritualiter lateat non nisi *Philosophico modo* extractile, cum è contra ipsi non negassem *perpetuæ Minera* constructionem, si sive *Martis* sive *Veneris* *Scorias* debite præparatas, sive separatim, sive conjunctim, *Lunæ* in-fluxu iniecisset, & mediante Nitro rursus abstraxisset, & refinasset, & hæc est ratio, cur *Alexander van Suchten* primas *Scorias* in præparatione *Reguli Martis* reservari jubeat, atque illis *MYSTERIUM QUODDAM* inesse scribat, sed prævalet *Lapis Pyrrmieson* Hactenus de *Minera Caneparianâ*, Quod verò jam secundam Operationem attinet, nempe in liquoribus Sulphureis gradatoriis, legi poterunt quæ de *Lunâ* in Aurum transmutata *Claveus* in Apologia contra *Erastrum* scribit his verbis: Distilletur aqua acerrima & tingens, quam plerique norunt, distillata rursus distillanda est, & sæpius, dum nullæ faces post distillationem in imo vasis resederint. Magni enim refert omnia ab impura face, & crassitie esse purgata: Purgandum etiam est *Argentum vivum* vulgare pluribus repetitis sublimationibus, dum perspicuum fuerit, hinc reviviscat. Solvantur seorsim à distillata aqua acerrimâ uncia duæ argenti purissimi

mi. Eâdem aqua solvantur seorsim quatuor uncia argenti vivi purissimi, misceantur soluta: distilletur aqua primùm imbecillo igne, donec tota stillaverit. Hinc augeatur gradus Caloris, ut etiam argentum vivum distillatione expiret, frangalatur vas vitreum. In imo Vasis Massam argenteam conspicias partim cinereo, partim rubro sub obscuro colore tinctam; Tandem reduc in corpus. Hoc Argentum etsi nondum mutaverit colorem, neque sit aurum, purius tamen est, & solidius, quam naturale argentum, ipsiusq; humidum magis definitum. Idcirco in examine auri scilicet cementis, agerrime, nec nisi repetitis, sæpius divellitur. Quin etiam solutum cum fuerit ab aqua acri separationis, ramentum quadam Auri puri subsidere conspicias. Hoc signum totam argenti Massam in aurum mutari posse judicabis, cùm sit eadem totius, quæ & partis ratio. Hoc opus maturationis fluctuum speciem quandam gerit. Cum primùm enim uvæ maturescunt, grana quidem nigro colore perfusa conspicias, cætera autem sine ulla coloris mutatione, quæ tamen precedente, & continuato calore maturatione peracta, nigra sunt omnia. Sic si idem Argentum sæpius solvatur ab eadem aqua acri, eique admisceatur argentum vivum solutum, & distilletur aqua, & expiret argentum vivum, & Massa subsidens in Corpus reducatur, tota in aurum mutabitur. Varios etiam subinde colores, coctiones reiterando contrahet, dum tandem rubeus splendidus, fixus, & impermutabilis color apparebit, qui perfectæ concoctionis signum est. Sed magna in reductione in Corpus adhibenda erit diligentia ne nimium decidat ponderi, alias totum ferè argentum in Spiritus aqua um acrium in reiteratione operis in vaporem evanescet, nec aliud periculum in hoc experimento pertimescendum. Impedimentum hoc evitare poterunt ingeniosi, neque ratio suadet omnia in vulgus profundere. His, quæ Claveus scribit, accinere videtur de-

decantatissimus ille Ariminensis Poeta *Angurellus* in carmine suo de Chrystopœia sequentibus Versibus.

*V*di ego qui tennes argenti ritè tabellas
*S*pargeret, & lateris contriti pulverem, & unà
*H*uic virides aris squamas, niveasque perusti
*C*ontundi micæ Salis, injungique juberet,
*P*ulvereosque aliis Grumos & rebus acervans,
*Q*uas vetat & ratio, nec non ars ipsa referri,
*H*ec ne sordentis vulgi vilescat in usus,
*I*lla ut non ulli quæ sunt celanda revelet:
*M*ox ita compositis angustâ in pyxide lamnis
*S*ubjicere inclusas arctò sub fornice flammæ,
*Q*uales crediderim torreri ad Tartari fontes
*A*ut ubi Sulphureis diros premit *Æthna* sub
 antris.

*A*t postquam ardenti fuerant hæc cuncta camino
*T*osta dies, noctesque novem, tum demere *Massam*
*F*erventem, deq; ignis adhuc fervore rubentem
*A*bluere argenti roranti aspergine *Lymphæ*:
*Q*uam simul in partes lima diduxerat acri
*E*xiguas *Phiale* secreta in parte locabat
*A*rtificis miri ingenium; Nam de super undam
*F*undebat, quæ mox argento excerneret aurum.
*T*um viridem sensim in laticem liquere videri
*A*rgenti vis illa prius compacta, sed imum
*V*as auri se juncta gravis ramenta petebant:
*T*antus aquæ vigor est, tanta illo in pulvere virtus.

Sed quid opus est subtilibus, & ænigmaticis ejusmodi descriptionibus. *Converte Sulphur in Terram fixam, & hanc resolve in aquam*, habebis optimum liquorem gradatorium, imò ferè transmutatorium, lege, quæ *Glauber* in *Libro de tribus Principis* in *Titulo de Sulphure* sub finem de ejus fixatione, & conversione in liquorem scribat; ubi ait *Saturnum* in

eo digestum quatuordecim dierum spatio medietate in
 argentum mutatum esse, quandoquidem verò fatea-
 tur, reductionem Sulphuris fixi in liquorem per dif-
 ficilem esse, ad aliud delabitur inventum, quod quo-
 que *Perpetuam Mineram* vocat, in eo consistens,
 quod cineres communes misceat cum hoc Sulphure
 fixato, cupellas & cingritia inde formet, super iis Sa-
 turnum fulminet cum Luna, & fulminata reducat.
 Sed hic labor potius spectat ad 7. *meam Mineram*
ad Processum Grillianum, citque multo difficilior
 priori. Facili enim negotio, & perpetuo augmen-
 to Sulphur commune in terram fixam capitis mor-
 tui Vitrioli instar convertere, hancque terram fixam,
 & insipidam rursus perpetuo augmento in aqueum
 liquorem, sive oleum reducere scio, Vitrioli Oleo
 non absimile, quod vera Terra liquida est, & forte
 à nonnullis non immerito *Oleum Philosophorum*
 vocata, quod nulli mirum, & impossibile, ac rationi
 contrarium esse videatur, cum enim clarè constet,
 ex aqua Terram fieri posse, dubitandum non erit,
 Terram quoque in aquam reduci posse, sive Terram
 esse *aquam condensatam*, & aquam esse *Terram*
Fluidam, quæ vicissitudines rarefactione, & conden-
 satione prudentis Distillationis seu Operationis
 Chymicæ cuilibet ad oculum Demonstrari possunt,
 ubi quoque admirandi effectus conspiciendi, qui ex
 solventibus oriuntur, quibus Terreæ atomi rarefa-
 ctæ insunt. Sed quoniam tamen hæc Mysteria pro-
 pter alias rationes non in vulgus spargenda sunt, me-
 rito abstinco, & tantummodò usum *Spiritus Nitri*,
 ritè tamen præparati commendo attestatatione illo-
 rum fretus, qui veritatem dictorum meorum sciunt,
 dico enim talem Spiritum multò plus ex conversio-
 ne Lunæ in aurum possessori suo lucrum reddere
 quam Bancum sive celebris illa Argentaria Amste-
 ro-

rodamenſis ſuis Depoſitariis annuatim Interſſe pro centum reddat: Unde liquor ille RUSTICI TRIBUTARII nomen apud quosdam obtinuit.

Sexta Mineræ Artificialis Perpetuæ ſpecies, eſt tota quanta philoſophica, hinc etiam *Minera Philoſophica Perpetua* vocatur, & in eo conſiſtit, ut Aurum per certum quoddam Argenti vivi genus in Mercurium reſolvatur, qui & Corium, & Retortam tranſit, & qui fixatus aurum Corporale exhibet, hiſc Vocabulū. *Particulari Philoſoph. oriū.* ſinempe particula hujus pulveris fixi in igne in Aurū reducat, & vendatur in Uſum Civil. ſed reliqua particula pulveris cum tribus partibus convenientis Mercurii denuò miſceatur, & ad fixationē ponatur, ita ſingulis circiter Menſibus medietatem eximere, & in Aurum reducere, reliquum verò perpetuò augmentare poteris, habes enim *fermentum perpetuum*, quod Aurum phyſicum, ſeu philoſophicum vocant, modò tibi non deſit *accreſcibile, & fermentabile*, nempe reſequiſitum noſtrum Argentum vivum, quod nonniſi totum *Aurum fluidum*, nempe potentiale Aurum eſt. Ubi quoque curioſum viſu eſt, quod Argentum, ſive Aurum, cum Mercurio Amalgamatum ſive in via liquida, ſive ſicca, in pulcherrimas arbuſculas excreſcat, nulli Aurifabro imitabiles, quippe quæ, & fructus ſuos oſtendant, omnia mirum in modum concinna, unde talis excreſcentia *Arbor Philoſophorum* vocari ſolet. Poſſem heic loci multa ſuggerere, non curioſa modò, ſed & utilia, verum quoniam Deus hanc *Mineram* tantum pro Philoſophis creavit, in Politicum eam uſum deducere nefas, & piaculum eſſet, quæ tamen *Clavius* de hac *Minera Perpetua*, ejuſque Augmento æterno, ſc. de Mercurii convenientis proprietatibus ſcripſit, vera ſunt, rationi, &

Praxi consentanea, qui enim vidit, pariter testari potest, proinde ejus verba hîc subnectere volui, ut qui *Minera hujus Philosophicæ* conditiones tam irracionales & impossibiles, ac difficiles esse existiment, ratione & experientia in contrarium convincantur. Tacere hic jubeor propter indignos, aliàs toti Orbi paucis lineis oculos aperire, & vaticinium de *Anno hoc octuagesimo* adimplere possem, sed quoniam mala non facienda sunt, in contemptum, & vindictam paucorum, ut odium, & damnum inde exultet, ac maledictio omnium Philosophorum, *Clave* sequentia adjecisse, & *Mercurium hunc Homogeneum* commendasse sufficiat.

Sed quoniam *Claveus* fusè, & latè hæc omnia exponit, nolo chartas has meas contra morem meum alienis literis replere, sed potius in compendium redigere, extractum ergo brevissimum, & magno studio à me ex *Claveo* excerptum Lectori propinabo, quod tale est.

Postquam Author doctissimè, & profundissimè totam Historiam de Mixtione, & accretione, Metallis præ aliis propriâ, expoluit, & solidè demonstravit, nihil posse Auro accrescere, quod non cum illo priùs queat intimè uniri, & quod talis unio non possit fieri, nisi per solutionem radicalem, & quod talem Solutionem necessario, & ex cursu Naturæ consequi debeat radicalis coagulatio, & fixatio.

Postquam Author porrò gravissimis Argumentis contra Erasum Philosophatur, & demonstrat, Materiam Metallis, præsertim Auro, & Argento accrescentem nullam aliam magis esse convenientem, & homogeneam, præterquam argentum vivum: *Postquam* rationibus, & Praxi convincit, Argentum vivum commune nimis esse aqueum, crudum, mortuum, inanime, & indefinitum, ac proinde auro ratio-

naliter solvendo in idoneum. *Postquam* argenti vivi communis correctionem, acuitionem, & animationem docet, & commendat, corporum tamen Mercurium Corporum præparare posse, mediante Mercurio, & quod Mercurium Jovis in Argentum mutaverit. *Postquam* itidem Mercurium Antimonii, Marchasitæ, Bismuthi, & Saturni commendat, eorumque præparationem juxta *Gebrum* quoque explicat. *Postquam* definitionem Mercurii homogenei exponit, nempe quod non sit, nisi potentiale Aurum, gravior, & minus evaporabilis, quàm communis. *Postquam* denique Lectori aureum hoc monitum inculcat (verba sunt Authoris) constans ergo sit, & ratum, nullam aliam materiam Argento, & Auro proximiorē esse apud Artem, quàm Argentum vivum tam vulgare, quàm quod Metallis imperfecte mixtis inest. In illud, ut materiam, omnes conatus impendant, quicumque Chrysopæia fructus expectant: Profligetur omnis alia materia Sulphurea, unctuosā, inflammans, adurens, inflammabilis, & adustibilis. Sola Substantia Argenti vivi Aquea subtilissima, viscosa, indissolubilis, nullius Ignis ardori cedens sit pro materia Argento, & Auro proxima. *Ipsū enim est quod ignem vincit nec ab Igne vincitur* (& ut Author explicet quid per talem substantiam Mercurialem intelligat, ne Lector in ea erret, & vulgarem pro Philosophicaumat, sequentia pro distinctione addit) *Neque verò existimandum est, Argentum vivum, quod solvendi Aurum obtinet facultatem esse illud vulgare, quod palam à Pharmacopolis, aut Mercatoribus venit, cum enim à corpore, quod similitudine prius Substantia Aurum referat, & temperamento sit*

calido, humido, solutionem ejusdem Auri prestare oporteat, illam quidem similitudinem Argentum vivum commune obtinere negari non potest, temperamento autem esse frigidissimo, certum est, & maxime indefinito, sed aliunde Argentum vivum sumi debet, quod nulla arte, sed primo quoque contactu & attritu cum Auro non minus coeat, & misceatur, quam Aqua Aqua, jam contemplare altius quodnam sit illud corpus. Postquam inquam, Author noster hæc omnia, utpote tanto Philosopho digna, exactissimè, & scrupulosissimè exposuit, tandem Praxin, nempe constructionem sui Augmenti perpetui aggreditur, prout sequitur.

Minera Philosophica Claveana, seu Augmentum perpetuum Solis Lunæ & Mercurii.

Sumat drachma Argenti vivi animati, eique admisceatur drachma Argenti, vel Auri in calcem modo ordinario per Mercurium redacti. Duæ drachmæ scilicet argenti vivi animati, & calcis argenteæ, vel aureæ simul mistæ, lento primùm igne, post aucto sensim usque ad ignitionem maximam, decem dierum spatio decoquantur, dum in pulverem candidum, vel fulvum desierint. Huic deinde pulveri æquale pondus ejusdem argenti vivi animati adjiciendum, miscendum, concoquendum ut prius, dum in pulverem abierit, & colorem candidum, vel citrinum contraxerit, atque iteratis vicibus, æqualitate ponderis servatâ, omne argentum vivum animatum in pulverem album, aut rubeum, sive citrinum vertetur. Hic pulvis in pillulas albumine-ovi immisto formatur, & in portiuunculam auri vel argenti sensim projectus, in argentum vel aurum purissimum transmutabitur.

Et tractatu de ratione progignendi lapidis Philosophici, eundem Processum cum pluribus circumstantiis repetit, & hæc addit: *Idem argentum vivum animatum* (cujus beneficio diximus, argentum vivum vulgare libentiùs coire cum calce auri, quàm Aquam aque misceri) augetur in infinitum, si aurorursus, & novo argento vivo admisceatur ea, qua diximus, arte.

Quamvis Author noster sat clarè, & fideliter Artem tradiderit, non pauca tamen venient Lectori in Praxi difficilia, Philosophi enim Chymici, utcunque fideliter egerint cum Lectoribus, nunquam tamen ad verba sua, sicut neque Politici alligari se voluerunt. In omni enim Scripto potiùs ad sensum & Materiam, quàm ad scribendi modum, & literam respiciendum est, nec minus enim in Philosophia Hermetica, quàm in Juris prudentiâ Circumstantia jus variat. Sic si Author noster in eò variare videatur, quod nunc duas, nunc tres partes Mercurii animati sumat, nunc Mercurium vulgarem animatum commendet, nunc Mercurium corporum præferat, nunc Aurum & Argentum per Amalgamationem, per Corium trajicere, & per Retortam distillare jubeat, & tamen id in Praxi non succedat, tunc sciendum est, Authorem seipsum aliis in locis explicare, vel juxta sensum, & non literam intelligi velle, e.g. quando in pondere variat, seipsum explicat. Itaque calcis aurea unica est uncia, Argenti vivi animati tres, nec tamen si plures, tribus uncis Argenti vivi animati miscerentur neq; ad quinque quicquam esse periculi, semen enim celerius solveretur, sed tardius concresceret, & coagularetur. Item, argentum enim vivum à stanno, Plumbo, & arc summa arte prolicitur, & calci argenteæ, vel aureæ admiscetur, ut in superiori traditum est, cōcoquitur & in corpus argenteum, vel aureum reducitur. Sed nullum ex corporibus omnibus Metallicis argentum vivum Calci aureæ admistum celerius & perfectius mutatur, quàm

quàm quod ab argento puro arte prolicitur. Item, Dixi, Causam efficientem diducere Argentum vivum à Stanno, plumbo, Ære, & Ferro. Ipsa enim non sunt proxima Materia Argento, aut auro, sed propinquatantum, ideoque dissolutione simplici secernenda est Materia proxima ab eorum Materia, quæ est argentum vivum. Nec refert, fuerit nec ne fluidum illud argentum vivum, dummodo ab omni sorde, & substantia, ab argenti vivi natura aliena, purgatum fuerit: imò quo perfectius concoctum erit, proximius erit subjectum. Si enim à Materia definiendum sit nobis argentum, & aurum, profectò nihil aliud erit utrumque, quàm argentum vivum purum, ab omni Substantia aliena defecatum, & definitum, & coctum secundum cujusque gradum. Aurum enim purius, longeque magis decoctum usque ad extremum naturæ metallica, argentum minus. Hæc ita se habere ex mutuo amplexu argenti vivi, & auri & argenti, tum vero ex similitudine in iisdem accidentium quorundam propriorum in superioribus manifestum est, tum quod Artes ferè aurum in argentum vivum fluidum solvitur. Item, Qui argentum vivum vulgare partem esse seminis nostri negant, frigidiorē qualitatem causam esse, propter quàm solvendi auri facultatem non habeat, asserunt humiditatem nimis indefinitam, volatilem, & spiritualement, propter quam figi cum eo non possit. Argento autem vivo, arte ex cæteris prolicito, majorem à naturâ digestionē inesse. Item, Cum sit scopus humidum sicco unire, & utrumque figere fixatione firma, & solida. Hinc in observatione uniuscujusque gradus externi hæc erit Lex, ut sit æqualis Calor, & temperatus, qui semen utrumque mustum, alterare possit, & non in vaporem rarefacere: Si igitur argentum vivum vulgare animatum misceatur auro, remittendus erit gradus caloris, initio Operis est enim magis indefinitum, & volatile, sin ex cæteris Argentum

*vivum, arte prolicitum, eidem Auro misceatur, paulò
 intensior adhibendus erit Caloris gradus. Hujusmodi
 enim argentum vivum cum sit crassius, magisque à
 natura decoctum, majorem vim ignis tolerat, nec ta-
 men facile à calore igneo evolat in fumum, uti vulgare.
 Item, Atqui ex Aristotelis Doctrina didicimus, Concre-
 tionis Causam partim esse siccitatem Terræ, quæ humi-
 do auri inest, ipsumq; constringit, partim verò frigus,
 & siccum externum, quæ vaporea (qui sunt proxima
 Metallorum materia) intra saxa densant, & cogunt:
 Ergo humidum internum, & humidum & calidum
 externum, causæ effectrices erunt solutionis auri in
 humidam substantiam. Humidum autem hoc ex-
 ternum ejusdem naturæ oportet esse cum humido auri,
 quale est humidum argenti vivi, ut utrumq; quantita-
 te sua siccum auri solvere possit. At quominus erit
 frigida qualitatis, humidum hoc argenti vivi eò
 promptius solvet aurum. Idcirco improbare nolum
 opinionem eorum qui è plumbo, stanno, Bismutho, aut
 stibio solent argentum vivum prolicere, minùs enim
 argento vivo vulgari frigidum est, & paulò magis di-
 gestum, ac definitum est; Et audio multos iis uti ad
 solutionem auri, & ex utroq; mixto, tanquam vero se-
 mine opus perfecisse: His omnibus prædictis, Mer-
 curium Corporum commendantibus, uno flatu in
 sequentibus Classicum canere noster Author vide-
 tur, quando expressè Mercurium communem com-
 mendat præ omnibus aliis; Verba Authoris hæc
 sunt. Sed nec improbandus sum, si dixero Argen-
 tum vivum vulgare alteram esse feminis partem, si
 modò portiunculæ Auri mistum, & verè unitum pri-
 us fuerit, tunc enim appellatur, per translationem,
 argentum vivum animatum, non quod animam ha-
 beat, est enim inanimatum, sed quod veluti anima cali-
 dum reddit animal, quamdiu est in corpore, sic Au-
 rum*

rum argenti vivi frigiditatem arcet , & temperat, quum eidem verè mistum est. Lapidis enim Philosophici, seu salis aurifici (qui nihil aliud est, quàm aurum longè magis auro naturali decoctum) minima portio infinitas argenti vivi partes à nimia frigiditate vindicat , & temperat. Huic argento vivo animato insistendum potius est, quàm ei, quod ex metallis arte prolicitur: hoc enim non nisi magno artis ingenio, multisque laboribus, & sumptibus à metallis educitur. At ingentem argenti vivi vulgaris copiam habemus, & facilè purgari, & auro misceri, eique uniri potest, ut mox dicam. Igitur ut quæstioni huic finis imponatur, argentum vivum è plumbo, vel stanno, vel stibio arte prolicutum, vel vulgare præparatum, & animatum [liceat nunc, & posthac vocabulis artis uti, ut omnia significantius dicantur) est altera pars seminis Salis nostri aurifici, & utrumque mistum verum est semen ejusdem.

Ubi Lectorem admonitum volo, ut animadvertat, cur *Claveus* Mercurium communem præferat, nempe quia in ingenti copia haberi, facile purgari, & auro misceri, ac uniri possit. Sed cui Auro? nempe tali, quod Argenti vivi frigiditatem minimâ portione infinitas partes vindicare, & de facere, animare, & temperare queat, quod non *aurum commune* esse, ipse indicat, nempe longè magis auro naturali decoctum, quod est aurum Philosophorum, & aurum Physicum, quo Mercurii Corporum abundant, Mercurius verò vulgaris multo studio, & labore id ex aliis corporibus extrahere debet, adeò ut cui nota sit facilis Mercurificatio Corporum, illa meritò præferenda sit Mercurii communis animationi, & cui hæc posterior facili Methodo nota sit, è contra præferatur Mercurificationi corporum, sic contradictoria conciliari possunt, quæ in hoc unico concordant,

cordant, quod Mercurium animat, & homogeneous reddit, ignis nempe internus, anima seu Aurum Physicum. Rursus sibi *Clavens* contradicere videtur circa præparationem Mercurii Corporum, aliquo enim in loco dicit: *Quod autem in corporibus metallicis insit argentum vivum, ex eo quodammodo judicatur quod falsa, & igne liquida omnia argentum vivum fluidum conspiciantur. Equidem vidi, & novi ex omnibus Metalis argentum vivum fluidum excernere beneficio argenti vivi vulgaris. Abluendo enim, & macerando perfectè, quicquid impurum est, & à natura vivi Argenti alienum, abit in facem, quod superest, vaporario calore solvitur.* Deinde alibi circa præparationem Mercuriorum à Plumbo, Stanno, & Regulo subiiçta ignis excellentis vi vult sursum ferri, donec vapor quidam siccus ascendat, lateribus vasis in frigido densetur, & concreascit, quem Oleo Tartari macerari, teri, & sic in substantiam fluidam argenti vivi à terrena face vindicatam reducere vult. In hac posteriori Mercurificandi Methodo *Gebrum*, in priori verò *Alexandrum à Suchten* sequutus, (cujus Processus sub varia larva hodie in orbe vagatur.) Ego hoc contradictorium sic distinguo, metalla, quæ non faciliè sublimabilia, faciliùs autem amalgamabilia sunt, illa faciliùs cum Mercurio vivo Mercurificantur. Illa verò, præsertim Mineralia, ut Antimonium, quæ faciliùs sublimari possunt, quàm amalgamari, faciliùs etiam ista via sublimationis Mercurificari possunt, quod plumbo etiam convenire potest, ut utraque in id Methodus mercurificandi cadat, nam & amalgamatur, & sublimatur faciliè, sed una via est longior, altera brevior, una copiosior, altera tenuior, prior multis, posterior ob instrumentorum defectus, & malè intellectam sublimationem *Gebr* paucis cognita (ut enim

D

ingenuè

ingenuè fatear, non credo, quenquam quid solidi
 circa Mineralia & Media Metalla acturum
 nisi *Gebrianam* Sublimationem noverit, & non cre-
 do *Gebrum* in ulla re Lectori imposuisse, quàm in
 hac ipsa. Certe *Glauberus* pessimè se pro-
 stitutum sensit cum sua *Minera perpetua*, quam ad
 istam Methodum cum Sublimatione Saturni & Salis
 instituere conabatur, interim tamen Vir bonus
 optimum habebat conceptum, sed levissimum in
 via sibi obvium scrupulum remove non poterat,
 eo quod studiorum communium, in primis verò
 Philosophiæ *Gebrianæ* ignarus fuerit, conjuncta se-
 parans, & separata rursus miscens, Sisyphi molem
 miser agitans, cum Geber suas sublimationes ob se-
 parationem & purificationem instituat furno, &
 modo certè paucis cognito, & tali, quod facilius sit
 eum ex seipso invenire, & se invenisse *Gebrum* sal-
 tem in testem inventi vocare liceat) utraque autem
 via Mercurificationis prudentem Artificis manum
 requirit, neque solus communis Mercurius sine præ-
 via acuitione sui Salis centralis, nempe augmenta-
 tione potestatis resolutivæ id faciat, neque sola sub-
 limatio Corporum sine separatione Terræ arsenica-
 lis id præstet. Adeò quod in duplici ista via, summa
 industria, & cautela adhibenda, hinc etiam Author
 noster non adeò ad literam intelligendus sit, quando
 de Amalgamatione Auri cum Mercurio, & traje-
 ctione per Corium mentionem facit, certè Experi-
 entiâ & meo maximo damno loquor, quod Aurum
 cum Mercurio communi etiam cum centum parti-
 bus mercurii nec Corium, nec Retortam transeat,
 cum è contra cum pauca quantitate Mercurii debite
 acuat id ipsum optimè præstet. Hæc aliaque pro-
 inde observanda esse in hoc *Claveano* Processu præ-
 moneo, quem ut paucis literis pro Conclusionem Le-
 ctori

Et ori ob oculos etiamnum sistam, dico, Metalla constare ex Mercurio, quod patet ex illorum pondere, tantum in se continere Mercurii, quantum accedunt ad pondus auri, reliquum esse terram separabilem, quâ separatâ, Metalla resolvi in Mercurium, & cum omnium rerum finalis motus Physicus de liquido in solidum, & è contra è solido in liquidum tendat, necessarium est, Metalla non modò mercurificari, sed & mercurificata re congelari, & figi posse, quod per solam mixtionem contingit, mixtio autem per ignem, & calorem causatur, ut *Scaliger* contra *Cardanum* demonstrat. Hinc quæ ad Calorem faciunt, etiam ad mixtionem, & alterationem facient, unde trituration, & digestio mixtionis ancillæ sunt. Intentio itaque Authoris hæc est, Mercurium reddere, homogeneum, ut aurum vel argentum radicaliter, possit solvere, & hinc etiam radicaliter cū eo figi, Mercurii verò homogeneitas in *septem* proprietatibus consistit. I. Ut majus habeat Sal resolutivum. Hinc in digestionē à Metallis terreas atomos intimè eis permixtas debito ignis calore, & convenienti tempore separet, quibus separatis, reliquum in Mercurium convertatur, adeò ut æternâ Mercurii augmentatio inde sequatur, sicut una libra glaciei in aquam resoluta, omnem glaciem successivè in aquam resolvere posset. Sciat verò Lector, Mercurium talem revivificatum non inservire de aurationi aurifabrorum, est enim summè resolvens, reddit aurum volatile, & perforat argentum deaurandum. 2. Ut sit in tali Mercurio homogeneo ignis potentialis, qui ad contactum auri ex vi reagentis incalascit, (quanquam etiam Lector hoc scire debeat, hanc incalascientiam subinde in Mercurio tali perdi, si nempe diu ad auram steterit, & humiditatem attraxerit) mediante quo Igne fæces suas à Centro ad

circumferentiam ejicit, ac *seipsum perficit sine ulla alia Substantia vel re*, uti Philosophus loquitur, & sine hoc igne nulla etiam cum Auro vera foret hujus Mercurii reactio, & Philosophica calcinatio. Unde circa hunc liquidum ignem omnes Philosophorum tropi versantur, quod nempe in toto opere nihil difficilius sit nisi regimen Ignis, puta hujus, ad exigentiam & proportionem suæ Materiæ i. e. ficci ad humidum. 3. Ut Mercurius homogeneous, tingens in se sulphur habeat, quod metalla, præsertim argentum, colore aureo tingat, & quod hæc aureitas tamen non fixa sit, sed fixari possit, & quod ista fixatio variet juxta gradus volatilizatae talis tincturæ, & quod talis tinctura sit Aurum Physicum ex imperfectis metallis quibusdam, eo scatentibus, extractum, quanquam etiam ex Auro communi, sed non tam copiosè & facilè extrahi possit, & quod Mercurius homogeneous tantum hujus auri Physici debeat habere, ut sit revera *aurum currens* 4. Quod Mercurius homogeneous proinde sit concoctior, & fixior in igne, nec tam citò evaporans, & sublimabilis, sicut Mercurius communis, unde fortorem ignem tolerare, ac facilè cum metallo quodam perfectio, etiam per se figi possit. Novi qui ex duabus drachmis talis Mercurii unam drachmam optimi auri in fixatione obtinuit. 5. Talis Mercurius debet minus spatium occupare & tamen plus ponderare communi Mercurio, quod evidens signum est, magis coctum esse, transit autem a duodecim gradibus ad summum Sex. 6. Unde consequitur, talem Mercurium etiam crassiores, & spissiores communi Mercurio esse debere, & licet corium transeat, ac R. tortam, talis tamen est consistentiæ, ut cultro scissus non amplius concurrat, sed axungiae instar se habeat in Aquæ fortis solutione proinde varians. 7. Et ultimò, ut perfectè homogeneous sit, quod apparebit

bit in digestionē, si nihil neque amplius pulveris nigri ejiciat, vel si ejectus pulvis niger aurum sit, vel si aurum ipsum cum tali Mercurio digestum in atrum pulverem convertatur, qui tamen non amplius possit in antiquam Auri formam converti, de quo lege Barnandi Processum, & Ferneli de obditiis rerum causis. Ex quibus septem proprietatibus Mercurii Homogenei sequetur, aureæ formæ introductio multiplicativa in metalla, quæ tinctura est, cum tamen noster hic Author accretionem tantummodò anaticam desideret, quæ eò minùs ipsi negari, sed eò faciliùs concedi potest, si qui Mercurium talem homogeneum non exiguo labore, sollicitudine, & tempore præpararunt, adeo desipiant, ut eum ulterius in tincturam promoverē nesciant, sed Auro affigere, & in Aurum reducere cogantur, cujus forte solo pretio respectu laborum non contenti multi à tali augmento perpetuò destiterunt, cujus pars accrescens nobilior est, concreto, hinc prudenter noster Claveus ait, quod si ultra progredi liceat, ausim affirmare, Argentum vivum taliter animatum nihil aliud esse, quam Argentum, & Aurum crudum, & indefinitum, quod à causa efficiente definitum statim in illa transit.

Sed prout ingenium hominis, istius est naturæ, ut alta semper, dura, & impossibilia investigare, superare & conciliare desideret, ita his nostris temporibus inventi sunt, qui Argenti vivi acuitionem, & animationem leviori, & breviori via investigarunt non in finem ad opus Philosophicum, neque etiam ad augmentum, & particulare Philosophicum præcedens, sed tantum per accidens in ordine ad separationem istius Auri, quod Metallis imperfectis inest, sed sub illorum fœcibus arsenicalibus ita occultatur, ut communi separatione in lucem non prodèat, sed tenacissime, & in intimis atomis ipsis adhareat,

videntes autem, & reverâ comprobatum habentes, *Metalla omnia nihil aliud esse, nisi aurum particulis terreis heterogeneis circumdatū* (ut Doctissimè Claudius Berigardus Philosophus Paduanus in circulo Pisano demonstrat) & observantes, particulis contrariis semotis reliquas sibi fortius cohærere, spagyricæ nomen in hoc officio experiri volentes, separationem Philosophicam instituerunt, & prospicientes, quod nihil in Mundo ratione ponderis majorem haberet convenientiam cum Metallis, præterquam Mercurius, & quod corpora in Mundo *essentialiter non magis discreparent, quam ratione quanti*, meritò judicarunt, Mercurium optimum separatorem fore, quippè qui minimas atomos successu temporis extricaret, resolveret, leviores ejiceret, graviores retineret, uniretque, præsertim cum in Mercurio non separatricem modò quandam, verùm etiam collectricem facultatem observarent, mediante quâ, corporibus ingressum daret, & sustentaculum Metallicum seu habitaculum, quæ alias ex regno Minerali exulabant. Et quoniam nullum corpus misceri potest in intimo, nisi resolvatur in minimo, idem quoque per Mercurium fieri posse, calcinatione Philosophicâ observarunt, adeò quod prorsus ipsum ad institutum, & conatum suum unicè, & adæquatè facere posse, atque ita verum medicamentum physicè & politicè contra pediculos esse, judicaverint.

Subiecta ergò sumpserunt, in quo Sulphur Auri in quantitate continetur, illa Mediantibus aliis duobus Subiectis Mercurialibus, præpararunt, conjunxerunt, & sic Amalgamationi idonea reddiderunt, tunc cum quantitate Mercurii miscuerunt, digesserunt, solverunt, & sic una fidelia duos parietes dealbarunt, Aurum nempe commune, quod in his corporibus per minima impactum erat, liberarunt, terramque heterogeneam

neam simul separarunt, quâ separatâ reliquum Corporis in Mercurium reductum, & hic hoc modo spiritali, embryonali, & potentiali Sulphure aureo, seu Auro Physico impragnatus est, quem taliter, cum augmento qualitatis, & quantitatis sive pro opere Philosophico, sive pro Minera Philosophica gratus habuerunt, solventibus facibus terreis, & auro corporali inde producto, impensas, & sumptus totius operationis, prout de hoc Experimento, magnis quibusdam probis facto, testimonia adducere possem sufficientissima. Adeo quod hæc operatio vicaria esse possit Minera, & radix præcedentis Philosophicæ Claveanæ, & tantum de illa satis.

Minera Physica Perpetua Lunaræ & Solaris LULLIANA.

PRæcedentem Mineram Author noster Claveus è subtilissimo Raimundo Lullio Majoricano Philosopho Anglis non incognito, cruiffe, & excoluisse videtur, unde Lectori Philo-Chymico non ingratum futurum spero, si illum ad ipsa fundamenta, & radices hujus Mineræ deduxero, enim verò, juxta illud, *purius ex ipso fonte bibuntur aquæ*. Apud nulum etiam Philosophum *Minera Physica Perpetua* terminus frequentius, & solennius quàm heic loci apud *Lullium* legitur, nullibique clarius, & fidelius scripsit, quàm in hac suâ *Clavicula*, quàm proinde etiam *Apertorium* vocat. Placuit ergo non nulla exinde Lectori ob oculos ponere, sed pauca & tantummodo ad rem facientia, sic itaque exorditur *Lullius*.

Nos appellavimus opus hoc nostrum Claviculam, quia sine hoc præsentis Libri nullus potest intelligere, quæ scripsimus in nostris aliis Libris, in quibus to-

toram artem complevimus, licet verbis obscurioribus pro ignorantibus. Scripsi multos libros, & prolixos sub sectionibus, & iis obscuris, ut in nostro testamento apparet, ubi de Principiis Naturalibus egimus, ubi omnia sunt posita, quæ ad artem faciunt, tamen sub martello in primo textu Philosophiæ. Item in nostro cap. de arg. viv. Philosophorum, & in 2. & in parte test. **DE EXUBERATIONE MINERARUM PHYSICARUM**, & in nostro Libro de quinta essentia. i. de 5. essentia auri, & arg. Deinde in aliis Libris à me factis, ubi tota est ars completa: Sed Secretum occultavimus pro posse. Cæterum quia sine hoc Secreto nullus potest ingredi *mineras Philosophorum*, neque aliquid facere, quod ipsi possit prodesse, quare juvante Altissimo, cui placuit hoc Secretum nobis revelare, sine ulla fictione artem totam declarabo. Et ideo cavete, Secretum revelare improbis, sed vestris amicis intimis, quamvis nulli dare debeatis, cum sit Dei Donum, qui hoc dabit, cui volet. Quod qui habebit, sempiternum habebit Thesaurum. Cognoscite igitur per perfecta imperfecta emendare. Sole est Pater omnium metallorum, & Luna mater, quamvis Luna claritatem recipiat à Sole. Ex istis duobus totum pendet Magisterium. Sed quia metalla transmutari non possunt, teste Avicennâ, in Mineralibus, nisi reducantur in primam materiam, quod verum est. Quod nisi reduceres in Argentum vivum non vulgare, hoc est, non volatile, sed fixum: vulgare verò est volatile & plenum frigiditate phlegmaticâ, & propterea indiget reduci per argentum vivum fixum, magis calidum, & siccum, in contrariis qualitatibus, ac argentum vivum vulgare. Quare vobis consulo, O amici mei, quod non operemini, nisi circa Solem, & Lunam reducendo eos in primam materiam, Sulphur & argentum vivum nostrum, idcirco

circo filii, habeatis uti hac materiâ venerabili, & vobis juro, & promitto, quod nisi sumpseritis argentum vivum istorum duorum, vos tenditis ad Præcticam, tanquam cæci sine oculis, ac sensu. Quare filii, rogo ambuletis in luce oculis apertis, & non tanquam cæci cadatis in foveam perditionis. •

*De Differentia Argenti vivi vulgaris,
& Argenti vivi Physici.*

Nos dicimus, quod Argentum vivum vulgare non potest esse Argentum vivum Philosophorum, quocunque artificio præparetur, quia vulgare non potest in igne detineri, nisi per aliud argentum vivum corporum, quod sit calidum, & siccum, & magis digestum. propterea dico nostrum physicum magis fixæ esse, calidiorisque naturæ vulgari: Et ideò quia Argentum vivum nostrum corporale est conversum in Argentum vivum currens, non tingens digitos, & quando commixtum est vulgari, junguntur, & amplexantur se vinculo amoris, absque eo, quod nunquam separentur ab invicem, veluti aqua mixta cum aqua, quia ita est naturæ placitum. Argentum vero vivum nostrum ingreditur, & commiscetur actualiter alteri vulgari, deficcâdo suam humiditatem phlegmaticam, & tollendo frigiditatem ex corpore, denigrans tanquam carbonem, quod postea in pulverem convertit. Nota igitur quod Argentum vivum non potest eas operationes præstare, quales nostrum physicum, quod in omnibus suis qualitatibus habet calorem naturæ veri temperamenti, & propterea vulgare vertitur in suam naturam temperatam: quin etiam aliquid aliud facit, nam post suam transmutationem convertit
in

impurum Metallum, hoc est, in Solem, aut Lunam, prout est extensum, aut de Sole, & Luna, ut ostenditur in secunda parte nostræ practicæ. Præterea aliquid majus habet, mutat enim, & convertit vulgarem Mercurium in medicinam, quæ transmutare potest imperfecta Metalla in perfecta. Præterea vulgarem in verum Solem, & Lunam meliorem, quàm de Minera. Nota rursus, quod uncia nostri Mercurii Physici centum marcas facere potest, & usque in infinitum cum argento vivo vulgari, sine eo, quod MINERA UNQUAM DEFICIAT. Præterea aliud volo vos scire, quod Mercurius non rectè miscetur, neque perfectè cum corporibus, nam Spiritus non potest misceri cum corporibus perfectè, nisi reducta fuerint in speciem naturæ. Et idcirco cum voles miscere Mercurium, aut Solem aut Lunam Vulgarem, sunt reducenda illa corpora in speciem Naturæ, quod vocatur argentum vivum vulgare per vinculum amoris naturalis, & tunc masculus jungitur femellæ. Quia argentum vivum est calidum, & siccum actu, argentum vivum vulgare est frigidum, & humidum passivè sicut femella, quæ continetur in suis domiciliis cum calore temperato usque ad eclipsin. Suntque nigra facta, ut carbones, quod est secretum nostræ veræ dissolutionis, & ex hoc tandem verè connectuntur inter se, ita quod nunquam separentur ab invicem, fiuntque pulvis albus, qui sunt masculi, & Feminae generati vero amoris vinculo. Hi tamen Libri multiplicabunt suas species in infinitum, nam de una uncia hujus pulveris tu facies partes infinitas, reduces in Lunam meliorem omni metallo de minera.

De Multiplicatione Argentī Vivi Nostri.

REC. Lunæ puræ tres grossos, in laminas tenues, & faciatis amalgama cum grossis 4. Argenti vivi vulgi bene loti. Et quando amalgama fuerit factum, tunc ponatur in parvo metreto cum collo longo unius pedis, & semis. Deinde recipe argentum vivum nostrum prius extractum, & reservatum à corpore lunari, & ponatur super amalgama de corpore, & argento vivo vulgi factum, perlutetur optimè vas optimo luto, & dimittatur siccari. Hoc factò, moveatur vas quàm optimè, ut amalgama possit permisceri, & quod argentum vivum permisceatur cum corpore. Deinde reponite vestrum vas in quo materia est in furnello ad ignem parvum carbonum, & hujus ignis calor non excedat calorem Solis, quando est in Signo Leonis: Quia alius calor excedens destrueret vestram materiam, & fieret fuga unius ab altero, & continuetur talis ignis, quousque materia fuerit nigra ad modum carbonum, & spissa ad modum Pulvis, & continuetur ignis istius gradus, quousque materia mutetur in colorem griseum fuscum, & ita griseo apparente, tunc uno puncto augeatur ignis, & fiat 2. gradus, quousque materia incipiat dealbari ad colorem nivis albissimum. Post fiat ignis usque ad 3. gradum, continuando quousque materia fuerit alba plus, quàm nix, & convertatur in puros pulveres albiores cinere. Et tunc vos habetis calcem vivam Philosophorum, & SUAM MINERAM SULPHUREAM, quam tantum occultarunt Philosophi.

Proprietas Calcis Prædictæ.

Convertit ista Calx mercurium Vulgi in pulverem albissimum in INFINITUM, qui potest reduci in argentum verum cum aliquo corpore ut Lunâ.

*Multiplicatio hujus Prædictæ
Calcis.*

RE C. Vas cum materia, ubi pones uncias duas argenti vivi vulgi, bene abluti, & deficcati, postea vase bene lutato, repone ubi prius erat, gubernando & ministrando illi ignem 1. 2. & 3. gradus, ut supra, quod materia reducta sit in pulverem albissimum, & ita potest multiplicari in infinitum.

*Reductio Calcis vivæ in Lunam
Veram.*

HAbitâ ergo magnâ quantitate Calcis vivæ, seu *NOSTRÆ MINERÆ*, accipe vas, seu Crucibulum, non tectum, in quo pone unciam unam Lunæ puræ, & ipsa fusa pone desuper uncias quatuor pulveris tui in pilulas, pilulæ sunt ad pondus quartæ partis uncia, & istæ ponantur vicissim super Lunam fusam, semper continuando ignem fortem, quousque omnes pilulæ sint projectæ, & fusæ simul cum Luna, & in fine fac ignem fortem, quousque totum bene incorporetur, postea projiciatur in canali, & habebis uncias 5. argenti puri, plus quàm naturalis, & ita poteris tuam *MINE-RAM PHYSICAM* multiplicare ad beneplacitum. Hacænus *Lullius*.

• Reliqua

Reliqua vide in *Clavicula*, sed quoniam *Lullius* mentionem cuiusdam *Menstrui Fœtentis* faciat, ad cuius investigationem aliâ sanè, & quidem *Cabalistica Salomonis Clavicula* opus esset, neque enim illud *Menstruum Fœtens* juxta litteram intelligendum esse, nemo non videt, qui non eludi velit. Ut autem hujus *Menstrui* vera Genealogia compareat, opus foret, illa *Magna quatuor Menstrua admirabilia in Orbe Philosophico* perlustrare. Omnia tamen in *Circulo Mercurii* comprehensa, in *Prima enim præparatione* (ut terminis *Basilii Valentini* utar) majus, perfectius, & tenuius *Folium*, seu opacitas aurca, nempe *Aurum Physicum* mercurio introducitur, & tum *Mercurius Philosophorũ* vocatur, qui se postmodum perficit sine alia substantia, vel re, nō modo in aurum, sed & tincturam. (Hic *Mercurius* se habet ut *Masculus*, noviter copulatus.) In *secunda præparatione* è mercurio suum folium *Metallicum* extrahitur [quod *spolium* vocatur] ita quod *Mercurius* fiat liquor *Diaphanus*, qui quoniam in nullo corpore præterquam suo compari id reperire potest, quod perdidit, itaque in pristinum habitum non redit, sed corpora, quibuscum miscetur ob gravitatem, & penetrantiam suam citra reactionem dissolvit, & separat, ratione quanti, quæ vera & unica est solutio essentialis, tantummodo enim corpora, & corporum partēs inter se *specificè* variant, quàm illorum quantitas inter se differt, & hic liquor vocatur *Alcahest*. (Hic *Mercurius* se habet ut *vidua*.) In *tertia præparatione* *Mercurius* sumitur; antequam ullum folium habuerit, nempe priusquam *Specificatus* sit, & tunc est *LIQVOR VIRGINEVS, LVCENS*, & tamen non ardens. [Hic *Mercurius* se habet, ut *Virgo intemerata*.] In *quarta præparatione menstruũ* Fœtens meretricis nostræ mercurialis capitur, quæ cum multis scortata, & re-

actio-

actionem passa est , sed tamen nunquam concepit, verum omnia, quæ attingit , morbo mercuriali inficit. Itaque revera LIQUOR EST MERCURIALIS, & tamen non Virgineus, & tamen non *Mineralis*, sed MERETRICIUS, sive medius inter utrumque. (Hic *Mercurius* se habet ut *meretrix*, quæ tamen nunquam concepit.) Multum laboris foret, hunc liquorem exponere, totâ enim scalâ combinationum pro illo reperiendo opus est. Proinde plura de his alibi, fortè in *Concordantia mea Mercuriali*. Hoc interim ex prædictis discite , duo in *Mercurio* observanda esse. *Primum* circa ejus Decompositionem, & quatenus mixtum est, in eo enim Statu vel *majorem Decompositionem* admittit, sive essentialem, ut in *Mercurio Philosophorum*, sive Superficialem, ut in Cinabrio, & Sublimato videmus, aut *Decompositi Resolutionem* admittit, sive essentialem, ut liquore Alcha est, sive accidentalem, ut in Oleis *mercurialibus*. *Secundum* circa ejus Statum Simplicem *sine compositione*, ubi vel *Mercurius* prorsus nullum folium *minerale* expertus est, & tunc admirandum illud Sulphur Salinum Virgineum perlatum, splendens, & lucens existit , agitque tantum in *Metalla* irradiando. Deinde quando *Mercurius* nullum folium metallicum quidem expertus est , sed tamen in sua forma virginea priori, non quidem Decompositionem, sed reactionem cum aliis rebus, non tamen Mineralibus passus, hinc jam citra reactionem agens, & proximè ad mercurificandum dispositus est. Eâdem ratione, qua in Mineris Sulphur Salis Marini Arsenicale fit & levi cujusdam Mineralis attractu in Decompositum Hydragryri devertit , habetis *genealogiam Menstrui fœtentis Lulliani Circulati Paracelsici*. Sed nunc tempus habet, ne dicendorum varietate, & gravitate obruamur, de Minerâ Sexta, cui sat diu immorati sumus,

exce-

excedere (quanquam libentius heic, quàm in sequenti Septima Martiali rigida cunctaremur.) Et licet exeamus, nobilis iste & penetrans tamen sonus adhuc in auribus nostris hæret, & obefrat, quem in hac *minera Sexta* ex CYMBALO AUREO ANTIQUISSIMO (Manuscripto, vide volumen Tert. Theatri Chymici pag. 781.) percepimus, hujus tenoris: *Artis nostræ unatantum extat res, cui tam in principio, quàm in fine nihil extranei additur, quod sit suæ naturæ alienum, & est natura argenti vivi purissimi, ex fumosa enim resolutione tam in visceribus terræ, quàm in alveolo Philosophico, generatur vapor unctuosus, ex quo per actionem Caloris, in fine digestionis generatur metallum perfectum, ex quo ulterius per resolutionem Artis, Naturam adjuvantis, generatur lapis Philosophicus, ut Artis fiat abbreviatio, conjunge crudo digestum, imo digestissimum metallum, ut maturum immaturo succurrat, & excitetur elementum de elemento. Nisi hanc Mineram Deus fecisset, vanum esset studium nostrum. In quo verò consistat natura talis argenti vivi purissimi, ejusque fumosa resolutio, Geber tert. part. lib. I. cap. 26, indigitat, cum scribit: Et est iste modus, quod prius unumquodque eorum [sc. argentum vivum, & sulphur] convertatur ad terream naturam, & ex his ambabusterreis naturis resolvitur fumus tenuissimus à calore multiplicato in Visceribus terræ, & hic duplex fumus est materia metallorum immediata, hic fumus cum à temperato calore minere decoctus erit, convertitur in naturam ejusdem terræ, quæ fixationem suscipit, &c. Ad quæ Doctissimus Belga, Evvaldus Vogelius in Commentario suo ad Gebrum, & Raymundum Lullium sic commentatur; Ideo Ars, sequens Naturam non recipit argentum vivum solum, nec sulphur solum, nec etiam argentum vivum, & sulphur conjunctim, sed tandem materiam commixtam, & ex iisdem principiis*
com-

compositam, quam natura præparavit arti. Hanc vocat Petrus de Zalento *Brumazar*, elevatū nempe vaporem mercurialem sulphureum ex terra mercuriali sulphurea, in quam metalla, ipsum etiam Aurum reducere, & hanc terram deinde in mercurialem Vaporem convertere, eumque in propria terra recongelare, & figere, præcessus docet, quem Barnaudus allegat Theatr. Chymic. part. 3. pag. 755. Rec. *Auri obrizi uacias duas*, Mercurio magno artis studio elaborati misce decuplo, *Vulcanoque dissolve languido, dum mercurius expiret aurique imposui pondus maneat, in atrum pulverem redactum, qui tamen liquidus, non possit in antiquam auri naturam converti, ex hoc pulvere, mercurium, igne vaporarii, aquam continentis elice, dum pulvis in calcem niveam divergat hanc septies aqua resperge, quæ toties expiratione inde prolecta sit, & omni cura labora, ut hac impulsione, & excussione crebra sese extenuent & ab omni sorde & face evadant purissima, sed non quovis tempore concipit mulier, sed tum demum, cum uterus à natura conceptui præparatus est, proinde calcem purificatam, seu solem Philosophorum obturato vase, putrefac, 40. diebus, dum in humorem album crassum lique scat, in hunc justis dierum intervallis aquam sensim infunde, hæc est maris & femina conjunctio quæ mirum in modum ununtur, & femina maris amore tota fundatur, hæc est solutio, relinque, donec rursus suas vires recuperet, tunc iterum coeat, idque toties, donec calx omnem suam aquam imbibierit, tum uterus clausus sit, ne quid expiret. ex illa enim frequenti coagulatione, & solutione lapis concre scit, qui colores fiant, omnes explicant Philosophi, hæc vera esse, hic pulvis ostendit, cujus duodecima pars unius grani super mercurium projecta dabit unam drachmam auri (nempe una pars tingit 720 partes) si multiplicationem scis non opus habebis lapide, quamvis hic*

Proces-

Processus tibi sufficiat, nihil enim deest, Vale, & ab hoc infelix es, si abstraharis.

Septima, & ultima Mineræ artificialis Species mea est, & quidem jure meam voco, quoniam hoc seculo sine jactantia enunciare possum, me vel primum illam invenisse, vel inventam primum Orbi detexisse, non minori certè dedecore, damno, labore, & tempore, quàm Christophorus Columbus novum Orbem detexit, qui cum intentum suum integro decennio Aulis proponeret, nullibi non pro Homine, mente capto, habitus est, cum propositione deinde in effectum deducta, quilibet Scurra in Americam properaverit, potiùsque opus fuerit, Conatum illuc eundi sistere, quàm laboris erat primâ vice eos illuc impellere. Quid de me, & meâ Minerâ perpetuâ in Hollandia sentiant, in omnibus Tonstrinis, Popinis, plaustris, & Navibus, & nullis non conventiculis notum est, interim tamē cum aliqui publicè, ut diffamatores me meamque Artem contemnunt, ita clam, ut deceptores, & fures utrique insidiantur, quod sicut timendum erat, hæc Ars publicè notesceret, jam plures in Hollandia Alchymistas, quàm ferè Mercatores numerares. Adcò Auri sacra fames quosdam eò adegit, ut visa vel minimâ veritate, & possibilitate, togam & caligas, ut dici solet in proverbio, vendiderint, atque huic arti impenderint, feliciùs, & solidiùs progressuri, si mecum tanquam cum Authore fideliter egissent. Sed plebs vult decipi, & quid dicam de fœce Plebis, possem quosdam intraneos & extraneos, eorumque contractus, & obligationes Authenticas pro aliquot millibus in Originali producere, qui tamen ne verbulū datæ suæ fidei servarunt, quasi in nulla re facilius frangenda fides esset quam in Scientiis contrahendis, cum ego nullum majus, & sceleratius furtum esse existimem, quàm si honesto cuidam Viro, qui potio-

Vitæ suæ, & substantiæ partem, scientiis impendit, illæ furto ei auferantur, & gratis publicentur. Quæ jam in *Hollandia* circa scientiis expiscandas technæ adhibeantur, meum non est heic loci exponere, notum est quibus technis *Kisslero* colorem suum scarletinum furati, & imitati sint. Hoc juvat, quod omnes scient *Scientia furtum in Hollandia laudi duci*, tanquam ingenii sagacis, & industriæ signum. Nam ajunt, quid Authori decedit, vel quid ipsi male facio, si artem suam ipsi furer, illi adhuc integrâ libertate concessâ, eâ utendi, unde qui ablata sibi scientiæ causa conqueritur, invidiam magis contra Proximum evomit, quàm justum dolorem, sed longè aliter se res habet, cum quibusdam scientiis circa hoc negotium furti, si præcedens *Minera sexta* Philosophica esset furto mihi ablata, illud quidem furtum mihi non noceret, sed interim cordicitùs doleret, infidum quendam, & indignum *Scurram* sub amicitiae specie, sine ulla gratiarum actione, imò adhuc cum contemptu, abusu, & persecutione meæ famæ, & personæ tam Nobilem *Artem* furatum & adeptum esse, qui illam adhuc venalem prostituat. Sed quando *hac septima Minera species* mihi auferitur, quam propter requisitos sumptus, & ambages, ac quod non nisi in magno practicable & utilis sit, ipse venalem statuere mihi propono, cum aliis contraho, & contractum concludo, & quidem pro centum millibus florenorum & deinde talis contrahens furtim aliunde artem à meis addiscit & sic contractum annihilat, rumpit, sponsam pecuniam non solvit, solutione constituta me destituit, & prostituit, ac sic solum vertere cogit, nonne tale furtum mihi nocivum valde noxium, & damnosum est, imo Diabolicum, cum fontem unde puram aquam furtive biberunt, & se satiarunt, ipsam ejus scaturiginē

jam

jam publicè convitiis & mendaciis , ac rumoribus
 perturbare, & conturbare omni modo audent, & cla-
 mant ac jam nihil aliud optant, quàm *si sit possibile, ut*
transeat ab illis calix ille, verum non illorum sed etiam
mea fiat voluntas. Et hæc quidem de privatis quibus-
 dam Hoinuncionibus , non enim virorum talium
 quorum personas præ se ferunt ; nomen merentur,
 contentique sint, quod genericè eos perstringam, &
 non nomina illorum, ac synglapha in prostitutionem
 eorum coram toto Orbe heic apprimi curem , suo
 tamen tempore facturus, nisi resipiscant, aut Judicis
 æquitas litem discernat. Cum meus mihi honor æ-
 què tam cordi sit, quàm illis quibuscum mihi in hoc
 puncto negotium, & quemadmodum *neminem mei*
causa perire opto, ita profecto nullius alterius causa per-
ire volo. Perdidisti in Aula *Cæsaris* ad viginti millia Im-
 perialium, nunc majori summâ à Privatis in *Hollan-*
dia decipi, non consultum duco , priorem Causam
 Domini mei Augustissimi Deo commendavi, sed al-
 teram hanc privatam æquo Judici, (si ius in *Hollan-*
dia pro Peregrinis detur) committo. Quæ hic scribo,
 & conqueror, concernunt saltem privatos Contra-
 ctus, quibus confisus, sed nunc defraudatus, in illam
 incommoditatem incidi, quod de meis propriis me-
 diis, propositionem majorem circa *Mineram Arena-*
riam perpetuam, non prout volui, Præp. DD. Ordin.
Hollandia exhibere potuerim, adeoque ad tempus,
 publicum, propter privatum morari, & pati debuerit.
 Sed ut ad initium hujus *septimæ Mineræ* deveniamus,
 ex nomine patet, qualis sit, nempe *Arenaria*, ubi
 Arena, seu acidum sulphureum, quod in Arena latet,
 & Principium aliquod Metallicum constituit,
 vel per se , vel quod melius adjutum cum aliquo
 acido , cum quodam corpore Mercuriali Metallico
 funditur, reactionem agit , vitrescit , reducitur,

atque hic labor repetitur, quousque satis sit. Meminit quidem ejus fusè *Glauberus* in sequentibus, sed ego ut Discursum hunc cum aliqua utilitate concludam, doctis que satisfaciam, & illos convincam, qui existimabant, me simplici, & vetustâ quâdam vitrificatione, Orbi jam ante aliquot secula cognita, in medium prodire, nonnulla luce illorum Oculos perstringere, ut clarius videant, in quem pupugerint, consultum visum est, animitus apprecans, quod aliqui viri boni aliquid inde Utilitatis, Lucis, & Veritatis concipere possint (cum Auro inhiantes illi Ciniflones idiotæ plus exinde confundentur, quàm erudientur) Deum quoque simul obtestans, quod non nisi juxta meam Conscientiam, Rationem, & Experientiam, vera scripserim. Ut honestus Vir non opus habeat, huic Scientiæ furtim insidiari, sed eam hic publicè reperire queat, dummodo vel minimum Granum Salis secum attulerit.

Minera Arenaria Martialis Perpetua, Becheriana.

Constructio hujus Mineræ in tribus consistit.

- I. In copiosa extractione Sulphuris Aurci ex Corporibus minus pretiosis.
 - II. In metallizatione, seu in corporatione istius Sulphuris in Mercurium.
 - III. In Corporificatione, Exaltatione, fixatione, & fusione utriusq;.
- I, Ex

I.

*Ex quibus Subjectis Sulphur Aureum
tingens copiosè extrahi possit, &
quâ Methodo in Extractione
ejus procedendum.*

Alchymistarum finis est, *Aurum habere*, hoc duplici tantummodo, excepto *Universali*, comparari potest. Primò extrahendo Aurum è rebus, quibus realiter corporeum inest. Hæc autem Operatio magis metallica, quam Alchymica est, quanquam Ars Alchymica ad extrahenda, figenda, & liquefaciènda corpora, in quibus aurum latet, multum conferre possit, scilicet ut inde plus solito acquiratur, inde vocatur Ars fusoria. Secundò autem genuina Ars Alchymix partim, præter *Universale*, consistit in hoc, quod è corporibus Aurum producat, è quibus vulgari modo, vel arte fusoriâ nihil elici potest, ideoque Alchymia distinguitur, & quatenus ad *Universale* pertinet, *Tinctorium*, quando verò ad præcedentem modum extrahendi Aurum spectat, *Spagyricum*, vel artificiale Philosophicum separatorium Opus vocatur. Universale, vel Tinctorium opus hæc vice missum facio, & solummodò de Opere separatorio agam: Cujus fundamentum in eo consistit. Etiam si Aurum Corpus homogeneous videatur, tamen è partibus compositum est, nimirum, ut vulgò existimatur ex Sulphure & Mercurio, sicuti id quoque probari potest. Hæ partes priusquam combinantur, nondum sunt Aurum, ideoque non tanti, quantiaurum valent, multò minus pro eo venditandæ, sed multo minori pretio, quam quando post conjunctionem perfectivæ aurum factæ sint.

Utilitas ergo Alchymiae consistit in hoc, quod particulae aurum componentes, in Subjectis repariantur divisim, & nondum conjunctae in formam Auri, quae Subjecta parum consent, ex quibus ope Artis Alchymicae extrahantur, jungantur, & sic in Aurum Actuale, quod multi valet, reducantur, in hoc ergo consistit propriè *Utilitas Alchymiae* circa istam partem. Hæ igitur viles pretii species quænam sint, in quibus semen Auri disjunctum lateat, Alchymistæ præ reliquis scitu necessarium est, nam illæ ipsæ sunt Subjecta Artis ejus, in quibus ipsi operandum est, quando enim has nescit, omnes ejus impensæ, sudores, & labores frustra fiunt, & tempus inutiliter teritur. Etiam si igitur à multis inde seculis compertum fuerit, semen Auri per totum Terrarum Orbem in omnibus Corporibus, remotè tamen, dispersum esse, (*vide Supplementum meum primum in Physicam Subterraneam, Aristotelem, Alb. Magn. Gerhardum Dorn*) multosque alios (nam cum Aurum ex quatuor Elementis constet, in omnibus quoque Elementis sit, necesse est, quando summè rectificantur, & fiuntur) attamen materia propinquior reperta fuit, in qua semen Auri jam specificatum faciliore negotio, & majori lucro acquiri potest: Nimirum non dicam de *Talco*, *Smiride*, *Hématite*, *Cadmia*, *Antimonio*, & consimilibus Lapideis, & Mineralibus Corporibus, sed in ipsis Metallis, videlicet in *Marte* & *Venerè*, inde vetus istud Proverbium exortum est,

Wer da kennt Martis und Veneris Schlack.
Der kan fullen bentel und Sack.

Nempe Latine

Qui Martis, nec non Veneris Scorias scit, & Usus,
Divitias Magnas absque labore paret.

Et

Et

*Qui non laborat in Venere & Marte, est stultus
in Arte.*

Quomodo igitur ex his duobus vilis pretii subiectis cum lucro aureum semen extrahendum, deindeque in aurum reducendum sit, scitu itidem necessarium est, namque in hoc versatur Ars, vel Objectum Alchymiae. Supra mentio facta est, aurum est fixo, puro, & subtili Sulphure, & consimili Mercurio constare. Prius formam, posterior Materiam repræsentat. Atqui notum est, sicuti *Basilus* quoque & *Experientia* ipsa testantur, aureum Sulphur in ejusmodi Marte, & Venere boni valoris, & copiosum esse, modò quod terrestritate abundet, nec ei sufficiens, neque idoneus Mercurius sit, ut ligatur, & ita corporale evadat aurum. Sic ut temperamentum Conjunctionis in qualitate, & quantitate peccet, quod verò Artifici optimè conducit, namque si Sulphur Martis, & Veneris ita subtile, & fixum, & Mercurius in Marte & Venere etiam similiter sine terrestritate comparati essent, hæc duo essent corporale Aurum, & tanti valerent, neq; postea aliquid, nisi magno labore, & nihilominus sine fructu ex iis extorquere posset Artifex, nunc autem, cum Aequatio Elementorum, & temperamentorum, imo Crasis Mixturæ in hisce duobus corporibus non bene conveniant, hæc duo Corpora adhuc sunt separabilia, & divisibilia, ideoque in Artificis manu, atque Potestate, qui propterea auream Tincturam ex iis separare, purificare, exaltare, subtilizare, figere, iterumque in fixos Mercurios reducere, reductos cum iis conjungere, & ita perfectum mixtum, aurum videlicet exinde conficere potest. Non secus ac Vitiarius, qui primo Salia extrahit, purificat, Arenam præparat, conjungit, & deinde in vitrum reducit,

nimirum Subjectum, quod contra omnia Elementa, vehementes ignes, & Accidentia magis, quàm ipsum Aurum persistat. Quomodo igitur ejusmodi Philosophica separatio aurei Sulphuris ex Marte, & Veneri facienda sit, in quo vera Ars nobilis Spagyricæ sola consistit, nimirum Praxis Operis hujus, præ omnibus scitu necessarium est. Curiosi, & Scrupulosi Physiologi ætatis nostræ, videlicet Otto Tackenius, aliique per diligentem investigationem comparerunt, omnia Mineralia quoque Corpora ex acido, & Alkali, nimirum *acido & salso* constare, iisque, si una pars horum Crasin Mixti excedat, iterum dissolvi, & alterari posse, atqui notum est, Martem & Venerem multum acidi in se continere, ideò Aer, aqua, cæteraque omnia, quibus modo Alcalia, vel salia insunt, faciliè ea invadunt, indeque corrumpuntur, & ferruginem, nec non æruginem contrahunt, & quidem eò citius, & magis, si hæc Corpora comminuantur, & subtilizentur, inde enim Artifex faciliè colligere potest, quinam Processus cum hisce Corporibus instituendus sit, nimirum *Primò* oportet illum ea subtilizare: *Secundò* per Alkali, vel salsum corrodere, & ad reactionem deducere: *Tertiò* subtilissimam partem, quæ hæc Corrosione, vel reactione liberatur, separare: *Quartò* illam purificare, subtilizare, figere, & in Corpus Mercuriale reducere. Ex hoc igitur fundamento, quamvis multis Physiologis id incognitum fuerit, evenit, quod multis jam inde seculis retro actis, aliquot centeni Processus, & Artifices fuerint, qui omnes particularia ex Croco Martis, & Veneris quæ siverunt, operati sunt, & descripserunt, & quidem diverso modo, & methodo, licet ex uno eodemque, & præcedenti fundamento. *Alkali, & Salsi*: Indeque nonnulli *Martem & Venerem* cum Sulphure, alii cum Sale calcinarunt, alii

alii cum igne reverberarunt, alii cum aceto destillato, aqua salia, & Alii aliis fortibus aquis corroserunt, atque ita Crocum Martis, & Veneris confecerunt, omnes Auri Probas ex eo invenerunt, attamen unus plus alio, scilicet, prout unius operatio melior alterius fuit, nec unus inter mille Processus ratione cæmentationum, vel gradationum, si modo fundamento nitantur, deprehendetur, in quo non sint Martialia, Venerea, & Sulphurea Salia, & id genus consimilia, tum in sicca quàm Liquida viâ, nimirum in injectione, in fluxu, in fusione, Pulvere cæmentatorio, vel aquis gradatoriis. Sciat autem Lector, quod fideliter ipsum præmonere velim, ne hoc opus præsumat in Praxin deducere per Solutiones liquidas, nisi optimè Martis, & Veneris Naturam noverit, quæ Hermaphroditica est, & proinde in Aqua Forti, & in Aqua Regis solvitur, & terra combustibilis, quæ his subiectis maximè, & copiosè adhæret, ejusdem est naturæ, & solutionis. Hinc difficillimè per solventia separari potest, commune enim solvens vel est Aquæ Fortis, vel Aquæ Regis Naturæ, si nunc subiectum aliquod Metallicum illius sit naturæ quod in utroque solvatur, tunc separari nequit, ergo solutio est frustranea, Tu proinde tali solventi stude, quod mixtæ, vel neutrius sit naturæ. Deinde optimè Terra à Sulphure separanda est, si enim illa relinquatur, tunc illud semper rursus in corpus Metallicum, vel Scoriam fundetur, tunc certò scias, extractionem tuam, nihili valere, si verò verum Metallicum Sulphur Veneris & Martis habeas, in corpus metallicū per se non amplius reducibile, tunc dico tibi in veritate, quod Argentū possit tingere in aurum, seu Auro ipsi supra abundantem, excellentem, & fixum perpetuum colorem dare,

Tantum de fixatione Corporis sollicitus esto, nam hic aliquod *Terræ subtilis genus* reperisti, quod reverâ essentialiter Auro, & Argento accrescit, & atomis ejus inseparabiliter intexitur. Potest quidem ex ipso Auro hoc Sulphur haberi, *Aurumque id ex alieno repetere, quod de proprio perdiderat*, sed illud ex Venere, & Marte est infelicius. Quæ heic loci scribo, vera sunt, quæ qui pariter sciunt, & viderunt, attestari possunt. Hinc Geber meritò libro fornacum capite XVIII scribit: *Et sit tuum adjutorium Venus optimè purgata & dissoluta, cum ab eâ extrahatur Sulphur mundissimum, tingens & fixum.*

II

De Metallizatione, seu inductione Sulphuris Aurei in Mercurium.

Semper existimatum fuit, primam Materiam mundi fuisse *Aquam*, quod non solum primum Capitulum S. Scripturæ evincit, sed & omnes Philosophi tam Ethnici, quàm Christiani asseruerunt. In mea quoque Physica Subterranea ejusque duobus Supplementis evidenter demonstravi, quomodo ex *Aqua* omnia oriantur, circulentur, & producantur, & quâ ratione inibi sit Ignis fulgens, cujus subtilissima pars in stellas, altera verò in Animalia, Vegetabilia, & Metalla transmutata sit, spe fretus, fore, ut hæc mea opinio sit verisimillima, quia ei, dum hætenus nihil melius investigari potuit, à nemine contradictum sit. Aqua autem pro Elemento, vel simplici corpore non habenda est, sicuti Illustrissimus Dn. *Robertus Boyle* in Chymista suo Sceptico rectè docet, sed mixtum Ens esse reputandum est, quod mul-

multum de Terra aliqua, quæ terreæ, & falsæ naturæ est, in se contineat, sicuti universum mare, maxima sc. pars Mundi evincit, quod *sal*, si bene examinetur, Sulphuræ naturæ præditum esse deprehendetur. Species autem Sulphurum sunt diversæ naturæ, quædam ardent, & fulgent, & sunt combustibiles, quædam fulgent, & sunt incombustibiles, sicut Mare ipsum, præsertim Adriaticum, imò vel ipsius Hominis Urina sat id ostendit. Similiter Aquæ quoque, vel multò magis ejus falsa Substantia, quæ Sulphure subvestita est, multum diversa existit, nimirum pro sua puritate, tenuitate, & sulphure, inde etiam tres illæ magnæ fluiditates oriuntur, quæ planè sunt diversæ, nimirum aquæ, Olei, & Argenti vivi, hæ & nullæ aliæ sunt in Orbe Terrarum. De Mercurio igitur, ut loquar, quo unicè collimo, nimirum *de mirandâ illâ aquâ, quæ manus non humectat*, & de qua omnes Philosophi scribunt, semper sustinui, & adhuc sustineo, Decompositum esse, è multo sulphure, vel pinguedine constans, maximaque gravitate præditum, quâ modo ali-quod Corpus in mundo gaudere possit, Deus enim volatilia, gravia, fixa, transparentia, lucentia, & opaca Corpora creavit, illaque modò pura, modò mixta. Ut autem ad Argentum vivum deveniamus, illa gravis, liquida, penetrans, attamen volatilis, ut manifestum, substantia est. Namque Corium penetrat, aurum ferè æquiponderat, nihilominus prorsus volatilis est, adeò ut pro novo Paradoxo in Philosophia habeatur, dum corpus sit grave, penetrans, subtile, & volatile, & quidem tam subtile, ut nullus Spiritus Vini id æmulari possit. Hoc igitur quemadmodum sine ulla contradictione supponitur, & in Mineris apparet, Vaporis forma Massivos Lapides aliquot centum orgyjas profundos penetrare, in ibique Metalla generare, ita certum est, Argentum Vivum,

Vivum, subtilem, purum, ac immutabilem Sulphureum Spiritum in se continere, qui nullo Elemento destrui possit, sicuti Experientia in ejus Anatomia, seu Analyfi id evincit, propterea existimandum est Subjectum esse, prout multi Philosophi scribunt *infinite admirabilitatis*. Est enim revera pura pura essentia Salis Marini, nempe sal Sulphureum, totum analogum Sulphuri Salis communis, unde etiam suam originem traxit, per destillationem nempe Salis marini in Terræ cavernas (uti latius in Physica mea Subterraneâ demonstravi) ibidemque per Sublimationem, & commixtionem subtilis cujusdam Terræ, unde Opacitatem acquisivit, poterit tamen in Diaphaneitatem reduci, nempe in liquorem Diaphanum, est mihi namque liquor notus Diaphanus, aqueus, Mercurio in gravitate æqualis, num decantatus ille *Alkaest* sit, non definiam, Lectori verò deliberandum relinquam, num vel decompositione pluris terræ Diaphanæ, seu Salis lucentis, vel extractione terræ Opacæ ex Mercurio hunc liquorem perfecerim, certe scio, quod Mercurius ex Sali communi augmentetur, & sæpe augmentatus in Diaphanam aqueitatem tendat. Quod qui Sulphur ex Sale separare sciverit, mihi assentire, & credere poterit, non fulgorem modò Mercurii, sed Margaritarum quoque splendorem huic Sulphuri inesse, deberi, & dicari. Taceo, quod pro majori confirmatione, Sal commune nonnullos effectus producat, Mercurio proprios, tam in potestate medica, & Physica, quam Alchymica. Sed quanta Massa Salis in una libra Mercurii sit, facile conjici potest. Præstat ergo hoc Subjectum concentratum, quod tam vili pretio, etiam viliori haberi potest, ad manus sumere, ejusque quantitatem specificam considerare. Quæ propriè consistit in hoc, quod maximè separans, dirigens, penetrans,

trans, inducens, & licet ipsum sit volatile, attamen fix-
gens sit. Quid in corpore humano valeat, manife-
stum est, verum ut de metallis loquamur, negari quo-
que nequit, quin se cum illis amalgamet, quod sine
solutione & reactione fieri non potest. Forte ergo
Sal Sulphureum resolutivum inesse ei oportet, (ip-
sum enim aurum per Mercurium in salem converti
vidi, sine aliqua alia re) quod plus confortari potest,
inde nomen ab artificibus traxit, quod ejusmodi Mer-
curium artificialiter tractatum modò *acuatum* mo-
dò *animatum* nominaverint. Qualitas ergo Mercurii
ut confortetur, melius fieri nequit, nisi Sale sulphureo
minerali, quod Natura quibusdam Corporibus, quæ
jam mineralia sunt, indidit, quorum duo primariò
prærogativam obtinent, quibus Argentum vivum
sefe amalgamat, cæque ratione in Sale suo, & resolu-
tiva qualitate supra omnem modum confortatur, sic
ut peracta ejusmodi amalgamatione, Aurum & Ar-
gentum secum volatilizet, penetret, tincturæque i-
donea recedat. Ut igitur per gradus ad Praxin deve-
niatur, primò pro exemplo sumendum est, quod si
vulgaris Argenti vivi decem partes præter propter
cum una parte plumbi, vel Stanni amalgamentur, ex
qualitate sua maxime resolutiva, illud statim, tan-
quam glaciem in aqua resolvat, quod fieri non pos-
set, nisi maxima resolutiva facultate instructum esset,
tali igitur Metallo resolutò (intellige quod amalgama
bene teratur, & misceatur, deinde in lenem digestio-
nem in Patinam ponatur) Mercurius intra duodecim
horarum spatium pulverem terreum Chryseum, seu
nigrum separat, adque ad superficiem ejiciet, qui ad
unum latus penna removendus & digestio tamdiu
continuanda est, dum ejusmodi niger pulvis cesset,
quod indicio est, Mercurium in Metallo perfectam
separationem confecisse, namque bene notandum
est,

est, omnia metalla super Argento fluitare, exceptis auro, & Argento, proptereaque quamquam alia Metalla cum eo amalgamatione misceantur; tamen denique ab eo rursus eleventur, supernatent, separationemque patiantur, quod remanet in expressione Mercurii per Corium, bonum est, & poterit probari, quod verò supernatet, pulvis nempe niger, Sulphur vel anima metallorum est, quæ fixata, & in Argentum projecta, probata, & separata, Aurum quoque probum reddit, *ipse autem Mercurius hac ipsa Operatione acuitur, animatur, augmentatur, & Mercurius Corporum fit*, secum quoque adhuc retinet optimam partem de tinctura Corporum, & magis magisque ad eandem operationem melior fit, si ejusmodi Operationi iterum adhibeatur. Hoc enim certò sciat Lector, finem Discursus hujus esse, quod Corpora sive metallica, sive Mineralia, sive Terræ, sive Lapides, sive extracta ex his, quocunque modo, *nisi Mercurium intreat, & cum illo amalgamari possint*, nunquam cum Auro verum & in foro Politico subsistens augmentum facere. Hinc orta est impostura illa decantata Augmenti auri, per extractum Smiridis Hispanici, quod augmentum in Cupellatione, & Quartatione subsistit, si tamen tale aurum cum Mercurio amalgametur *rubri instar Pulveris terrei* denuò ejicitur, & separatur, *Discite igitur terram tamdiu purificare, & subtiliare, donec Mercurio arrideat, & ab ipso inceretur, isque suo caduceo eam confirmet, & metalleitate donet, neque pertesi suis, si aliquoties repulsam ab ipso patiamini, rejectam Terram melius preparate, & denuò ei offerte, idque toties, donec Vestri miserius eam assumpserit, sic quod grossum, quod terreum, quod Heterogeneum, quod Sypticum, quod denique inutile, videbatur, attenuabitur, subtiliabitur, incerabitur, & in optimum Metallum perficietur, & sic fiunt particulares*

Mine-

*Mineralium, & Metallorum, eorumque Sulphurum alterationes, & transmutationes, eaque, Mercurii Ope. Quam arduum verò sit Martem Mercurio jungere, Geber noster fatetur, primâ parte Libri secundi Cap. LXV. cùm scribit: Ideoque non adheret (sc. Mercurius) Marti, nisi subtilissimo ingenio. Qui capere potest, capiat, præsertim quæ sub finem præcedentis Sextæ Mineræ scripsi, quæ huc optimè quadrant. Si qui in Hollandia, non soluto mihi didactro, Schola ante tempus aufugere, quando specialis cujusdam Croci Martis præparationem tantum didicerunt, tamdiu expectassent, donec etiam ejusdem incerationem didicissent, tunc prudentius fecissent. Sed visis post cupellationem quadraginta granis Calcis nigræ in una Semuncia Lunæ, illico id aurum esse suspicabantur, sed in reductione niger pulvis erat, & juxta illorum lepidam opinionem fæces, sive ut Braunsteinianâ latinitate utar, *fecies*, quas abjecit, bona fide asserere possum, mihi, prout etiam postea aliis accidisse percepi, sæpius contigisse, quod Mars etiam alia Subjecta, in Luna Cupellam & Quartationem sustinuerint, & tamen non actuale Aurum fuerint, nisi subsecutâ tandem Mercuriali inceratione. Proinde Lector Curiosus vel propter hanc solâ Sectionem, & detectum errorem gratias mihi agat. Diu ego in Veterû Chymicorum Libris terminum observavi confirmare, sed credebam semper, quod idem esset, quam *figere*, donec postea expertus sim, quod aliud sit *fixum esse*, aliud sit *Metallicum esse*, & ingressum habere.*

III.

*De Corporificatione, Exaltatione, Fixatione, & Fusione Specierum
Miseræ hujus Perpetuæ.*

Pervetusta est opinio, Metalla ex Argento vivo constare, quod per Sulphur terrestre coagulatur, & figitur, & quod juxta gradus puritatis, & quantitatis Argenti vivi, & Sulphuris, Metalla specificentur, & diversificentur, cum jam hæc opinio usu recepta sit, facile concludi potest, metallorum alterationem, transmutationem, & Perfectionem, in maturatione; & purificatione mercurii consistere, mediante Substantia Sulphureâ, calidæ & astringentis qualitat. Non jam agam de Substantia mercuriali in Sulphuream transmutata, atque in extremum gradum puritatis, tenuitatis, & fixitatis deducta, atque taliter concentrata, & extenuata, quod una ejus pars aliquot mille partes Argenti vivi crudi constringere, & in fixum metallum transmutare possit, quam Operationem Alchymistæ *Tincturam* vocant. Tantummodo demonstrabo, quod *Acidum* Sulphuris, *Alcali* mercurii metallorum particulariter alterare, & perficere queat. Totum sanè volumen conscribendum foret mihi, si omnes Sulphurum Species cunctosque modos cum illis procedendi recensere velim. mille Processus apponere possem, ex quibus omnibus sufficienter demonstrari posset, quod *Mercurialis* metallorum Substantia per acidum *Sulphureum* alteretur, corrigatur, & perficiatur. Sed his præliminariò tantum attactis, sciendum est, quos-

quosdam Mercurium communem cum Sulphure communi tractasse, & effectum quendam hujus suppositi vidisse, alios verò paulo altioris indaginis animum in *Plumbum* direxisse, quoniam ob *gravitatem & tenuitatem* copiosum Mercurium habere suspicati sunt, pro cuius maturatione & fixatione pro alio Sulphureo agente solliciti fuerunt, idque quidem nullibi vilius, copiosius, & expeditius, quam in *Arena*, & *Ferro*, seu *Marte* invenerunt. His de causis opus aggressi, varias instituerunt operationes, quarum præcipuas nonnullas hîc recensabo, sed vulgares, in magno tamen practicabiles, subtiliores verò & magis Philosophicas Lector Philosophus vel ex seipso, vel antecedentibus colliget. *Aliqui* itaque *Plumbum* cum *Marte* fuderunt (adhibitâ tamen prudenti manipulatione) & rejectis Scoriis, Saturnum fulminarunt, laboremque reiterarunt. *Alii* cum Saturno, & *Arena*, Vitrum seu Amausum more consueto confecerunt, cum Marte præcipitarunt, & reduxerunt, huncque laborem aliquoties repetierunt, tandem *Plumbum* fulminarunt. *Horum omnium intentio fuit, Sulphureo - terreas Scorias Plumbi adurere, separare, Mercurium verò Saturni per hoc purgare, conservare, lavare, & per acidum Arenæ, & Martis eum constringere, calefacere, excoquere, maturare, & perficere, nec non effectus voto & conatui respondit.* In cuius exemplum, unum, vel alterum rude, & grossum adducam Experimentum, idque ut meliorem fidem mereatur, licet ipse probaverim, nomina tamen illorum apponam Virorum, quos & novi, & qui in Orbe etiam non incogniti sunt.

F

Primum

Primum est, Extractum unius Operationis peractæ, Ann. 1657. Mense Novembri Amsterodami per Docimastam Grill ex ejusdem Diario, & Manuscripto Proprio.

Sumpsit 950. Libr. Plumbi, & super magno Cineritio sub Fornice liquefecit, & cum esset in motu, indidit Stomoma ferri successivè de principio ad finem Cupellationis 154. Libr. cum Plumbum omne à Cineritio absorptum esset, remansit Massa Argenti ponderans 2. Marcas $1\frac{1}{4}$ unc.

Cineritium, in quo Plumbum erat absumptum, tusum in frustra, juglandum magnitudine, & additæ 300. Libr. scoriarum Cupri & 100. Libri Lithargyri, & 50. Libr. Tartari, omnia simul mixta in furno ad id præparato Vitrificata sunt, reddiderunt subviride Vitrum, & Regulum metallicum ponderantem $117\frac{1}{2}$ Libr.

Hoc Vitrum reductum super Carbonibus in furno reductorio dabat septem Massas Metallicas 897. Libr. ponderantes, quæ denuò cupellatæ, & tractatæ sunt ut prius, cum additione prioris Argenti 2. Marcas $1\frac{1}{4}$ unc. ponderantis, tunc finitâ operatione secundâ, Massa Argenti super Cineritio ponderabat 5. Marcas Argenti minus semunciâ, & quælibet Marca tenebat in Auro valorem 35. denariorum (Stübbers.).

Ejus-

Ejusdem Grillii Processus, sed emendatior, & succinctior.

Rec. **P**lumbi libras 200. Argenti Marcas 10. cupri libras 20. Fulminentur in Cupella more solito, inter fulminandum successivè ab initio usque ad finem, additur Cochleare stomachatis ferri, quod absumitur quadrantis horæ spatio. Factâ fulminatione, servetur placenta argenti, Cupella verò pulverizata forti igne vitrificetur, Vitrum istud reducatur, vel per Carbones, vel per Salia in Regulum, qui Regulus in nova Cupella denuò in omnibus, ut priùs, tractetur. Hunc laborem si ter, aut quater reiteraveris, invenies Argentum augmentatum in Luna & Sole.

Animadversiones practicae ad præfatum Processum.

1. **S**I in primâ fulminatione, Jovis particulam lubeat addere, id quidem fieri poterit, sed ut unâ vice non ultra semunciam injiciatur, idque ideò, ne Vitrificatio Plumbi impediatur. Poterit injectio cum Jove more nominato continuari ad Lubitum, observandum, ut dictum, ne vitrificatio impediatur; Cavendum autem, ne toti huic massæ plus Jovis, quàm una libra addatur, idque ideò, ne materia reducta de Cupella per Jovem impediatur in ulteriori fulminatione, Juppiter autem tantùm in primâ fulminatione addi debet.

2. Melius foret, si Vitrificatio Cupellæ sine igne Carbonum sed solâ flammâ fieret, cum Carbones potius reducant, quàm vitrificent.

3. Cupella de Cineribus elixatis facta, melior est, quàm de Ossibus, quia facilius vitrificatur.

4. Quantum de Ordinario pondere priori mixturæ ponderantis 225. libras, in singulis reductionibus decedit, tantum de novo plumbo supplendum est, & post aliquas Operationes, & reductiones, puta tres, aut quatuor, denuò Veneris, & Jovis portio addi potest.

5. Si hæc operatio ter, vel quater facta sit, poterit observari, augmentum Lunæ, & Solis.

Melioratio hujus Processus juxta meas Observationes.

1. **L**OCO Veneris, & Martis possent illorum Croci adhiberi.

2. In Præparatione Cupellæ posset portio Limi, arenæ, & calcis vivæ addi pro majori fixatione, & faciliori, vitrificatione.

3. Loco Saturni melius esset Plumbum antimoni vel Martis.

4. Marchasita, & Bismuthum, nec non Sulphur fixum, & Arsenicum fixum, aut Cinnabrium fixum quoque prodesse; addi quoque possent extracta jaspidis, granatorum, Smiridis, rubricæ, hæmatites, & aliæ species tingentes.

5. Melius foret, ut species, quæ in Saturnum imponuntur, prius cum Luna separatim collescant.

6. Jupiter cum Nitro fulminandus, ita enim citra intumescentiam in Saturnum ingreditur, ejusque major quantitas imponi poterit,

Judicium supra hunc Processum.

Intentio est, ut Species tingentes, in specie Martis sulphur lunam ingrediantur, eamque compactam reddant, & tinctam, unde generatio Solis, adustibile verò sulphur veneris mediante vitrificatione absorbetur, & corpus veneris dealbatur, unde in hoc Processu augmentum Lunæ. Cineres Cupellæ, ut Corpus, sic cum terreum, absorbent humiditatem adustibilem Saturni, Veneris, & Lunæ, unde in reductione Corpora sicciora redduntur, præsertim cum de Substantia cinerum nonnihil in mixtum metallicum essentialiter ingrediatur: Melius tamen foret, si species tingentes ita incerari possent, ut corpus Lunæ ingrederentur, neque Saturno opus esset: illo enim potior tingentium pars rursus absorbetur. Vitrificatio verò, ut essentialis alterius, in hoc processu omni modo est necessaria.

Alterum Experimentum.

Quo probatur Destructione, & Reductione Metallorum ea prorsus transmutari,

EST

*Doctoris Tilenii Medici quondam
Francofurtensis, quod taliter
procedit.*

Rec. Saturni Unciam semis eique, cum in Tigillo fulminatorio sub tegula fornicata fulmi-

nare incipiet, impone Jovis Drachmam unam, additisque Lunæ aliquot granis, relinquetur tantisper, dum simul in scorias redacta fuerint; has scorias si in Tigillo validore duxeris, habebis Regulum, & partem Metallorum nondum reductam ei incumbentem, quam ferva. De Regulo, ut prius feceras, conficias scorias sub Tegula residuumque metallum in Cupella examina. Cupellam hanc una cum Scoriis à reductione residuis, quas fervare iussisti, & cum iis, quas Tigillum fulminatorium secundâ vice exhibuit confusastere, pulveremque addito quoque grano Lunæ, quod Cupella fortè dedit, iterum reduc, Regulum denuò redige in Scorias, sicut dictum, atque deinceps cum Regulo & Scoriis procede, ut antea, Hunc laborem si aliquoties, ter, vel quater reiteraveris, è Scoriis, & Cupella, metallis gravidâ, fac pulverem & cum part. 3. vel 4. Cinerum Clavellatorum in Tigillo valido fortissimo igne reduc, & habebis grana pura Cupri.

Tertium ego mea Speciali Experientiâ inventum addo.

CÆmenta, & funde Metalla cum limo, lateribus, vel Arenâ reduc, & tracta taliter aliquoties, si benè processeris, opusque reiteraveris, perfectionem, & transmutationem Metallorum invenies non inutilem, & quidem sine Tincturæ aliqujus ope.

Quartum Experimentum in Glauberi Tertia Parte Operis sui Mineralis reperitur sequenti modo.

Possunt etiam Metalla, si prius in Calcem redacta fuerint, mediante arena, vel Silicibus, & inde confecto

confecto vitro Saturni purificari, & lavari, ut multum Auri fundant; sed & multum vitri Saturni ad hunc laborem requiritur, Metallum enim in illo latè diffusum, & dilutum esse debet, si fæces suas seponere, & puriorem, ac gravio rem partem deponere debeat, Arena enim seu silices ideò adhibentur, ut fæces impurorum Metallorum attrahant, & purum ab impuro separent, æque, ac si quis Mel, Saccharum, vel aliū liquorem vegetabilem, Aqua purgare velit, & Albumen Ovi misceat, quod impuritatem Mellis, vel Sacchari attrahit, & purificat. Ita in hac operatione Silices sunt loco Albuminis, & Saturnus aquæ vices sustinet, qua Martis, Veneris, vel Jovis corpus solvitur. Hæc operatio est valde curiosa, facilis, & celeris, magnumque lucrari posset brevi tempore, si vasa inveniri possent, quæ lithargyrium sustinerent, ne illa perforarentur, sed mixtura perderetur. Modo Vitrum Saturni decem, vel duodecim horas sustineret, tum nullâ aliâ viâ opus esset ditescendi. Ego hæcenus tam felix esse non potui, licet multos annos quæsserim, nullus autem dubito, tractu temporis quendam futurum; qui id sit reperturus. Una libra Martis, Veneris vel Jovis subinde quartam, imò etiam mediam unciam Auri puri exhibet, si rectè procedas, & si aliquid sal fixum Tartari, vel tantum Cineres Clavellatos injicias, adhuc plus accipies, verùm mixtura etiam faciliùs effervesceat, & excurret quod dolendum. *Hæcenus Glauberus*, Qui similem laborem repetit in novo suo Lumine Chymico, Item in 1. part. Sui Operis Mineralis, & alibi. Ubi notandum, me Roterodami vasa terrea curasse fieri, quæ duodecim horas ignem sustinebant, in quibus magnam Probam Hagæ Comitum feci, quæque adhuc videri possunt, quæque Vitrum Saturni per totum id tempus optimè tenuerunt, ita ut ne minimū quid effluerit, adeò quod *Hollandi*

reverâ sibi ipsis injuriam faciant, dum Patriam suam
 huic Arti ineptam proclamant. Quantum verò hunc
 Processum attinet, integrum in eum Commentarium
 conscripsi cum aliquot centenis Observationibus,
 sed idem mihi, quod omnibus ferè Alchymistis, acci-
 dit, Præsentia non cūrant, futura desiderant, & qui
 semel Vinum bibit, stultus esset, si aquæ hauriendæ o-
 peram dare vellet. Interim tamen tempus, & vita per-
 ditur, inque meo scopo, qui unicus fuit, pessimè de-
 ceptus sum, *volui nempe similes operationes solum ad
 lucrum spectantes, Mercatoribus, soli lucro inhiantibus
 vendere, ut aliquam pecunia summam unâ vice ac-
 quirerem, quâ quiete vivere, & Philosophicos meos
 labores finire possem.* Sed quod dictus parvus Rusticus
 Philosophus conqueritur, quod quotiescunque in a-
 nimo habuerit *magnum Opus* perficiendi, Diabolus
 nullibi non ipsum impediverit, sive per Amicos, sive
 per Vicinos, sive per alios & quot annos *Bernhardus
 Trevisanus* in variis Mundi partibus nidificaverit,
 donec angulum excludendo suo Ovo aureo idone-
 neum invenerit, Liber ejus testatur. Quid mecum fi-
 et, ipse adhuc ignoro? Annon si Europâ expellar, me
 in Indiam conferam, sed de his futura Æstate ulterius.
 Nunc pro conclusione hujus tertiæ Sectionis hæc
 tantum addo, totum fundamentum Operationis in
Purificatione & reductione Metallorum consistere, sic
 enim illorum terrestreitas successivè abstrahitur, &
 pars mercurialis figitur, & purificatur. *Vitrum* enim
 ejusdem est naturæ, quod omnibus rebus ingressum
 det, Metalla in fluxu conservet, volatilia & Vapores
 Minerales figat, unde non immerito Veteres illud *lu-
 rum Sapientia, & Sigillum Hermetis* vocabant. Præ-
 servat enim ab Igne, ne adurantur Corpora, multa-
 que præstat utilia, præsertim in Auro arte facto, ut-
 pote adhuc tenero, cui fixationem, exaltationem, &
 per-

perpetuationem dat. Dico ergo pro Conclusionē hujus totius Septimæ Mineræ. *Quærite Sulphur vēstrum aureum in Subjēctis, in quibus abundanter, & copiosè est, subtiliate, purificate, & fluxum Mercurialem ipsi conciliate, tum non statim in Cupella cum eo procedite, sed prius cum aliquo bono Vitro figite, & incorporate, tandem probè committite, sed videte, ne decipiamini cum Aqua forti, sicut mihi Hagæ Comitum accidit, ubi Aqua fortis, ex nitro non depurato, & multum salis communis habente, præparato, atque sic magis Aqua Regis, quàm Aqua fortis facta est, unde ipsum etiam Aurum corporale plus solvit, quàm separavit, prout postea præcipatione Mercurii ad oculum demonstravi, qui itaque scit *refinare sine Cupella, quod fit per Vitrificationem, & separare sine aqua forti, quod fit per præcipationem*, ille lucrosius operabitur. Et tantum de Minerâ Septimâ, Vulgari, grossa, quam tamen statim in Philosophicam convertere potes, Si loco crudi Saturni, Mercurium ejus sumas, si loco crudi Martis, & Veneris Sulphur illorum capias, & cum illo Mercurium imbibas, & loco vitri corporalis Oleo Vitri in præcipitatum inceres. Gaudebis dictis & factis.*

Atque ita studioso & operoso filo Ariadne me ex profundis septem his Mineris, Dei gratiâ explicui, atque denuò ex obscuro in lucem prodii, idque præter omnium meorum Inimicorum voluntatem, & expectationem, quorum persecutio detectionem harum Septem Minerarum mihi expressit, sed multos adhuc intus secretos divites cuniculos, solis Amicis reservandos, novi.

LIT. F.

Super quo fundamento Physico, seu Minerali, Propositio hæc arenaria Pr. D. D. Statibus facta, fundetur, siue utrum in Philosophiarationem & locum inveniat?

Mineralia & Metalla, præsertim Aurum & Argentum, terrestria mixta, & composita esse, tam illorum gravitas, aliaque terrestria accidentia, quam ipse tactus, & solidas demonstrant, quod verò omnia non juxta suas differentes species unam Terram pro principio habeant, illorum varietas, colorisque, soliditatis, & ductibilitatis, aliorumque accidentium diversitas evincit, tandem id quoque claret, quod quodlibet minerale, vel Metallum, non aliorum, sed sui ipsius saltem respectu consideratum, non modò ex una simplici terra constet, sed cum aliis pluribus in mixtum quoddam coierit, quod talis mixti, seu corporis Metallici solutio, vitrificatio, in Mercurium & vitriolum reductio convincit, quæ operationes non modò in variis speciebus metallicis variarent; sed etiam in unaquaque specie non diversos, & successivos effectus ederent, si vel omnes species metallicæ ex unâ terra, vel quælibet species metallica ex uno simplici terreo principio conflata essent, de quibus plura legi possunt in Authoris Physicâ subterranea, præsertim ejus supplemento primo. Hoc tantùm idèò adduco, ut Lector non nihil præliminaliter de Metrallorum Crasi, & mixtura informetur, quo sequentia eò clariùs intelligere queat; His itaque sup. & præpositis, metalla nempe, atque
inter

inter illa etiam Aurum & Argentum ex diversis terris mixta, & composita esse, prout Ratio, & experientia id facile demonstrant, tunc infallibili, & consequenti ratiocinatione concludemus, quod ista terræ, seu terrestria principia Auri & Argenti mixtum ingredientia, atque id Metallum componentia, antequam convenerint, vel actu in istud mixtum coiverint, id est, effectivè Metallum constituerint, actu neutiquam separatim, absolutum Metallum sint, ac proinde in statu tali, nempe ante sui conjunctionem, & mixtionem in pretio civili non tanti valere queant, ac post conjunctionem, quando nempe in perfectam Crasim Auri, & Argenti actualiter convenerint, sicut rotæ Horologii disjunctim minimè tanti valent, quàm conjunctim, perfectum nempe Automaton constituentes, qui itaque minerales tales primordiales, & sejunctas terras novit reperire, purificare, & debitâ proportionem conjungere sciverit, necessariò effectivè, & actualiter Metallum producet, pluris valens, quàm principia ante conjunctionem constiterint. Possem hoc loco *variis in locis, & in magnâ quantitate terras quasdam paucissimi pretii indigare, quas tamen Auri, & Argenti principia esse*, illorum ingressus, & inseparabilis adhæsiō in ejusmodi Metal-
lis demonstrant; unde inter deceptores, pravoque homines fraudes quædam committuntur, qui per tales terras Aurum, & Argentum augmentare sciunt, sed plerumque friabilitatem inducunt, quoniam reliquas requisitas terras, & perfectam mixtionem ignorant, ut verò Lectori unum exemplum ob oculos ponam, limum communem, aliquam seminalem Terram Metallicam in se continere, qui si compari suo nempe Mercuriali in quacunque pinguedine seu oleitati latenti misceatur, effectivum ferrum, & actualiter bonæ notæ Aurum fundit, vide *Supplementum*

meum primum in Physicam Subterraneam. Hoc Experimentum toti Orbi jam ante multos annos exposui, quod sicut invincibile est, ita multò minus arena, glarea, Sabulum, filices, & lapides in dubium vocari debebunt, cum experienciâ quotidianâ constet, ac publicè ob oculos sit, Metalla in Montibus, in Saxis, & lapidibus generari, atque erui; quid autem aliud est granum arenæ respectu Saxi centum pondii, nisi quod differat discretâ & continuâ quantitate, alias granum arenæ æquè lapis est, ac integer mons, quod Microscopiis inspicitur, singula nempe arenæ grana pellucas filices esse, hinc etiam non mirum, si quotidiana experientia ex arena variis in locis varia Metalla, præsertim auri portio non modica inveniatur; sicut in Fluvio *Rheni, Danubii, Tagi in Hispania, Mino in Guinea, &c.* & licet quisquam objiciat, aurum in tali arena non generari, sed ex montium venis auriferis subterraneis illuc elui, claret tamen contrarium; in Supplemento meo primo demonstravi ejusmodi Arenam, etiam elotam, & longè à littore soli expositam post aliquod temporis spatium, nihilominus rursus aurum reddere, in cujus certitudinem, legantur Experimenta loco citato adducta, & postquam illud Supplementum jam typis edideram, aliud experimentum considerabile mihi ad manus venit, *mediante arenâ, vel lapidibus, etiam nullum Metallum gerentibus, mediante solo Aere, & Sole, ac virtute seminali minerali, omnibus in locis mineras constituere tam auriferas, quam argentiferas, etiam ferriferas, & plumbiferas,* quod illis tamen impossibile creditu non erit, qui quæ *Borellus, Casalpini, & alii* de Metallorum regeneratione, & augmentatione scripserunt, perspecta habuerint.

Tandem pro Conclusione juxta clarum Philosophicum Axioma, hoc necessario sequitur, *in quod aliquid*

*quid reducitur ex hoc factum fuisse constat, quàm facile autem Metalla vitrescant, atque in matrices suas redeant, Experientia docet, hinc arenam sive in concreto, sive in continuo, sive in discreto, aut disjuncto, metallorum Crasin, & mixtum intrare, unumque ex illorum Principiis constituere, certissimum est. Porro si certum sit, omne alimentum in naturam aliti transire, & omnem fœtum è Matrice nutriri, & partem terræ, in qua vegetabilia crescunt, in illorum Compositum mutari, certum etiam erit, cum clare constet, Metalla in Saxo, vel Silice generari, ea quoque exinde, accretionem sumere, & cum arena, ut supra demonstratum est, non nisi imminutus silex sit pari ratione pro accremento, & principio metallorum habendam inesse; magisque capax ad id, ob disjunctam continuitatem, quam ipsa massiva Saxa, à vaporibus mineralibus non tam facilè penetrabilia, tota enim metallorû generatio juxta Aristotelem nihil aliud est, nisi *Simplex mixtio vaporum in lapidibus subterraneis*, sicut *Maria Prophetissa* hoc clarius exponit, nempe cum scribit, *fumus complectitur fumum, & herba alba, quæ crescit in monticulis, capit utrumque*, nempe vapor sulphureus complectitur mercurialem, seu juxta *Albertum*, unctuosum miscetur cum humido, & *Albus Sil. x* in mineris capit & figit utrumque; Silicem & arenam talis naturæ fixativæ, & facultatis receptricis, ac retentricis talium vaporum esse, non modò autopsia, in Mineris ipsis, sed & extra Mineras experientia demonstrat (vide Supplement. primum) Mercurii communis vaporem non commodius, nisi per silices, vel arenam præcipitari, & figi, unde quidam *mineras artificiales* non sine successu moliti sunt; ex prædictis igitur concluditur;*

Primo Metalla, etiam Aurum & Argentum sunt corpora, & mixta terrea.

Secun-

Secundo generantur ordinario in Saxis, præsertim Silicibus.

Tertiò Substantia lapidea est matrix metallorum, ejusque nonnulla pars transit in mixtum metallicum.

Quartò omnis Arena Semidiaphana, & Silex minuta sunt ejusdem Substantiæ, hinc pro principio metallico, & pro metallorum matrice habenda.

Ex prædictis conclusionibus Author non videt; quâ ratione in Hollandia hic articulus oppugnari possit, utpote fundatus super argumento invincibili, aut enim metalla in Saxis non generantur, quod contra evidentiam est, aut Saxa faciunt ad generationem metallorum, quod certissimum est: arenam verò diminutum Saxum esse, cuilibet obvium est: hinc non stolidè ab Authore propositum est, *Littus Arenarium Hollandiam alluens, perpetua & inexhausta Minera subjectum esse*, cui nemo prudens Philosophus in Hollandia contradicet.

LIT. G.

An Propositio Authoris etiam in Arena Hollandica locum habeat?

AN Aurum in Saxo, vel arena generetur, & num arena imminutum Saxum sit, parum Holandicis mercatoribus interest, utpote qui libentius cum auro æruscantur, quàm Philosophantur, aurum tamen in littore Africano in tractu Guineæ, & in rivo de Mino in arena reperiri, ideò credere coguntur, quod tale aurum oculo tenus in crumenis suis adsportatum videant, & possideant, quod verò arena Hollandica tam littoralis, quàm collina, id ipsum præstet, hoc plenis buccis negant, & ad ravim usque
contra

contra clamant, adducti ad id, ut existimant, tribus prægnantibus rationibus, quarum *Prima* est, quod tam intra, quàm circa Hollandiam longè lateque nulla reperiantur mineralia, & ne quidem eorum vestigia. *Secunda*, Quod neque lotione, neque amalgamatione, ne minimum quidem, aut vestigium auri ex arena Hollandica elici queat. *Tertia*, Quod arena in locis (si alias ad generationem metallorum calor concurrat) calidis, melioris conditionis sit, quàm in frigidis, teste experientia. Ad singulas objectiones breviter respondeo, & quidem ad *Primam* constanter, & experientia fretus contradico, limum & arenam in Hollandia non mineralem esse, cum plerique eorum cæspites metallum exhibeant, & si comburantur, Arsenicum demonstrent, non procul ab urbe *Harlem* rubra arsenicalis terra reperitur, quæ omnes fructus comburit, proprio ab incolis nomine signato; penes *Harlemium* quoque *Cobolti* minera reperitur, unde *Smalta*, sive cæruleus color præparatur, & metallum anonymum, quod nec Aurum nec Argentum est, & tamen Cupellæ & Aquæ forti resistit, arena *Transinsulana* non nihil continet argenti, & arena rubra juxta *Arnhemium* & *Salvenstein* aurifera est, continens centenarius ejusdem unum aureum. Non ergo pro certo neganda, quæ adhuc incerta, & non satis explorata sunt; non faciant Hollandi propriæ suæ terræ injuriam, non acculent illam defectus rerum, quas largiter exponit: sed percontentur ejusdem naturam, & quod ipsi reperire non possint, aliis extraneis non invideant. Ad *Secundam* Objectionem, quod nempe ideò in arena Hollandica nullum aurum potentiale sit, quoniam actualiter nullum, sive lavando, sive amalgamando ex illa elici possit, prorsus nego, tanquam Objectionem falsissimam, repertus enim, ut audio, nuper quidam artifex est, qui plus

Auri,

Auri, ex arena lavat, quàm alii, imò ex tali arena, è qua alii nihil elicere potuerunt, quam artem forte illi non ignorant, qui in mineris, & lavatrinis Hungaricis Aurum lavant supra pannis, atque Imperatorem multis millibus *bisettis seu* granis auri decipiunt. Est quoque lapidum species auri dives sub *granatorum* nomine, quæ tamen omnem amalgamationem respuit. Sed ut ad vulgaria Exempla descendam, plerumque in communi arena scintillantia, & albicantia reperiuntur argentea folia, quæ tamen nec lotionem, nec amalgamationem separari possunt; dum verò talis arena una tantum ignitione candescit, & extinguitur, tunc & lotionem, & amalgamationem suscipit, idem exemplum est in Talco, multisque speciebus Lapidearum squamarum, quæ nec lotionem, nec amalgamationem suscipiunt, nisi prius probè candescant, extinguantur, & præparentur, sub tali genere illa talci species complectitur, quæ in *America in Guajana* reperitur, quæ omnes probas Auri sustinet, nisi quod amalgamari non velit, unde ab Hollandicis Directoribus, naturæ mineralium ignaris, totæ naves tali talco onustæ, exoneratæ, & omnis illarum sarcina in mare dejecta est. Sed ad proximius exemplum deveniamus, cui libet vel primis labris in re metallica imbutum notum est, Argentum facillimè cum mercurio amalgamari, ast si vel minimâ quantitate Sulphuris argentum cæmentetur, illicò omnem amalgamationem prorsus respuit, & hoc quidem in metallo perfecto accidit; unde consequentia facilè ad impuriora mineralia deduci poterit. Falsa ergo est hæc Objection, & meritò suspecta, *Ex arena Hollandica communi lotionem, & Amalgamationem nullum actuale aurum elici potest, ergo nullum etiam potentiale est intus*, cujus Objectionis nullitas hæctenus demonstrata est,

Ad tertiam Objectionem deveniendum, quod nempe arena in locis frigidis deterioris naturæ sit, quàm in calidis, non memini, me hoc observasse; contrarium quidem vidisse, dum in Norvegia, metallifera arena, auriferi lapides tam divites, quàm in Hungaria reperiuntur; arenam quoque ex Guinea mihi allatam abstracto auro suo Corporali, quod actualiter continebat, ne hilum melioris conditionis reperi, quàm arenam Hollandicam in *Schevelingen*, & *Wyckopzee*. Non quidem inficias ivero, calorem solis in locis æstivis aureitatem potentialem in arena ad actum promoveri, promotionem autem hanc tantum motum per accidens esse, nempe superficiale, calorem verò centrale, ejusque operationem in Hollandia circa arenam nobis adhuc incognitam esse, quis enim unquam hinc locorum experientum fecit, centum ulnas infra superficiem arene seu horizontem ejus fodiendo, procul dubio alterius naturæ arenam inveniremus, idque ob duplicem causam; Primò, Quod in profunditate, & versus centrum terræ, semper major calor subterraneus, quàm in superficie reperiatur, ut Autopsia in Minis ostendit, quarum cryptæ subinde, vaporariorum instar tepent, & propter hanc rationem venæ Metallicæ circa profunditatem terræ semper ditiores sunt, & ampliores, quàm versus superficiem, quàm ad multos pedes frigidam esse, & minimè à Sole penetrari, cui libet obvium est, qui fodinas metallicas frequentat. Secunda causa cur arena circa fundum, & profunditatem alterius naturæ sit, quàm circa superficiem, in eo versatur, quod si quicquam Metallum de potentia in actum deductum, nempe actualiter Metal factum sit, id etià metallicam gravitatem habeat, & proinde subsidat, semperque fundum petat, hinc lotione secerni poterit, si jam verum sit, quod Wildegans de

urbe Trapundia in Sicilia Regno scribit, quod nempe illic ad littus in hunc finem receptaculum adaptatum sit, quod ex arena, sale & Solis radiis successivè aurum ibi generetur, unde Hispanorum Regi tributum solvitur; hinc, & tale in aliis quoque locis maritimis circa littora contingere, dubium non erit; hinc *talis quidam locus mihi ab amico in Persiâ detectus est, nempe arena ad luttus, unde facile de vehi posset copiosa, & auri dives*, quod in pluribus quoque aliis littoribus contingere potest nobis insciis, non secus, ac Sal commune, & nitrum in variis locis circa littora suapte progenita reperiuntur, adeò ut tantum deportationem navalem expectent. Porro neminem latet, quanta à quibusdam seculis, taceo de nostro solo ultimo, ob incensas & conflagratas naves tormentorum Metallicorum copia, & ob naufragia, quæ argenti quantitas in mari submersa sit, quibus suppositis, quæ nemo negare potest, id quoque nobis ob oculos, & perspicuum est, quod flumina tendant in mare, quod continuis, imò intempestivis subinde ventis mare agitetur, quod hæc agitatio aquæ marinæ alluat & eluat littora, moveat arenam ejusdem, sicut & suam propriam in fundo maris, continuâ autem hæc motione, & agitatione necessariò sequitur, particularum arenarum mixtio, & graviorum partium tanquam transcolatio, & ad profunditatem tanquam naturali propensione dejectio, & subsidentia, unde fundum arenæ marinæ necessariò Metallum divitem esse debere, prædicta evincunt, & sequens Historia comprobat: *Annis abhinc aliquot elapsis, nauta quidam Hollandicus in Africam juxta Guineæ littus ad ripam Del Mino anchoram jaciebat, cujus rudens cum liquamine piceo noviter esset imbutus, causam dedit, quod profunda arena ei agglutinata adhereret, post aliquod tempus cum Nauta Anchoram*
rursus

rursus solveret, & ejusmodi agglutinata arenarutilans, & flavescens à Nautis observata, & pro auri scobe statim judicata esset, derisa proinde cultro, & cum argento vivo amalgamata, bonum aurum reperta est; quod Nauta occasionem dedit speculandi de Machinanda quadam terebra, quâ posset ad multos pedes fundum arenae Marinae terebrae, & collectam arenam in navem recipere, firmiter enim, & prudenter supponebat, cum ad ripam fluvii Del Mino, ut notum est, magna auri quantitas, quæ à nigris lavatur, necessario arenam auriferam & illam quidem, quæ in medio flumine est, tanquam gravior adhuc ditiores laterali, seu illâ esse debere, quæ ad ripam solummodo ejicitur, & colligitur, nunc cum nullus sit, qui ex medio flumine arenam extrahat, necessario omnem illam rapido flumine, & adjecta propria sua gravitate, declinante etiam fluvii fundo ad ostium, & profunditatem Maris rapi, & devolvi, adeo quod circa illum tractum totus Maris fundus aureus sit, elutis in illum à tot seculis, mediante fluvio Del Mino innumerabilibus auri atomis, quæ cum à fluvio impelli cessent, insuper etiam fundus Maris non amplius declivis, sed equalis sit, ipsæ etiam per se graves fundum petant, & cohæreant, neque facile ab aquis moveantur; non inanem conjecturam facient magni illic latentis auri Thesauri, quapropter recensitus Nauta à D.D. Statibus Hollandiæ privilegium rogavit, & obtinuit, denique Guineam versus navigavit, hætenus mihi Historia nota, quid porro actum sit, nescio; terebram verò Amstelodami in edibus Societatis Indiæ Occidentalis vidi, uti & ibi privilegium Legi. Sed ut eò redeamus, quo digressi sumus, dico omnem arenam quoque superficiei à fluvio etiam remotam, omnisque Metallum actualis in expertem, tamen pro propositione meâ inservire posse, dummodo siliceæ

naturæ, Semidiaphanæ, & vitrescibilis sit. Præsciendum autem est Lectori ad subsequētia meliùs intelligenda, omnem terram, limum, arenam, & lapidem, duplicis naturæ esse, vel opacæ, vel diaphanæ, vel igni resistere, vel ei cedere, vel in calcem abire, vel vitrescere, de hac ultima specie, nempe vitrescibili arena, propositio mea est.

Sumatur ergo talis arena, non refert, qualis sit coloris, misceatur cum triplo minii, vel Lijthargirii, vel plumbi calcinati, fundatur in crucibulo lege Artis, & vitrum exhibebit prorsus diaphanum, si bene operatus fueris, instar Hyacinthi comparebit, altera proba est, quod omnis Arena ad meam Propositionem valeat, quæ ordinario modo Vitrum commune exhibet, sive per cineres, alcali, Sodam, vel nitrum fiat. Sed objicies non sufficit determinare, & approbare certam quandam speciem arenæ, sed præstat demonstrare, & assignare talem speciem, si non actuale, saltem potentiale aurum in se continere, cum hoc posterius tantum sit in thesi; respondeo, dando experimentum.

Rec. Arenam superius assignatam, nempe quamcunque vitrescibilem, funde cum triplo Salis tartari, fac liquorem Silicum juxta *Glauberi* descriptionem, in hoc liquore digere vel calces, vel Scobes Metallo-
rum, præsertim Plumbi, succescant arborum instar, & in proba aurum exhibent, plura de his vide in *liquore Silicum Glauberi*: Porro.

Rec. Arenæ cujuscunque vitrescibilis fac cum minio, vel Lithargirio, ut paulo ante docui, Vitrum, quod præcipita cum limatura ferri, plumbum reductum proba in Cupella, & reperies aurum, vel sume arenam vitrescibilem, extrahe cum aqua Regis, extractum præcipitetur cum Oleo Tartari, præcipitatum edulcoretur, edulcoratum reducatur cum bo-
race;

race; Sin arena aurum actuale continuerit, realiter
 elicere poteris, sin minus, tunc edulcoratum pulve-
 rem cum Luna cornea, vel Sacharo Saturni misce,
 & rēduc; plura experimenta de his vide in *Novo
 lumine Chymico Glauberi*. Verūm objicies non
 posse quidem negari, quin taliter ex quacunque are-
 na aurum eliciatur, id autem materialiter non ex are-
 na, sed ex addito Metallo seu argento provenire, cu-
 jus Mercurius seu substantia, à formâ arenæ, quæ
 acida, & sulphurea est, informationem, & conco-
 ctionem suscepit, adeo quod in aurum gradetur, &
 exaltetur, sic quod tantum forma, non materia auri,
 arenæ adscribenda sit: Ad quod respondeo. Primò
 non in questione esse, quod omnis arena aurū actua-
 le contineat, id verò à me proponi, omnem arenam
 aurum embryonale continere, sed auri embryonalis
 definitionem non pono in principiis auri plenarie,
 & finaliter conjunctis, tunc enim constituerent au-
 rum actuale, ergo aurum supponitur, quod nondum
 plena sua principia habet, uno, vel altero, caret, ad
 existentiam autem auri duo requiruntur, nempe ma-
 teria, & forma, ergo vel una, vel altera, vel utraque,
 arenæ assignanda erit, ultimum esse non potest, alias
 enim arena aurum esset perfectum, ergo erit unum
 ex duobus prioribus, vel materia, vel forma, materia
 autem auri est substantia gravis mercurialis, cujus
 vestigia in arena per pauca existunt, ergo sola forma
 arenæ restabit, sed forma est perfectior materiâ, est
 enim in potentia aurum, unde meriro aurum poten-
 tiale in quacunque arena vitrescibili latere concludo
 ex consequentiis jam allatis; nam in arena tali exem-
 pli gratiâ, Hollandicâ, non suppono esse aurum
 actuale, in argento, & plumbo idem suppono, atqui
 quando hæc metalla, cum tali arena utraque omni
 auro actuali carentiâ tractantur, tunc resultat inde

aurum actuale, ergo necessariò sequitur, in arena potentiale aliquid latere, sive formam quandam Auri, quæ in substantiam mercurialem plumbi, vel argenti, tanquam materiam metallicam agat, eamque in aurum perficiat, sive jam dicas, hanc potentiam in arena latentem esse: solummodò *separatricem* facultatem in plumbo, & Argento, sive voces *digestivam*, sive *fixatoriam*, sive *tinctoriam*, & *gradatoriam* nuncupes, meâ parum interest, dummodo hoc certum, & firum maneat, sine arenæ ope nihil ex inde auri produci posse, sive nunc arenæ *formaliter*, sive *instrumentaliter*, sive *essentialiter*, sive *accidentaliter* ad hanc auri productionem concurrat, parum, ut dixi, me movet, satis mihi est, quod concurrat, & *concurrere* necessarium sit, utpote sine quo non: Ut tamen curioso Lectori plusquam plebi, quæ præfatâ evidentiam contenta esse potest, satisfaciam, brevibus tantum, sed profundioribus rationibus in Physicâ fundatis, *existentem potentiam auream in arena* demonstrabo. Omnia ex forma, & materia, nempe Objecto, & subiecto, tanquam mare, & fœminâ constare, jam vetus est sententia, lippis & tonsoribus nota, *Albertus* calidum innatum & humidum radicale in medium protulit; *Paracelsus* Sulphur, & Mercurium. Neoterici Spagyrici ex reactionum observatione adducunt *Acidum* & *Alcali* in medium produxerunt, eò quod viderint ab experientia, nullum dari motum Physicum, neque fieri reactionem, neque dari mixturem perfectam, nisi mediante acido, & alcali, sic cum acidum Salis imbibit Alcali urinæ, tunc fit aliquod mixtum quod *Salem Ameniacum* vocant, si verò acidum Salis communis Alcali Mercurii imbibit, tunc fit mixtum, quod *Sublimatum* vocant, si acidum sebi, vel olei, alcali lixiviale imbibit, mixtum datur, quod *Sinegma* vocant, si acidum arenæ,

arenæ, alcali cinerum reactionem fecerit tum mixtum in medium prævenit, quod *vitrum* vocant, mixtum omnium mixtorum indissolubilissimum, sic si arena misceatur cum Plumbo, statim atque colorem senserit, acidum arenæ operabitur in Alcali plumbi, magna reactione, fermentatione, & turgescencia, tandem finitâ reactione, sedatâ effervescencia, & mixtione ad temperamentum deductâ, mixtum quoddam in lucem prodit diaphanum, hyacinthi instar, quod *vitrum Saturni* vocant, ex quibus reactionibus manifestè patet, potentiam reagentem in acido ejus subsistere, quod etiam simplici enchyrisi experiri potest, si nempe silices, vel arena ex retortâ per se igne fortissimo distillantur, exhibebunt liquorem acidum, *medicamen in febribus malignis* quibuscunque incomparabile, & inæstimabile, adeò quod à magno quodam Practico sub *Auri potabilis* nomine, magno cum applausu, multam Mundi partem percurreret. Porro qui Aquas fortes, & gradatorias conficiunt. Silices vel arenam plerumque addunt, idque putant contingere propter interpositionem, ne reliquæ Species confluant, sed errant, non enim propter hoc fit, sed quoniam in Silicibus vis inest gradatoriæ, & fixatoriæ; novirusticum in montanis habitantem, qui ex certa Silicis specie *aquam viridem*, distillaverat, cujus ope successivè Argenti in Aurum solâ digestionem tinxerat. Est etiam certa methodus folius aquæ communis ope, silices & arenam in liquorem viscosum, eumque in *Salem viridem* & in *oleum rubicundum* convertendi, quod Mercurium communem præcipitat, ac magnam partem figit, plus quàm ullum oleum vitrioli. Verum hæc cum Philosophiam magis redoleant, quàm simplicem narrationem, merito ulteriori demonstratione supersedeo, hoc tantum obcludens, in limo, in arena, & silicibus multa arcana, ad

sanitatem & divitias facientia, latere, nec *Paracelsum* inſcitè ſcribere, *lapis, qui in vaccam projicitur,* pluris ſubinde valere, ipſa *vaccâ,* quæ *Helmontius* in *Lithiaſi de luto* ſcribit, arenæ ſpecie, notatu digna ſunt. De *Mirabili arenâ Ulmæ* quarum paſtu galinæ grana auri producant, legantur Naturæ Curioſorum acta, ego ipſe locum vidi. Ante decennium *Glauberus* tractatulum ſcripſit, cui Titulum fecit, *Novum Lumen Chymicum,* in quo univerſalem exiſtentiam auri in arena demonſtrare conatus eſt, ſed quoniam nullum apparatus circa praxin in magno docuit, & ſcriptum illud more ſuo *plus convitiis* quàm *rationibus* refertum fuit, non æſtimatum eſt, donec elapſo nunc biennio, & ultra in Hollandiam ego venerim, & negotium de productione Auri ex arena non permodum extractionis liquidæ, ut *Glauberus* in Magno voluit, qui modus inpracticabilis eſt, ſed fuſionis ope, quæ cum multis millibus libris inſtitui poteſt, in memoriam revocaram, ubi illico *pro more gentis curioſæ,* pro poſitio mea à quibuſdam prorfus repudiata, ab aliis audita, à nonnullis in conſiderationem tracta eſt, tandem res, quæ à principio ad eò ludicra & impoſſibilis viſa eſt, in illam conſiderationem devenit, præſertim apud viros quosdam probos, quod & magni quidem nominis viri, etiam infimæ ſortis homines, promiſcuè in hanc Artem irrumperent, & neque de ea primis labris imbuti, varia tentamina nonnulla etiam non ſine ſucceſſu inſtituerent, interim ſub & obreprivè etiam furtivè quicquid de hac re ſcire poterant, à me, meisque percontati ſunt, & abſtulerunt, quod ſi ut honeſti viri, ita fundamentis hujus artis penetrandis incubuiſſent, quam ſolummodo mechanica operatione auro inhiſſent, ulteriorem forte progreſſum habuiſſent, hocque Arcanum tam latè emanafſet, ut etiam ſuto-
 res,

res, factores & figuli, sicut nonnulli eorum incepterunt, Alchymia operam dedissent, vaticiniumque verificassent, quod de hoc Anno Millesimo, sexcentesimo octuagesimo jam circiter ante duo secula prodiit, futuram nempe tum temporis Alchymiam in tam communi usu, quod etiam ab Opificibus, & rusticis ad manus suscipiatur, quod ut dixi infallibiliter eveniret, si ejusmodi inquisitores, ad rerum causas, & effectuum rationes, nempe de principio prius cogitarent, & respicerent, priusquam, sicut operarii, ad finem, tanquam ad aliquod Opificium, properarent, nec enim sufficit, ope arenæ, & Metallorum, Aurum elicere, nec hoc etiam satis est, sive quod illa aureitas ex acido arenæ causetur, sed in hoc consistit fundamentum, in quo istud acidum consistat, & cur tam universaliter per universum Orbem disseminatum sit, quod Albertus annuere videtur, cum dixit ex omni re totius Mundi aurum elicere poteris, subintelligendo de Universali acido. Non recensebo jam qualiter ille Spiritus surinus in aquis subterraneis latitans, varia sibi Salium, Aluminium, Vitriolorum, Sulphurum, Realgarium mineralium compositionum species producat, nec demonstrabo, quâ ratione supra terram in aeris regione, tractus quidam hujus Acidi Spiritus de uno Polo ad alterum, & per illum acus magnetica feratur, hoc tatum hic loci allegabo, omne acidum, Substantia Martialis esse, in quocunque oleo, pinguedine, fuligine, limo, silice, & arenâ, imo etiam ipsa flamma reperibile, ac ad oculum demonstrari posse, quacunque ergo natura acida, & martialis sunt, illa potestatem habent alcali tanquam Substantiam Metallorum mercurialem alterandi, & transmutandi; hinc pro conclusione hujus articuli duo generalia observanda sunt.

1. Quicumque aliquo martiali acido, undecunque id etiam proveniat, proximè tamen ex arena, plumbum, vel argentum conjunctim, vel separatim calefacere, figere, maturare, & ingressum dare sciverit, ille propositionem hanc meam non mirabitur, verum plus de ea gaudebit, quàm dolebit.

2. Quicumque mediante arena, metalla vitrificare, vitrificata reducere, & hanc operationem repetere poterit, ille ea semper perficiet, tali enim operatione metallicum Sulphur adustibile abstrahitur, perfectior forma introducitur, mercurius illorum conservatur, figitur, & in melius alteratur, quod rudi exemplo, folius plumbi refinatione super Cineritio, ejusque reductio demonstrat, quæ operatio licet molesta sit, aliquos tamen monstrare possem, qui multos annos hoc labore contenti eum exercuerunt, & honestè exinde vixerunt, idque non in parvo, sed in magno, prout authentica super his testimonia ad manus mihi sunt (vid. lit. E.) amicis ad videndum & legendum non negata, quanti vero differat, vitrificatio, & reductio Cineritii cum plumbo, cum vitrificatione, & reductione arenæ cum plumbo, quilibet in labore & effectu reperiet, nunc ex prædictis omnibus sequentia concludo.

1. Omnis arena vitrescibilis tam in locis calidis, quàm frigidis, sive actuale Aurum continens, sive non, valet ad hunc laborem.

2. Licet lotionem, & Amalgamationem more communi ex arena nullum actuale Aurum elici possit, nihilominus dummodo illa vitrescibilis sit, potentiale aurum continet.

3. Omnis Arena vitrescibilis continet in se Acidum, quod est Virtutis Martialis figentis & adstringentis, quæ in Plumbo & Argento illorum substantiam

tiam mercurialem particulariter, & successivè in Aurum maturat, & tingit.

4. Quotiescunque Arenâ, & plumbum sola, vel cum aliis Metallis vitrificantur, & reducuntur, totiescunque perficiuntur, & meliorantur, ex quibus prudens Lector colligere poterit, nihil ab Authore in Hollandia propositum, quod non firmis fundamentis Physicis, & in Theoria, & in Praxi subsistat, & licet ejus Propositio supra arenam se fundet, ejus tamen fundamentum tam forti fixationi innixum esse, ut nullâ sophisticatione divelli, & dirimi queat.

LIT. H.

*An Authoris propositio in Hollandia cum Lucro exerceri & practica-
ri possit.*

LECTIS & auditis, ac consideratis, quæ hætenus in medium prolata sunt, nonnulli, qui, temotis passionibus, libera ratione uti volunt, Propositionis fundatam veritatem in naturâ fateri quidem coguntur, veruntamen licet substantiam propositionis concedant, tamen gravia accidentia speculantur, & objiciunt, quibus totam praxim, & exinde resultantem utilitatem subvertere videntur.

1. Objiciunt enim, multa in Theoria posse probari, quæ tamen in Praxi nullum locum habent.
2. Multas res & operationes in parvo succedere, sed non in magno.
3. Sumptus in ejusmodi operationibus plerumque superare redditus.
4. Plerumque substantiæ argenti plus decedere, quàm utilitatis ex auro eidem accrescere.

5. Sala

5. Salarium operariorum in Hollandia ratione cari locatorii, & victus pretium, in Germania multo excedere, ejusmodi instrumenta, & fornaces, nec non operationes fusorias, multos requirere homines, variasque causare ambages & confusiones.

6. Ignem, & carbones in Hollandia respectu Germaniæ multò carioris esse pretii, hanc unicam esse causam, cur, licet in Hollandia mineræ reperiuntur, cum fructu tamen, & uti itatè tractari non possent.

7. Subjecta, materialia, & Instrumenta huic operi necessaria, aliaque requisita, in quantitate & bono pretio comparabilia esse debere, quod non nisi in Sylvis, & penes mineras ipsas in locis pauperibus, non verò in Hollandia, commerciis, & opibus divite, exerceri debere, & posse; Hæ, aliæque rationes, cum nonnullum pondus habere videantur, meritò resolutionem merentur. Respondeo itaque ad *primum*; Quædam in Theoria concipi, quæ in Praxi non succedunt, verum esse, sed & hoc etiam non negandum; multa facilius in praxi succedere, quam illorum successus, causa, & ratio in Theoria assignari possit, exemplum habemus in Magnete, ejusque radiatione, & directione ad Polum. Quilibet sanè Faber ferrarius acum magneticam conficere, cujus tamen motus, & declinationis causam, ne subtilissimus Philosophus theoricè explicare vix potest; Potius ergo res in praxi succedunt, quando Theoria super illas ex Praxi procedit; *omnis enim Theoria verè fundata, ex praxi aliqua oriri debet, & omnis vera Praxis præceptis Theoreticis niti debet*, dico ergo illa Theoria non succedet in Praxi, quæ nulla habet Principia practica, sed illa Theoria infallibiliter succedet in Praxi, quæ ex illa ipsa principia sua sumpsit, & hæc est vera Methodus omnis realis Theoriæ, & Praxeos, ut nempe

una

una ex altera oriatur, una alteram confirmet, patebit autem ex antecedentibus, *Theoricam circa extractionem Auri ex Arena, non chymericam esse, sed multâ praxi inniti*, adeò ut practica magis, quam Theorica sit.

Ad secundum, multa in parvo succedere, quæ in magno non succedant, verum est, sed & hoc negari non potest, multa in magno tantùm practitari posse, & non in parvo, exemplum habemus circa reductionem in furnis quos *Stichofen* vocant, ubi certum est, scorias, cineritia, lapides, mineras, aliaque super parvo igne, in exili furno non posse lique fieri, nec reduci, quod etiam de Campanis, & tormentis intelligendum est; quorum fusio semper in magno melius succedit, quàm in parvo, & hæc fuit mea per totam ætatem *Hagæ Comitum* specifica querela, & protestatio ad D.D. Commissarios meos, quod impossibile sit circa fusionem Arenæ eâ methodo reliquam probam in parvo demonstrare, quâ in magno institui debet, cum taliter negotium in parvo impossibile sit, & non succedat, obtuli è contra in magno 24. horarum spatio, si opus foret, & requireretur, *decem mille libras vitri metallici, ex arena facti, trium tantum personarum ope, & unius orgyæ ligni mensura, fundere, & perficere*, quod experimentum etsi minimi constitisset, nunquam tamen obtinere potui, quin ne locus quidem ad id concederetur, certum ergo est, tractationem Arenæ facilius in magno, quàm in parvo succedere.

Ad Tertium, Processus, qui multis ingredientibus, operationibus & tempore indigent, sumptuosi sunt, nec negandum est, effectus subinde sumptus non recompenfare, sed in meo opere arenario omnia sunt simplicissima, non enim indigeo pluribus, nisi *tribus* materialibus, non nisi *tribus* operationibus, non nisi *tribus* furnis, non nisi *tribus* hominibus, & his

& his sufficientibus *singulis diebus viginti mille marcis elaborandis*; estque hic labor faciliè continuabilis integrum annum, quæ aliquammodo fidem, & possibilitatem merebuntur, si magnas fusiones minerarum penes metalli fodinas consideremus, quantum illi laboris, & operis diei curriculo absolvant, satisque mihi hic labor notus sit, utpote quum præcipuè ejus causa, ut notum est, Viennæ per integrum annum furnum vitrarium, non sine sumptibus magnis, diu noctuque foverim.

Ad Quartum Docimasta generalis Hollandiæ *Braunsteinus*, nec non Amstrodamenfis *Keervolf* atque Amanuensis meus *Furnerius* fatebuntur, argentum huic labori applicatum, post usum, non modò nihil perdidisse de pondere, verum potius ipsi aliquid accessisse, ex una enim marca Argenti, nempe 16. lothonibus, aliquando 17 lot. acquisivimus, optimæ notæ argentum, ratio hujus augmenti cuilibet faciliè obvia est, paululum in Chymicis experto.

Ad Quintum, Non credo ullam esse Mundi partem, in qua annona, & solertia homines magis ad labores impellantur, quàm in Hollandia, & ubi major operariorum copia haberi possit, & ubi plus, & accuratius de salario disceptatur, & ubi plebei Homines tenuius vivunt, quod certè in Germania non est, possum adhuc addere, si maximæ illæ aggravationes supra victum, & potum in Hollandia non essent, nullum in Europa locum futurum, quo leviori pretio vivi posset, quàm ibi, salariūque Operariorum levissimi pretii futurum, sed quid opus est hujusmodi compendiis, cum hæc arene tractatio tantum adferat lucri, ut Operarii honestè inde salariari possint, neque opus sit *irituranti bovi os suffranare*, magnum illum apparatus quod attinet circa hoc opus arenarium, quem aliqui timent, & adversantur, tanti certè

non

non est, licet cum tribus, vel duobus millionibus operatio institueretur, quam communis Navium Fabrica, quæ *Serndami*, & *Amstelodami* in *Cattenburg* quotidie exercetur, nec locus, nec spatium deficit in *Hollandia*, & si quis conferat hanc meam operationem cum communi, & ordinaria minerarum tractatione, magnam certè reperiet differentiam inter meam fusionem arenariam, illud quod funditur, nempe subiectum sc. arena sibi semper constans, semper æqualis, ubique reperibilis, nunquam deficiens, non operosa foliando, incidendo, tundendo, sumptuosis machinis Hydraulicis, aliisque ædificiis, fornicibus, & tignis sustentanda, nec lavanda, nec torrenda, & sicut in communibus minerarum tractationibus requiritur, quam omnes multifarias operosas, & sumptuosas difficultates, communibus Mineris usuales, opus hoc meum arenarium prorsus præscindit, & nihilominus æque divitem effectum præstat, non ergo est, quod de nimio apparatu hujus operationis justè aliquis conqueri queat.

Ad Sextum, Ignem fore magni pretii in *Hollandia*.

Resp. Cum nuper ptateriti anni æstate in præsentia multorum illustrium virorum D.D. Legatorum, Nobilium, aliorumque magnam quandam Probam ducentarum nempe Marcarum fecissem, multas horas requisivi, donec furnus recens structus siccaretur, & candesceret, tum septem horas materiam in continuo fluxu tenui, & per totum id temporis spatium, non nisi pro uno floreno *Hollandico* cæspites comburendo consumpsi, remansitque finita operatione quarta circiter illarum pars, dedique ignem flammeum vehementissimum, ita ut superior concameratio lapidea liquefcere inciperet, ita quod audacter, & publicè affirmare auserim, ignem in *Hollandia*
pro

pro hoc labore levioris pretii esse, quàm ligna, & carbones in medio Sylvæ alicujus in Germania, quod etsi Paradoxum videatur, tamen verum est, possum enim demonstrare indies, & ut dixi, demonstravi *Hagæ Comitibus* publicè, nam licet ligna in Germania nullo ferè pretio habeantur, illa tamen in Sylvis cædi, à carbonariis exari, & nosi sine sumptu, & labore in talem formam deduci debent, quæ cæspitum Hollandicarum pretium superat. Si jam in Hollandia nihil bono publico præstitissem (non pauca autem ei beneficia contribui) tunc vel hoc solo nomine ei commendandus essem, quod tam facilem, & exigui pretii ignem, ejusque applicationem ostenderim, cujus jam ope variæ liquefactiones institui possint, quæ hæcenus magni ignis pretii causa omitti debebant.

Ad Septimum, Quod requisita Mineralia, materialia, reliquaque instrumenta, & vasa in Hollandia non tam bene haberi possint, quàm apud Germanicas Metallifodinas, rursus error est, in fodinis Hungaricis omne plumbum, cujus maxima quantitate indigent, super axe ex Polonia advchitur, satis caro pretio, deficit Nitrum, & Vitriolum sufficiens, pro Aqua Forti, multaue alia intercurrunt impedimenta, quæ in Hollandia non sunt, nam omnia requisita illic majori quantitate, & leviori pretio, quàm in nullis locis Germanicis, & montanis haberi, & comparari possunt, imo aliqua medietate minori pretio, quàm in Hungaria, & Austria, ut sunt Plumbum, Vitriolum, Nitrum, Sulphur, cineres clavellati, quodin causa est, cur aliquæ operationes Metallicæ in Hollandia cum fructu tractari possint, quæ alibi impracticabiles sunt; quod etiam non minima causa fuit, cur Aulam Cæsaream deferendo cum propositione hac in Hollandiam versus contulerim. Instrumenta & Vasa quod attinet, præsertim in igne durabilia, eique resistentia, quæ

quæ in Hollandia non credebantur reperibilia, atque comparabilia, illa *Roterodami* in tantâ perfectione præparari curavi, ut vitrum ex arena, & plumbo confectum, quod alias, ut notum est, vasa facillimè in fluxu perforat, septem, vel decem horas in continuo fluxu illæsa ferverint, *Passaviensibus*, & *Syburgensibus* vasis non cedentia. Adeò quod etiam hæc difficultas circa vasa in Hollandia sublata sit. Nunc cum nihil amplius Objectionum superfit, quod non sufficienter solverim, *Corollarium quoddam obstaculum*, adhuc prævideo, nempe communem Vulgi contra artē productum aurum protestationem, tale sc. aurum non esse verum, & probatum, sed adulteratum, quod in Proba non subsistat, ad quod paucis respondeo, non hic esse loci, neque instituti mei probas Romani Imperii circa Aurum in Cupella & aqua forti consistentes, num veræ auri existentia probandæ sufficiant, nec ne, examinare, neque me latere, non omne, quod in aqua forti remanet, aurum esse, nisi denuò in Cupella probetur, & persistat, quod si ferat, pro auro pronuntiari debere, communis totius Europæ consensus probat, ita quod neminem illa particularis observatio *Alexandri Sûchtenii* de Auro, ex Antimonio producto, turbare debeât; *A particulari enim ad universale non valet consequentia*. Aurum autem, quod ex hac mea arenaria Minera producitur, optimæ, & probatissimæ notæ aurum est, & permanet, præsertim, si principia ad plenam Metalleitatem requisita, omnia probè concurrerint.

Primo Concludo, Authoris opus areanarium est in magno practicabile, facilius quam in parvo.

Secundo, Utilius, leviori labore, minori sumptu, & apparatus tractabile, quàm Metallifodinæ ordinariæ.

Tertio, Argentum, vel Aurum, quod huic labori

H

appli-

applicatur, non deterioratur, vel imminuitur, sed augmentatur, & melioratur.

Quarto, Apparatus, locus, Salarium, Operarii, ignis, instrumenta, materialia, omniaque ad hoc opus requisita, sunt in Hollandia in tanta quantitate, & tam bono pretio, quàm in ulla Mundi parte.

Ex quibus nullus prudens justam rationem arripit decidendi, quod hæc Operatio in Hollandia impracticabilis sit, quin imò Hollandi, qui aliter judicant, *sibi, & propriæ suæ Patriæ maximam injuriam inferunt*, dum illam tanti beneficii incapacem pronuntiant, cujus tamen, ut dictum, *præ omnibus Mundi partibus capacissima est.*

L I T. I.

Cum quali Utilitate hæc Propositio exerceri queat.

HOC videri potest ex adjuncto Documento Lit. K. quod nempe si unus As Auri (paulò minus uno grano) indies ex una Marca argenti producat, id annuatim unum integrum Capitale constituat, adeò quod millio Imperialium impensa, & taliter tractata, annuatim salvo Capitali, & subtractis omnibus sumptibus, rursus unam Millionem lucretur, sed ut hoc clarius ob oculos ponam, suppono Valorem unius Marcæ Argenti, juxta modernum Cursum, se extendere ad decem Imperiales, si jam talis Marca Argenti, Hebdomadatim unum ducatum lucri in auro reddat, tunc in quinque Septimanis, dabit quinque ducatos, nempe unum lothorem auri, consequenter in 50. Septimanis, pro uno anno reputatis, quinquaginta ducatos, nempe decies quinque ducatos, cum itaque quinque ducati æqui-
pon-

ponderent pretium unius Marcæ, tanquam suppositi Capitalis, decies quinque ducati constituent *decem Capitalia, quæ ex uno Capitali in anno taliter lucrari possunt*, si jam Marca Argenti juxta hunc computum, quavis septimana ducatum reddere debet, & ducatus, ut notum est, septuaginta duos Asses ponderet, tunc si septimanam in sex dies dividamus, quilibet dies *duodecim Asses* exponere debet; jam si, ut proposui, unum saltem Capitale lucri exigat, hinc quolibet die circiter *unum, & medium As una Marca* expendere debebit. Quis jam in Chymicis, & Alchymicis, tam expertus est, ut hoc vel præstare non possit, vel non præstari posse existimet, ego sane quasi ludendo, plusquam triginta modos indicare possum, quibus non tantummodo, sed pluris præstatur nempe non in marcam modo, sed in quemlibet lothonem unus As, cujus specimen hîc publicè indicare possem, si nō contemptorum potius, quàm amatorum habenda ratio esset. Sed objicies, quis Argentum semper ob tam exiguam auri quantitatem separabit, quis scit, num argentum aliquoties sic tractatum, & separatum, rursus ad eundem laborem valeat, & non imminuatur, seu viribus destituatur. Ad quod respondeo, si Aurum hac arte ex Argento productum, ex corpore Argenti substantiam participaret, tunc hæc Objectio locum haberet, Argentum enim necessario imminui deberet, nempe tantum, quantum in Aurum mutatum esset. Quæ quidem imminutio nō damnosa, sed utilis foret, si nempe illud, quod imminuitur, in aurum transmutetur, sed prætereamus hæc, & supponamus argentum non ut Principium consubstantiale, ad hanc nostram Auri texturam, sed tantum, ut Matricem, & receptaculum concurrere, unde sequitur, illud non modo suâ substantiâ semper integrum mansurum, verum

etiam frequenti conceptione aureoque embryo-
 irradiari, perfici, & totâ suâ substantiâ ad dispositio-
 nem Auri meliùs habilitari, æque ac Matrices Ani-
 malium per frequentes conceptiones ad fertilitatem
 habilitantur ; verùm ut nodum hujus Objectionis
 uno prorsus ictu dissolvam, dico, Argento ad hanc
 meam propositionem planè essentialiter non opus
 esse, & nihilominus eundem effectum sequi ; cum
 plumbum idem præstare possit, quod Argentum, li-
 cet non tam succinctè, & expeditè.

Hiscæ sic propositis, facilè considerari potest, quid
 talis propositio cuidam Imperio, Regno, Provinciæ,
 & Reipublicæ publicè, & privatim, œconomicè, &
 politicè prodesse possit, quantâ cum securitate,
 quanto cum emolumento, & quanta cum Præ-
 rogativâ.

Primò enim applicatum capitale semper in sal-
 vo in illâ substantiâ, in propria potestate, & loco
 permanet, singulisque horis haberi potest, quod de
 nullo alio capitali dicere possumus, quocunque mo-
 do pro interesse expositum.

Secundò, Interesse, effectus, & redditus, qui ex tali
 capitali lucrifunt, non commercia, non manufactu-
 ræ sunt, quibus cum negotiari, & magno prius labo-
 re & periculo in monetam convertere, operosaque
 mercaturâ transmutare oportet, sed hic in nostro
 opere, effectus AURUM est, omni loco vendibile,
 cui proinde non opus *suspensâ Hederâ*.

Tertiò, Quantum intersit Reipublicæ, incolarum
 pecunias, & facultates semper paratas in loco conser-
 vare, ipsis notum est, qui bonum publicum curant,
 hinc loca publica inventa vulgò BANCA, in quibus
 quilibet superfluas suas pecunias pro certis, licet exi-
 guo quodam interesse deponere potest, quæ pecu-
 niæ deinde rursus sive ad mercaturam, sive alios u-
 sus

fus applicantur, ut lucrum inde capiatur, & interesse perfolvi possint; Sic ipsi Reges, Principes, & Republicæ non rarò ex ejusmodi locis seu Bancis capitalia pro non exiguo interesse levare coguntur, magno certo deponentium periculo, *sive enim pecunia tua non confidas Banco, sive Excusationi, sive Mercatura, sive manufactura, sive navigationi, sive negotiationi, sive Cambiis, res omnis in incerto est, pecunia extraneam potestatem, & manum est*; Taceo quod in quibusdam Provinciis, subditi, tanquam onere publico interesse solvere cogantur, istius summæ capitalis, quam ne quidem semel illi, sed illorum Domini excipiunt, quanto jam non hâc meâ propositione omnia hæc majori compendio, & commodò fieri possent, securitate & utilitate, tam Magistratuum, quàm incolarum, nec intranea modò capitalia conservari, verum extranea taliter allici possint; *Fundemus enim Bancum, unius vel alterius millionis supra meam Propositionem, si interesse æquabit unum Capitale, ut propositum est, tunc depositoribus, sive Capitalium Dominiis, sine incommodo decem, vel viginti interesse pro Centum proficeret, & tamen Domini Banci adhuc octoginta per Centum, idque ex aliorum Capitalibus gratis habere possunt, accedit ad hoc, quod Capitale sit semper in salvo, in substantia, & loco, & in propria depositorum potestate, unde singulis septimanis, imò singulis diebus, vel horis, Capitale suum pro libitu habere possunt, quod in nullo alio Banco totius mundi contingere potest, vel solet, utpote omnium, more communi vicissitudinibus, & periculis subjecto.*

Quartò, Si Directores Banci ista octoginta, vel nonaginta, quæ ex aliorum pecunia, & hâc propositione lucrantur, in ærarium quoddam publicum conferre velint, nonne brevi temporis spatio ingentem pecuniæ summam colligere possent, variis casibus

profuturam, ad eò quod hæc propositio non modò
his inserviat, qui pecunias suas deponere velint, lu-
 crando 10. vel 20. per Centum, & habendo tantam
 securitatem, ac repetendi pecunias facultatem, & li-
 bertatem quocunque tempore, verum etiam *is*, qui
 Bancum, vel talem depositam pecuniam dirigunt, e-
 jusque curam gerunt, *hi enim aliorum pecuniis toti-*
dem lucrantur, pecuniam in Patria conservant, & au-
gent, perpetuumque Ærarium in omnem eventum si-
ne Subditorum incommodo fundare, Subditisque ex-
traordinariis aggravationibus parcere possunt. Unde,

1. Concludo, propositio hæc est necessarium Re-
 gale, pro quolibet Statu, & Regimine.

2. Valde officiosa, & utilis.

3. Hinc considerabilis, & digna hisce temporibus
 amplecti, & foveri.

4. Unicum securum fundamentum considerabi-
 le, Ærarium & Bancum, brevi, sine sumptu erigendi,
 & conservandi.

Ex quibus denuò liquet, Propositionem hanc præ-
 senti Hollandici Status conditioni, minimè incon-
 gruam esse, verum optime quadrare, nisi corpus su-
 um politicum *enerve* esse, studio velint, *nervus enim*
verum gerendarum est pecunia.

LIT. K.

COMPUTATIO.

Vele videns Probatio, quod Assis Aurii
in Marcâ Argenti quotidie produ-
ctus quotannis Centum pro Cen-
tum reddat, nimirum omnibus im-
pendis deductis, & quod illud Argen-
tum semper maneat in sua Quantita-
te, &

te, & Qualitate, ideoq; semper commodum, & huic Operationi perficiendæ idoneum sit, inde infertur, Capitalem summam Centenarum millium Marcarum Argenti, quæ Centum Myriades Imperialium efficiunt, quotannis priori modo Tractatam Centum pro Centum, nimirum Centum Myriades, seu Millionem lucri reddere, quod propositum fuit.

UThæc quinquies centena millia Ducatorum producantur, Capitale Centenarum millium Marcarum Argenti requiritur, ex unaquaque igitur Marca argenti quotannis provenire debent 5. Ducati, Si igitur annus in quinquaginta Septimanas dividatur, & inter eas quinque Ducati distribuuntur, singulis Decadibus Septimanarum Ducatus unus ex Marca Argenti proveniat, necesse est, & hâc ratione intra 50 hebdomadas proveniunt quinque Ducati, nempe Centum interesse per Centum ex una marca argenti, & sic pro ratione summæ, & centenarum millium marcarum argenti, quinquies centena millia Ducatorum.

Si autem aves scire, quantum ex singulis marcis argenti quotidie provenire debeat, pone Septimanam esse 6. dierum, deinde multiplica 10. Septim. numero 6. prodibit numerus 60. dierum, intra quod temporis spatium marca Argenti Ducatum reddere debet.

Si itaque ex Marca argenti Germanicum tantum Granum quotidie consequar, intra Sexaginta dies ascendet ad Sexaginta grana vel 80. Asses quod quotidie 1½ Ass. requirit.

Quapropter inquam, quod si in unamquamq; Marcâ Argenti quotidie granum vel $1\frac{1}{3}$ Assis Auri inferatur, intra quinquaginta septimanas, sex diebus in singulas hebdomatas computatis, ad $7812\frac{1}{2}$ Marcas Auri augebitur. Ex singulis Marcis Auri septuaginta uno Ducatis excusis, facit $554687\frac{1}{2}$ Ducatos, ex unaquaque igitur Marcâ Argenti hoc modo, si quotidie $1\frac{1}{3}$ Assis Auri extrahatur, efficiet quotannis lucrum 500000. Ducatorum, quod evidenter demonstratū est, remanentq; $54687\frac{1}{2}$ Ducati.

Quæ summa, requisitis impensis 78 Interesse de 6. pro centum deductis, ad sexaginta millia Imperialiū ascendit, reliquosque sumptus eò magis subleuat.

Ducatus pendet quinquaginta quatuor grana, sive septuaginta duos Asses.

Ducato quinque, & quinquaginta granis ascriptis, marca septuaginta unum Ducatos conficiet, remanentibus 6. granis.

In Ducatum septuaginta duobus Assibus computatis, ex marca provenient unus, & septuaginta Ducati, remanentibus 8. respondet itaq; cum priori calculo.

Unus Assis Auri sumitur hic pro $1\frac{1}{2}$ Stüvers vel denarii. & secundum hanc computationem Ducatus valet 2. Imperiales & 8. Stüvers.

Granū Auri juxta hunc valorem est netto 2. Stüver. *Supradictam Computationem secundum præscriptum Capitale ego infra scriptus examinavi, & probam exactam deprehendi.*

Sieuvvert Jansz Amstelodamensis Docimasta juratus.

LIT. L.

Attestatio super Probâ præliminari.

Ego infra scriptus, publicè hîc constitutus Docimasta Amstelodamensis, tenore hujus attestor, me à DD. Johanne Joachimo Bechero Cæsar. Majest.

à Con-

à Conſiliis Cameræ, accepiffe duas uncias Argenti,
auri expertis, quas cum certo quodam vitro fulorio,
æqualis gravitatis, 3. horas liquefecit, Argentoque de
pondere ſuo nihil deceſſit, iſtudque in Aqua forti ſe-
parando 1½ aſſem auri inveni, & Marca reddit 6. Aſſes
ſupra dictum autem Vitrum ſecundum præſcriptum
ſupradiſti D. Becheri ex arenâ ipſe confeci, & affir-
mare poſſum, nihil Auri acceſſiſſe. Operique manus
admovi ſolus. Actum Amſtelodami ad xvi. Calend.
Martii 1679. *LAWRENTZ KEERWOLF.*

Anno ſupra milleſimum ſexcentefimum ſeptuage-
ſimo nono ad D. Mercurii 11. Cal. April. ſequentia
ſpecimina ſecūdum præſcriptum Nobiliſſ. D. D. Be-
cheri, *Caſar* Maj. Conſil. præſentibus Nobiliſſimis
D. D. Hudde, Conſule Amſtelodamenſi, & D. ten
Hove Penſionario Harlemenſi, tanquam conſtitutis
Commiſſariis Nobiliſſ. Præpotentium Dominorum
Ordinum Hollandiæ, & Weſt-Friſiæ, ad Uſtrinam, à
Laurentio Keervolf admiſſo Docimaſta Amſtelo-
damenſi, in Platea Vitulorū in ædibus ejus ſunt facta.

Primo arena vulgaris, quâ noſtrates Ancillæ ad de-
fricanda vaſa utuntur, cum requiſitis Materialibus in
certa Proportionem coram ſupradiſtis Dn. Commiſ-
ſariis à Docimaſta Keervolf vitrificata fuit.

Secundo, tale vitrum cum & ſine Argento tractatū
fuit, cum *Argenti* tractatum juxta propoſitionem ex
Marca reddidit 6. Aſſes auri, ſine *Argenti* tractatum ex
Marca dedit dimidium aſſis auri, & de Scoriiis in re-
ducendo Vitro relictis, marca reddidit 5. Aſſes, quæ
conſimiliter aliquid auri ad mixtum habebant.

Hæc tria ſupradiſta ſpecimina intra unum diem e-
dita, intra 6. dies, ſecundum proportionem centum
marcarum, reddere poſſent.

Primum cum Argento ter mille ſexcentos Aſſes auri.
Secundum ſine Argento trecentos Aſſes auri.

Tertium de Scoriiis tria Millia Aſſium Argenti, au-

rum in se continentis, quorum tertia pars facillè Aurum est.

Computatio Specialis

AD

*Confirmandam Computationem
priorem.*

1. **D**Uæ uncia Argenti cum Vitro tractatæ reddunt $1\frac{1}{2}$ Assem Auri, à Marca expectari possunt 6. Asses, centum Marcæ intra diem subministrant sexcentos Asses, intra 6. dies ter mille & sexcentos Asses.

2. Marca de reducta massâ reddebat novem grana Argenti, quæ Aquafortis non invadebat, in Proba $\frac{1}{2}$ Assis Auri reddebat, centum Marcæ igitur intra diem reddunt quinquaginta Asses, intra 6. dies trecentos Asses.

NB. Anglici auri pondus de scoriis reddebat $\frac{1}{4}$ grani Argenti, Auri non parùm admixtum habentis, decem Anglicos in semiunciam ratione ponderis computatos reddunt duo cum dimidio grana Argenti, ergo Marca subministrat quadraginta grana, sunt quinque Asses, itaque centum Marcæ intra diem quingentos asses, intra 6. dies vero tria millia Assium dabunt.

Lorentz Keerwvolf.

Sciendum à quibusdam privatis, Probam quandam hujus operis cum quadraginta Marcis Argenti jamdudum in Hollandia factam fuisse, inque operatione 32. Engels Auri inibi inventum, ita ut ejusmodi opus ultra alterum tantum reddat. Plures attestationes si desideres, vide sis majorem de hac re deductio-

deductionem edituram. Et quæ in arenâ Anglicanâ ac Americanâ tentata sunt.

Ipse *Braunsteinus Generalis Hollandorum Docimasta*, si serio interrogetur, non negabit, se Veritatem in Arte hâc invenisse, dolere tantummodo, sibi non semper æqualiter succedere (quod certè sibi non Arti imputet) quod etiam ingenuè confessus est, cum ad instantiam Eminentissimi D. Electoris Colonienfis, Celsissimi Principis Auriaci Personæ Medicus Doct. *Rump* tunc valde Valetudinarius, D. *Christianum Harel*, Sereniss. Magnæ Britanniae Regis Pharmacopœum Aulicum, ad ipsum serio quæsitum mitteret, tum temporis Hagæ Comitis præsentem, quid de hac Arte censeret, tunc idem respondit, ut antedictum est, quod mihi ipsi D. *Harel*, Vir ingenuus, Veritatis, & Philosophiæ amans, insuper humanus, cujus Hospitalitatem jam etiamnum Londini quotidie experior, retulit.

Quoniam verò Praxis, & res ipsa melius, & solidius, quàm testimonia & scripta veritatem demonstrant, tunc dico & propono hoc publicè, quod si quis mecum ratione pretii 5000. Imperialium persolvendorum convenerit, pactus & stipulatus fuerit, nec non hanc pecunie summam in tertium quendam, securum locum deposuerit, me ei operationem quandam Alchymicam demonstraturum, mediante quâ summam Capitalem annuatim cum cento per cento interesse augere poterit, salvâ capitali summâ, eaque semper ad manus præsentem, & lucro bonum aurum existente, estque hæc operatio in magno possibilis, practicabilis, nec multis circumstantiis & ambagibus indigens.

L I T. M.

T R A N S U M P T U M

*Ex Actis Dom. Ordinum Hollandia,
& West-Frisia, in eorum Nobiliss. Præ-
potent. Congregatione habita ad D.
Jovis III. Calend.
April. 1679.*

Dominus Pensionarius *ten Hove* congregatis Ordinibus retulit, quod Dn. Nobiliss. Præpotentes sibi Domino *ten Hove* simul & Dn. *Huddi* Consuli, inhærentes Decreto facto ad Dn. II. Nonar, Maii 1678. in mandatis dedissent, ut specimen sibi edi curarent Medii istius, quod à Dn. *Johanne Joachimo Bechero* Cæsar. Majest. Consiliario Cameræ, propositum fuisset, sicut de hisce in Notulis à 27. April præcedentis Anni 1678. prolixius facta est mentio.

Quod supradictus Dn. BECHERUS Nobiliss. Præpotentium Commissariis notum fecisset, se nunc paratum esse, ad specimen quoddam, Propositionis suæ factæ, edendum, in ea proportionem, ut tricesima pars illius, tricesimam partem Centum Myriadum Imperialium, secundum propositionem suam factam quotannis pro lucro redditura esset, & quidem ad hoc centum, & undecim cum dimidia Marcas Argenti adhibendas esse. Dn. BECHERUM spe motum perveniendi ad faciendum specimen supradictum centum & undecim cum dimidia Marcarum, antedictis Dominis Nobiliss. Præpotent. Commissariis obtulisse, quod Experimentum, vel specimen

Propo-

Propositionis suæ factæ, in parvo, in eorum Præsentia, attamen fide data de non divulgando, factururus esset, *id quoque realiter præstisse*, nimirum ex Arena ad supranominatam Operationem cum additione diverforum aliorum Materialium, & imprimis Argenti, tantum Auri uno die extractum fuisse, ut secundum eandem proportionem Marca Argenti 6. Asses Auri singulis diebus redderet, ita ut si de 6. modo nominatis Assibus quinque in sumptus deputentur, & sextum solummodò lucri loco esset, Dn. BECHERI propositio hoc modo pro vera habenda esset, si modò Proba in magno eandem Operationem sortiretur, & quidem usu, & ope supradicti Argenti, summa Capitalis præter omnes impensas intra Anni spatium duplicari possit. Cum igitur prænominati Dnn. Commissarii existimarent, supradictum experimentum per peritos in modum Anti-Probæ secretò repetendum esse, experti fuerunt prædictam Operationem (postquam à quodam hujus Provinciæ stipendiario jurato Hagæ Comitum, eodem, quo Amstelodami editum erat, modo factum fuisset coram sæpe nominatis Dominis Nobiliss. Præpotent. Ordinum Commissariis) NB. *Amstelodamensi respondere*, simulque demonstratum fuit, quod mediante Argento in supradicta operatione uno die sex asses Auri inventi fuissent in Marca Argenti. Cum igitur hac de re deliberatum fuisset, visum fuit, ut magna Proba cum centum, & undecim cum dimida Marcis Argenti institueretur, Dominique Nobiliss. Præpot. delegati Consilarii rogarentur atque plenitudine potestatis instruerentur, siquidem illi hac vice rogantur, atque plena potestate instruuntur ad curandum, ut Dominis sæpe nominatis Nobiliss. Præpotent. Commissar. de supradicto Argento ad magnam probam prospiceretur.

Concordat cum priori Decreto,

LIT.

L I T. N.
 T R A N S U M P T U M
*Ex Actis Dominorum Ordinum
 Hollandiæ, & West-Frisiæ, in eorum
 Nobiliss. Præpotentium Congregatione
 ad D. III. Cal. April.*

1678.

DN. Pensionarius ten Hove in congregatione retulit, quod Dnn. Nobiliss. Præpotent. Commissarii ad parendum, & exequendum eorum Commissoriale Decretum factum sub dato d. 17. hujus currentis Mensis examinassent, & inquisivissent in Propositionis Articulos, quos Dn. *Johann. Joach. Becherus* Cæs. Majest. Consiliarius Camerae Nobiliss. & Præpot. Ord. exhibuisset ratione præstationis propositionis suæ ipsis factæ, de qua in Notulis sub dato d. 27. Apr. relatio plenè facta est, quod quidem non parati essent ad satisfaciendum Nobiliss. & Præpotent. Dominis Ord. in omnibus supra nominatis articulis cum ipsis super nonnullis antedictis articulis ante relationem, Domini Becheri mens aliquanto plenius cognoscenda esset, ad quod verò ipsis neque otium neque opportunitas hætenus fuisset. Postquam autem illi ad instantiam nominati Dn. Becheri ultimum ex ejus laudatis Articulis examinassent, & operationem vidissent, quam sæpèdictus Dn. Becherus in eorum præsentia in parvo secundum tenorem propositionis suæ fecerat, *consimiliter illud, quod Anti-proba sequuta fuisset*, & hodie in congregatione ulterius relatum fuisset, visum fuit, ut si operatio cū additione centum & undecim

cum

cum dimidiâ Marcarum Argenti, quæ tricesimam partem Tricesimæ partis Millionis Imperialium producit, ejusmodi effectum fortiretur, ut inde certo deprehenderetur, secundum tenorem D. *Becheri* Propositionis in operatione supranominatarum centum & undecim cum dimidiâ Marcarum Argenti, deductis impensis Assen Auri in Marcam Argenti quotidie inferri & ejusmodi Capitale Argenti, quod huic rei adhibetur, intra annum virtute antedictæ Operationis duplicari posse, tunc supra nominato D. *Bechero certa pecuniæ summa ad rationem promissi præmii* daretur, *quo impensas suppeditare, seque sustentare posset*, cum Dn. *Becherus* magnum Opus tricesimæ partis Millionis Imperialium perficeret. Cum igitur hac de re deliberatum fuisset, visum fuit, ut Dnn. Nobiliss. Præpotent. Ordin. delegati Consilij rogarentur, & potestate instruerentur, si quidem hoc modo rogantur, & potestate instruuntur, cum relationem antedict. Dnn. Nobiliss. Præpotent. Ordin. Commissariorum de eventu Probæ, cum centum, & undecim cum dimidiâ Marcis faciendæ audivissent, si ex sententia, ut antea res succederet, Dn. *Bechero* notabilem (10000 Flor.) pecuniæ summam in defalcationem promissi præmii subministrandi. Sed quod tunc Dn. *Becherus* intra trium Mensium spatium in se suscipiat, postquam antedictam Probam cū III¹/₂ Marcis Argenti præstiterit, apparatus ad magnum illud opus integræ tricesimæ partis unius Millionis Imperialium facere, ut Propositionem suam in effectum realiter producere queat.

Concordat cum priori Decreto.

LIT. O.

Obligatio Dominorum Præpotent. Ordinum Hollandiæ & West-Frisiæ.

ORdo Equestris, Nobiles, & Civitates Provinciarum Hollandiæ & West-Frisiæ, Ordines illarum Provinciarum repræsentantes, auditâ Dominorum Nobiliss. Præpotent. Ordin. Commissariorum relatione, Commissoriali Consulto ad D. II. X. Calend. Apr. factò inhærentes, idemque executuri propositionem, quàm Dn. *Joh. Joach. Becherus* Cæs. Majest. Consiliarius, Nobiliss. Præpotent. Ord. ante aliquod temporis spatium fecit, examinarunt, in hoc consistentem, quod antedictus Dn. *Becherus* obtulit, sese suppeditaturum, & manifestaturum esse certum Medicum, quo pecuniæ summa non aspernenda, & quidem ex facili centum Myriades Imperialium quòtannis comparari possent, sine ullo onere, Personis, vel Mercibus, aut Prædiis imponendo, & consequenter, quod in nulla præstatione sive Personali, sive Patrimoniali consisteret, sed in Jure Regali, Dn. Nobiliss. Præpotent. Ord. sibi vindicare possent, à nemine hætenus in Hollandia possessum, vel usurpatum, nulliusque vivendi rationi, vel Reditibus præjudicans, auditò quoque Dn. supradicti *Becheri* desiderio ejus, quod postulaturus esset, si post factam revelationem ejusmodi Medium Nobiliss. Præpotentib. Ord. acceptandum videretur, ipsis, revelatione factâ, ejusmodi Medium amplectendum inque effectum sive in totum, sive in tantum, quomodocunque tempore id fieret, deducendum visum fuit, tunc sæpe dictus Dn. *Becherus*, ejus Hæredes, aut ab eo hæc habentes, de primis redditibus, deductis impensis, & tō Interfese Pecuniarum, quæ in nominatum medium sunt impendendæ, secundum proportionem de sex procentum

tum habiturus, & accepturus sit *Quinquaginta millia Imperialium* pro primo, pro secundo, *duo quotannis pro centum* itidem ex lucro, quod ex dicto Medio, deductis omnibus impensis & *τῷ* Interesse pecuniarum, quæ impensæ fuerunt provenerit, quamdiu Nobiliss. Præpotent. Ordin. visum fuit, supradictum Medium vel in totum vel in tantum in usum deducere, & conservare, & sæpe nominato Dn. *Bechero* in Abaco qui ad prosequendum supradictum Medium erigi debet, *duos Viros* constituere liceat, qui observaturi sint, quodnam lucrum ex prædicto Medio producat, Nobilissimique Præpotentes Ordines commodum hujus Operationis sine ulla mora ad Dn. *Becherum*, ejus Hæredes, aut ab eo jus habentes redundare patientur. Actum Hagæ Comitum sub Provinciarum Sigillo ad D. V. Calend. Mai. 1678.

Ex Mandato Ordinum, *Simon van Beaumont*.

CONCLUSIO,

Quomodo res Hagæ Comitum successerit, & quare Dr. Becherus discesserit.

IN Rebus publicis quidem interdum promissa melius, quàm in Monarcharum Aulis præstari solent, sed è contrário expedienda eò diutius protrahuntur, & minus gratitudinis adest, nam cum nulla successio ibi locum habeat, sed per multos Proceres omnia peragantur, plerumque evenit, ut, *Quæ ad omnes pertinent, a singulis negligantur, Quot capita, tot Sensus* inde etiam Vota in contraria scinduntur, Factionesque oriuntur, quidam negotia intelligunt, & ea promovent, quidam ea non intelligunt, ideoque impediunt, adhæc in tanta multitudine vix aliquid celari potest, vulgusque nimiam gaudet libertate loquendi, & censendi; non dico ejusmodi vitiiis Bata-

vorum Rempublicam laborare, sed id solum dicam, me in meâ causâ duo sequentia cum magno meo damno expertum fuisse.

Primo maximam partem Propositionis, & Personam meam hominibus incognitam esse, proptereaque ex *innata & usitata Belgica libertate loquendi*, vel potius *calumniandi*, tam absurdè, & falsè de ea judicarunt, ut me pudere oportuerit, summoque affecisset dolore, nisi eos quoque consimilia Dictoria in Primores, imò ipsos eorum Magistratus effutientes audivissem, interim tamen rumor dispergitur, & hic locum obtinet, (*calumniare audacter, semper aliquid heret.*)

Secundo, Docimastræ in Hollandia ægrè ferre possunt, ut aliquis alius, in primis Germanus, præter illos aliquam in Metallicis Scientiam habeat, imò audivi, quod uni, atque alteri *Docimastræ Belgico*, suam saltem nationem admiranti, omnes Metallici & Fusores Hungari, & Germani adeò in contemptum venerint, ut præ Belgicis videatur *Stulti, & pueri*, cum tamen illi ipsi, imò Generales illorum Docimastræ in liquefaciendo adeò rudes sint, ut ne quidem mineralium Probam dextrè instituere possint, aut sciant, quomodo adhibenda sit patella vitrificatoria, & quomodo super ea minerales species plumbo imbuedæ, & vitrificandæ sint; Quàm calumniosè Generalis Monetaria Commissarius de *Nisperm*, & Generalis Docimastra *Braunstein Hagæ* Comitum de opere meo loquuti sint, manifestum est, & quomodo cum ejusmodi Hominibus res promoveri possit, facile colligere licet, tali modo Generalis Docimastra Hagæ Comitum totam æstatem inutilibus quæstionibus consumpsit, sibi que ipsi contradixit, ego verò per illum coactus fui sumptus aliquot centum Imperialium facere, & tandem ex defectu mediocorum ad vivendum

dum requisitorum discessum adornare, namque illi in hac commissione diarium fuit constitutum, illiusque parum inter fuit, quamdiu duraret, è converso verò ego in Diversorio commoratus sum, non solum ibi aliquot centum Imperiales persolvi, sed etiam in æs alienum incidi, proptereaque inquietatus fui, quamvis in Hollandia decies tantum mihi debeatur, quantum ego aliis, quia verò in debitis mihi exsolvendis æquitas non administrata fuit, sed etiam me ad solvenda debita aliena, extra Provinciam contracta, incerta, cogere voluerint, Creditoribus meis non alio, quàm eodem solvendi modo satisfacere possum, & sibi imputare debent, quando ipsis non solvitur, dum me extrudunt, & impediunt, quo minus ipsis solvam, ad quod non parum contulit, quod in *Selandia* à Malignis ex proæresimendaciis inductus, & deceptus *sex mille Imperialium*, in Hollandia vero *majoris summa jacturam* fecerim, ne dicam de multis Parasitis, & Adversariis, qui sub prætextu Amicitiae, & Officiorum præstandorum, mihi nocumento fuerunt, interim Amstelodami aliam fortunæ meæ *Malignitatem* expertus sum, dum Familiam meam invasit æstuosa, maligna, & contagiosa Febris, quæ septem Homines è medio sustulit, sic ut illuc me conferre, ibique res meas disponere non potuerim. Quamquam igitur efflagitaverim à D.D. Commissariis, ut pecunia mihi solveretur, eorumque protectionem imploraverim, neutrum tamen horum subsequutum fuit, sed multo magis ab aliis per subornatos persecutione agitatus fui, tandem ipse in morbum delapsus neque Hollandorum edulia, neque gravitatem Cœli diutius sustinere potui, sed necessario Cœlum mihi mutandum fuit, siquidem eventus docuit, quod simulatque hoc factum fuerit, me melius habere cœperim, cum proculdubio aliter gravissimum mor-

bum contraxissem, & interim nihil aliud de omni mea expectatione, & laboribus Hagæ Comitum mihi promittere potuissem, quàm continuam taxationem tum aulicorum, tum Juniorum, cum Docimastis disputationem, nulliusque ponderis pronuntiationem, è converso scientiæ divulgationem, & communicationem pro nihilo, nonnullis extraneis desiderio ejus flagrantibus, Ministris. Quare autem in Angliam concesserim, me moverunt Salubritas Cœli, alia esculenta, & potulenta, alius Populi genius, docti, generosi, & curiosi viri, omnigena arena, & Mineralia, opportunitas faciendi, omni præjudicio remoto, Probam Artis meæ liquefaciendi Arenam, & super eam testimonium consequendi, ad Ordines Hollandiæ eò melius persuadendos, ut tempore instantis Veris opus prosequantur, ubi revertendi animus est, si modò ratione Secretationis, Protectionis, & subsistentiæ, nec non magnâ Probâ ineunda, de qua sollicitavi, certus fuerim. Priusquam autem ex Hollandia in Angliam discessi, hæc *Quatuor* observavi, & præstiti,

1. *Parvam* aliquam præliminarem probam Domini Commissarii Amstelodami edidi, qui tum me absente, neque sciente, per Generalem Docimastam Hagæ Comitum Anti-probam fieri curarunt, Hagensisque Anti-Probam cum Amstelodamensi convenit, & Propositioni meæ consona fuit. Quo facto Dn. Ordines magnam Probam fieri, & si bene succederet, Myriadem Florenorum, mihi in defalcationem Præmii mei stipulati solvendam decreverunt.

2. *Magnam Probam* ducentarum Marcarum Hagæ Comitum in officina Vitriaria coram multis Illustribus, & Præclaris Viris ex Voto feci, cujus effectum adhuc ostendere possum, inde tenore Dominorum Nobil. Præpot. Ordinum Mandati, sollicitavi, ut magna Antiproba quoque institueretur, Voti

autem

autem compos fieri non potui, sed ut omnia sub nomine meo fierent, voluerunt, utrum igitur veriti sint, ne Proba prosperè succedere, & tunc mihi persolvenda essent decem Millia Florenorum, an existimatum fuerit, sine operâ meâ id fieri posse, quando discesserim, me later.

3. *Demonstravi*, & re ipsa ostendi, in Hollandia ad hoc opus omnia requisita, potissimum Vasa ignem ferentia, & ignem ipsum tam vili haberi posse, quàm in Germania apud fodinas, & Ustrinas, imò quam Carbones in media Sylva constent, quod solum remuneratione dignum.

4. *Ante Diceßum meum, Descriptionem, & Processum in parvo, & in Magno, totius operis*, quantum possibile fuit, cum omnibus suis circumstantiis fideliter factam Dnn. Commissariis in scriptis tradidi, qui per Practicum, si meam operam non desiderant, interim in effectum deducere possunt, fortasse autem percipient, se citiùs justo Magistri informationi subduxisse, *Didactro* nec dum persoluto.

Utrum verò posthæc omnia considerata, & præstita, *insipienter, & inconsulto* fecerim, quod ad delectationem in Adversariorum meorum tam indigenarum, quàm extraneorum perire, Hyemem similiter, ut Æstatem inutiliter terere, Scientiam prostituere, totamque Salutem, Valetudinem, & Familiam meam propterea negligere, & perdere ulterius

noluerim, *Lectori studio Partium incorrupto*, judicandum relinquo.

F I N I S.



Postmonitio.

Quemadmodum non sine *Præmonitione* hanc *Mineram Arenariam* ingressi sumus, ita æquū est, ut etiam cum *Postmonitione* egrediamur, Quæ in *duobus Punctis* consistit.

Primò, Ne Lector existimet in hoc tractatu quicquam sine sufficienti prævia Theoria, & Praxi scriptum, & traditum esse, prout Commentarius supra *Secreto Cuniculos Amicis reservatus*, & nonnullis communicatus abunde demonstrat, Magnam nempe & inexhaustam variorum Secretorum Aurifodina continentem. Id tantum unicum omnibus Amicis, & Secretorum Possessoribus multâ meâ *damnosâ Experimentiâ* compertum Suadeo, ne ulli unquam quoddam Secretum pro pecuniâ vendant, non enim Philosophicum est, maledictionem divinam inducit Operi, scientiam indignis prostituit, & propalat, pœnamque certissimam conjunctam habet. In foro enim Civili Scientiarum venditarum causa litigare, ridiculum est, neque Judex profanus sine Secreti cognitione, & propalatione litem discernere potest. Unde Venditor hoc abhorrens à Causa desistere, si sapiat, eliget, Emptor verò eò obstinatius didactum negabit, varias excusationes facilè prætextans vel quod ipse hanc Artem antea sciverit, vel quod & alii eam calicant, vel quod typis vulgatam invenerit, vel quod non sibi succedat, vel quod aut in Vasis, aut in Materialibus, aut hic, aut alibi, aut in parvo, aut in magno hæreat. Insuper cum nullus pecuniam sit perso-

perfoluturus, qui non artem prius cognitam habuerit, eamque exploraverit, Secretum rei tanquam certum pignus ei in Manus tradendum est, cum interea Venditor, antidori loco inanem quandam consignatam chartam habeat, unde nihil utilitatis, nisi quod ab emptore beneficii loco convitia, & malefacta certo expectanda sint. Et ne Lector existimet, me hæc sine Experientia scribere, monstrabo ipsi originales Munitissimos, in vario genere Secretorum cum Hollandis, ad ducenta Millia Florenorum, initos contractus, quos omnes ex mea parte præstiti, ex alterâ vero contrahentium parte præter convitia & maledicta ne obulum habui, insuper ratione sumptuum circa Demonstrationem, & temporis moram aliquot millia de proprio perdidit. Unde illud Ovidii merito in me quadrat.

*Hæc ego si Monitor, monitus prius ipse fuisset,
In qua deberem forsitan urbe forem.*

Secundò, Tantum ex Praxi Aulicâ didici, quod sciam non minus ibi, quàm alibi veritatem semper mendaciis, puritatem nempe cum Nebulis, interna cum externis, essentialia cum accidentalibus confusa esse. Falsitatem quoque cum major semper in hominibus sit, quam veritas, eidem prædominari, quanquam quoque in mei consolationem hoc me non lateat, quod Veritas licet appareat exigua, ut fortior tamen falsitati semper tandem prædominetur. Hoc unico tamen suis cultoribus molesta, quod & tardè in defensionem in lucem prodeat, & à paucis deinde percipiatur, cum interim falsitas Rumore vano, & copioso totas regiones, & Aulas perstrepat, plurimorumque animos præoccupaverit. Id quoque propria Experientia scribo, quas enim non fa-

bulas de me *Monachii*, aliquando circa Religionem
 iparserunt, quarum nullitatem postea effectus dete-
 xit? Quale Crimen læsæ Majestatis mihi Viennæ Sy-
 cophantiosè imputari voluit, cum de imperio Ro-
 mano optimè meritis essem, prout ipsius Cæsaris,
 Vice-Cancellarii Imperii, multorum Electorum, &
 Principum ad me conscriptæ literæ testantur, in qui-
 bus præstita mea officia commendant, & laudant.
 Nunc me quoque non latet, cum scriptum hoc in
 Hollandiam pervenerit, id omnium in me animos
 adversos reperturum, nempe quoniam, malignorum
 conatum & laqueos eluserim, quoniam Artem con-
 temnunt, quam ignorant, quoniam Mercatores Solis
 æruscationibus, & exactiōibus ditescere assueti, sa-
 niora consilia, & remedia formidant. Hinc rem seri-
 am in ludicram transmutant, in scenam & lusus publi-
 cos producunt, ut lippis jam & tonsoribus notum est,
 alii verò viri graves, ignorantiam hujus rei prætex-
 tant, alios ejus pudet, vel tædet. Ausim proinde asse-
 re quod in tanta ingeniorum varietate, & præoccu-
 patione falsâ, paucissimi ei ut, lique non nisi Philoso-
 phi, qui scripturam hoc & intelligent, & æstimabunt, &
 gratissime suscipient, avidissimeque legent, atque ex-
 perientur, veritatemque agnoscent & defendent.

*Qui pauci sunt, sed paucis possum esse beatus,
 Nimirum pauca in Terris Deus optima gignit.
 Hos reverenter Adi & Merces his exere nostras,
 Quas si laudârint, satis est, quid cætera dicat
 Turba, parùm cura & vulgi convicia ride.
 Stulta placent stultis, obsonia quisque palato
 Digna suo querit, non omnibus una voluptas.
 Sed docti atque boni, quæ sunt bona vera ac honesta
 Ascultans a videque legunt, discuntque libenter.
 Hic cibus illorum est, hæc consolatio mentis,*

Talibus

*Talibus ergo Viris, nisi me præsagia fallunt,
Gratus erit labor hic.*

Et tantum circa monita, Physicè & Politicè Alchymiam tractandi

*Quandoquidem in hoc tractatu tot res
ferè contineantur, quod lineæ, opero-
sum foret specialem indicem conten-
torum apponere, placuit itaque gene-
ralem saltem Synopsin principalio-
rum rerum annotare,*

P Ræmonitio, p. 3.

Dedicatio, p. 4.

Præfatio ad Lectorem de Occasione Inventio-
nis, & Propositionis hujus, p. 6.

Introitus seu Historia Physica de hac Minera per-
petua, p. 11. cum documentis Lit. A. B. C. D.
E. F. G. H. I. K. L. M. N. O.

Lit. A. Demonstratio, quod omni argillæ, ex qua
lateres coqui solent, ferrum insit, & aurum, p. 19.

Lit. B. Demonstratio quod in omni pellucidali-
quabili arenâ, aurum lateat, p. 20.

Lit. C. Demonstratio quod omnes terræ, & saxa
sint naturæ Metallicæ, eamque assumant, è contrario,
quod Metalla gaudeant naturâ terreâ, & in illam con-
verti possint, p. 20.

Lit. D. Demonstratio, quod Viennæ duodecies
plus ex Minerâ extraxerim, quantum aliàs more com-
muni, p. 21.

Attestatio Cæsarei Docimastæ super id.
pag. 22.

Liv. E. Historia & Series septem Minerarum perpetuarum artificialium, hæcenus orbi notarum, pag. 24.

Minera Prima, Rochæ Galli, & Marci Antonii de Castagnia, p. 24.

Domini Boylei Observatio circa generationem Stanni p. 25.

Authoris autopsia Vitriolificationis martis, mediante Pyrrite, seu Marchasitâ penes Londinum in Dedford, p. 25.

Minera Secunda, Metallorum ad Solem, & pluviam expositio, vel solutio, vel maceratio in certis liquoribus, eorumque augmentatio, & maturatio, pag. 25.

Minera Tertia, Limi, Arenæ, Lapidum, Cœni & Luti, lavatio, separatio, extractio, p. 28.

Minera Quarta, Metallorum Sulphuratio. 29.

Glauberiana, ejusque Minera perpetua. ibid.

Rosenbergii Transplantatio. ibid.

Montani Historia. ibid.

Cornelii Drebbels operatio. 30.

Historia particularis authentica Authori ad manus & Praxis, p. 30.

Minera Artificialis Verulamiana, cum notis Authoris. p. 31.

Minera Quinta, Igne Potentiali procedens, p. 32.

Canepariana aurigera Minera natura & arte constructa in Cubilibus artis, quemadmodum in terræ cuniculis ab Archeo, cum notis Authoris & duobus experimentis, p. 32.

Glauberi Minera perpetua ex Regulo martis proveniens, pro mercatoribus. 37.

Clavei aqua gradatoria Lunam in Solem mutans, pag. 37.

Augurelli Cæmentum gradatorium, p. 39.

Glau-

Glauberi Minera perpetua ex Sulphure fixo cum
meis annotationibus, p. 39.

Rusticus tributarius perpetuus, seu Sp. Nitri præ-
parati usus, p. 40. 41.

Minera Sexta, Philosophica, mercurialis, augmen-
tationis perpetuæ, p. 41.

Excrescentia Metallorum in Via liquida, & ficca,
arbor Philosophorum, p. 41. seq.

Clavei commendatio hujus Mineræ, & Mercurii
ad eandem requisitio, p. ibid.

Minera Philosophica Claveana, seu augmentatio
perpetua, p. 44

Authoris annotatio, & conciliatio contradictori-
orum apparentium, p. 45.

De Mercurii communis animatione, p. 46.

De Mercurii corporum præparatione, p. 47.

Methodus mercurificandi duplex juxta Suchteni-
um & juxta Gebrum, p. 49.

Glauberi Minera perpetua ex plumbi Sublimati-
one, p. 50.

Triturationis, lotionis, & digestionis vis in mixti-
one, p. 51.

Mercurii Homogenei definitio, juxta septem pro-
prietates, p. 49. 52.

ejus ulus & abusus, p. 53.

Minera particularis perpetua, Claveanæ affinis,
quæ hodie apud quosdam exercetur, Promontori-
um bonæ spei dicta, p. 54. seq.

Minera Physica perpetua Lunaris, & Solaris Lul-
liana, p. 55.

De Differentia argenti vivi vulgaris & Physici,
pag. 57.

De multiplicatione argenti vivi nostri, p. 59.

Proprietas Calcis nominatæ, p. 60.

Multiplicatio ejusdem Calcis, p. ibid.

Reductio

Reductio calcis vivæ in Lunam veram, p. ibid.

Menstrui fœtentis Lulliani Genealogia, p. 61.

Divisio & definitio Mercurii Philosophici, Al-
phaest, Liquoris Virginei & menstrui Meretricii, seu
Circulari Paracelsici, p. 61. seq.

Notata ex Cymbalo aureo, cum Observationi-
bus, & commentationibus Evvaldi Vogelii & Bar-
naudi processu, p. 63. seq.

Minera septima Arenaria, p. 65.

Author conqueritur quàm malè à plebe in Hol-
landia propter eam tractatus, diffamatus, & defraudatus
sit, p. 65. 66. 67. 68.

Minera arena martialis perpetua Becheriana,
pag. 68.

Ex quibus Subjectis Sulphur aureum tingens co-
piosè extrahi possit, & qua methodo in extractione
ejus procedendum? p. 69.

De metallizatione & inductione Sulphuris aurei
in mercurium, p. 74.

De corporificatione, exaltatione, fixatione, & fu-
sione specierum mineræ hujus perpetuæ, n. 80.

Experimentum Grillianum Amstelodamense de
anno 1657. Idem sed correctius p. 82.

Animadversiones practicæ ad præfatum proces-
sum, p. 83.

Melioratio hujus processus juxta meas observati-
ones, p. 84.

Judicium supra hunc processum, p. 85.

Alterum Experimentum quo probatur destru-
ctione & reductione metallorum, ea prorsus trans-
mutari, Domini Tilenii M. D. Francof. 85. seq.

Tertium Experimentum Authoris, p. 86.

Quartum Experimentum Glauberi, p. 86.

Authoris inventio crucibulorum vitrum Saturni
ferentium, 87.

Autho-

Authoris commendatio Vitri ejusque usus. p. 89.

Conversio mineræ septimæ vulgaris in Philosophicam. p. 89.

Conclusio septem minerarum. p. ibid.

Lit. F. Super quo fundamento Physico seu minerali, Propositio hæc Arenaria PP. D. D. Statibus facta, fundetur, siue utrum in Philosophia rationem & locum inveniatur. p. 90. probatur metalla ex partibus tanquam principiis constare, quibus principiis ante combinationem, ubi adhuc auri principia sunt, abundanter reperibilia, quomodo minera perpetua constitui possit?

Lit. G. An propositio authoris etiam in Arena Hollandica locum habeat? p. 94.

Observationes circa lotionem, & amalgamationem, & licet neutra arenæ Hollandicæ conveniat, non tamen inde sequi, in Arenâ Hollandicâ nullum metallum esse, demonstratur. Loca calida nihil faciunt ad aurum, arena Guineensis, circa profunditatem ditior est, quàm superficiem, recensentur rationes. p. 95. 96.

Locus in Persia ubi arena dives auri. p. 98.

Memorabilis Historia de fundo maris aurifero penes littus Guineæ ad ostium fluvii Delmino. p. 98.

Aliquot Experimenta de arena, quibus probatur, aurum inesse. p. 100. seq.

Formam Auri arenæ inesse probatur. p. 102.

De Reactione acidi in alcali. p. 102.

Acidum arenæ & silicum, magna Medicina in febribus malignis sub Auri potabilis nomine. p. 103.

Aqua gradatoria viridis ex arena, Observatio cujusdam rustici, Arena specialis Ulmensis, qua Gallinæ pastæ, aurum exhibent. 104.

Arenam vel silices per se sine alia re, nisi aqua communi, in liquorem & rubrum oleum converti, Vaticinium

cinium de publicatione Alchimiz anno hoc 1680.
pag.105.

Acidi universalis per Universum Orbem diffeminatio , & directio Magnetis juxta ejus tractatum.
p.ead.

Lit.H. An Authoꝝ propositio in Hollandia cum lucro exerceri & practicari possit? pag 107.& seq.

Ponantur , & resolvuntur septem objectiones.
p.107.seq.

Demonstratur, Arenam qualitate & quantitate omnes mineras excedere , & faciliore labore majoreque certitudine coli, p.110.

Ignem in Hollandia pro hoc opere levioris esse pretii, quàm in Germaniâ in ipsis Sylvis. p.111.seq.

Plumbum, Nitrum, Cineres clavellatos, ferrum, aquam fortem, omniaque pro opere aliquo minerali requisita in Hollandia in tantâ quantitate, & tam bono pretio, quam in ullâ parte mundi esse. p.112.

Vasa, ignem , præsertim Vitrum Saturni multum tempus ferentia, in Hollandia quoque sunt parabilia
p.112.seq.

Lit.I. Cum quali Utilitate, publica & privata, hæc propositio exerceri queat? p.114.

Lit.K. Computus Arithmeticus Veritatem Propositionis demonstrat, quod unus Assis auri quotidie in unâ Marcâ Argenti , annuatim centum pro cento reddat, p.118.

Lit.L. Attestatio Ratione probarum quarundam præliminarium, Amsterodami coram Dominis commissariis factarum. p.120.seq.

Lit. M. Resolutio Dominorum Statuum pro magnâ probâ faciendâ, & quod proba in parvo, loco antiprobæ successerit, p.124.

Lit.N. Altera Resolutio D.D. Statuum quod Authori pro sua subsistentia ad interim summam pecuniæ

nia dare, & factâ magna proba, opus in magno ordini velint.

Lit. O. Obligatio D.D. Statuum Hollandiæ & West-Frisiæ, ratione præmii, Authori consignandi, nempe quinquaginta millia Imperialium. 128.

CONCLUSIO.

Synopsis seu Catalogus Secretorum Cuniculorum in hac Minera Arenaria latitantium, illorum causâ qui existimant, me nimum clare scripsisse, & silentium Philosophicum transgressum esse, ut sciant quantum reticuerim.

1. **Q**uod sit lutum, & oleum Metallica natura. p. 19.
2. Vitrificatio & reductio Metallorum ingeniosa quæ? p. 20.
3. Quæ sit Methodus terras subtiliandi? p. 20.
4. Metallorum in Terram reductio summum Magisterium & quale? p. 20. 21.
5. Qualis sit pulvis camentatorius cum quo volatiles minerae funduntur? p. 22.
6. Artificiosa perfumatio, & augmentatio auri, & Argenti, juxta primam mineram, quæ & qualis? p. 24.
7. Spiritus urinae Philosophici ex Vitriolo præparatio, & mirabilis efficacia qualis? p. 26.
8. Sal hoc astrale Vitrioli est Mercuriale, quomodo demonstretur. p. 26 seq.
9. Metallorum artificialis regeneratio, vegetatio, augmentatio, & accretio qualis? p. 27.
10. Qualis sit manipulatio levis, metalla in mineras reducendi? p. eadem.
11. Quomodo error committendus pro Mercurificatione Metallorum obtinenda, p. eadem.
12. Qua-

12. *Quale sit illudlixivium singulare metalla maturans,figens, augmentans, & fusioni idonea reddens?* pag.28.
13. *Qua sit illa urbs cujus lutum, & lapides platearum metalliferi sunt?* p.eadem.
14. *Qua sit illa ingeniosa Methodus Sulphurandi metalla igne continuo?* p.29.
15. *Rosenbergii transplantatio Solis & Luna in Marchasita qualis?* p.eadem.
16. *Memorable experimentum Lune per Sulphurationem in Tincturam conversae, quod?* p.30.
17. *Experimentum speciale Metalla per reverberationem perficiendi, quale?* p.30.
18. *Mirabile experimentum de fuliginis usu circa perfectionem metallorum quale?* p.32.
19. *Quo Experimento demonstrari possit Solem in Oleo vitrioli esse?* p.35.
20. *Quid sit lapis Pyrrmieson, seu Lapis de tribus* p.36.
21. *Quale sit Vitrum rubrum gradatorium Veneris?* p.37.
22. *Quomodo aurum Scoriis Antimonii insit?* p.37.
23. *Qua sit aqua gradatoria Clavei.* p.eadem.
24. *Quomodo impediendum, ne Luna aliquid decedat? Mea specialis Observatio, & Praxis Operationis hujus Claveana, quæ?* p.38.
25. *Cæmentum Augurellianum Quale?* p.39. seq.
26. *Sulphuris conversio in terram fixam, hujusque resolutio in aquam, quomodo fiat?* p.40.
27. *Terra cujuslibet in aquam conversio, quomodo fiat?* p.eadem.
28. *Quomodo Spiritus Nitri præparetur ad maturationem Lune?* p.eadem.
29. *Mercurificatio Solis & Lune quomodo fiat?* p.41.
30. *Qua*

30. *Quæ Secreta circa mineram Sextam Author reticeat.* p. ead.
31. *Quodnam Secretum heic loci Author indigitare videatur?* p. ead. & seq.
32. *Quodnam sit illud corpus* p. 44.
33. *Quomodo detur tale subjectum, ab omni facie heterogenea mundatum, quod Mercurius corporum sit, & tamen non fluidum existat, nota de plumbo Saturni, Martis, & Antimonii.* p. 45.
34. *Quæ Larva Processus Suchteniani.* p. 49.
35. *Difficillima & Secretissima Methodus Gebriana, sublimandi & mercurificandi præcissimis nota ob non intellectam furnum Gebrianum, facillima tamen scienti, sed quomodo?* p. 50.
36. *Mercurius homogeneus quomodo preparandus?* p. 51.
37. *Authoris Commentarius in Barnandi & Fernelii Processum, nec non in Evvaldi Vogelii Caput sextum, de Terra sigente.* p. 53.
38. *Processus hic cum optimo successu, ubi & à quibus laboratus sit, & adhuc laboretur, magna utilitate, & magno persoluto pretio?* p. 54. 55.
39. *Quomodo optimè & facillimè Luna convertatur in Mercurium?* p. 60.
40. *Quomodo mercurio communi aurum embryonale introduci possit, ut Mercurius Philos. fiat?* p. 62.
41. *Quomodo ex mercurio communi suum folium, seu terra extrahatur, ut fiat liquor diaphanus, dictus Achaest?* p. 63.
42. *Quomodo terra mercurialis in statu virgineo reperiatur, lucens, & radians, & tamen non ardens, nec consumens?* p. 63.
43. *Præparatio menstrui foetentis Lulliani, & Circulati Paracelsici qualis?* p. 62.
44. *Concordantia mea Mercurificationis Solis,*

Luna cum, & sine Mercurio communi qualis? maximi momenti opus in 40. Experimentis admirandis consistens. p. eadem.

45. *Quodnam sit illud solvens neutrius Naturæ, nec aqua fortis, nec aqua Regis, quæ fæces terreas non solvat p. 73.*

46. *Preparatio Vera Tincturæ ex Marte & Venere. p. eadem.*

47. *Concordantia ad hanc Sectionem in 25. Realibus Experimentis consistens, ex Marte nimirum & Venere procedendi. p. eadem. & seq.*

48. *Quomodo Urina hominis lucem demonstret. p. 75.*

49. *Qualis sit ille liquor mercurialis diaphanus, gravis adeo? & quomodo preparatus sit? p. 76.*

50. *Quomodo Sulphur ex Sale communi separetur, per larum lustrore admirabile. p. 76.*

51. *Quomodo solo Mercurio, aurum in Salem converti possit, sine ulla alia re? p. 77.*

52. *Quis sit genuinus modus, seu sensus hujus mortui, seu incerationis. p. 78. seq.*

53. *Quomodo Mars facile cum Mercurio amalgametur. p. 79.*

55. *Videatur mea specialis concordantia de his in 11. Experimentis consistens. p. 81.*

56. *Quomodo ista crucibula sint preparata Saturni Vitrum tenentia. p. 87. seq.*

57. *Quid per Indiam intelligat Author. p. 88.*

58. *Expositio hujus admonitionis specialis, quæ p. 88.*

59. *Quæ bona aqua fortis pro separatione accurata. p. 89.*

60. *Quomodo fiat resinatio, & separatio sine Cupella & aqua forti. p. eadem.*

61. *Qui sint cuniculi. p. eadem.*

62. *Vbi sint illa loca principiorum auri copiosa. p. 91*

53. *Mine-*

63. *Minera perpetua ubique reperibilis, quæ* p. 92.

64. *Ubi sit aurifera arena litus in Persia?* p. 98.

65. *Ubi sit ille Rusticus aqua gradatoria.* p. 103.

66. *Quenam Methodus reducendi silices in salem & oleum?* p. eadem.

67. *Sulphur agit in Mercurium nempe acidum in Alkali, hinc magnes in ferrum, nam magnes magis est sulphureus, Marte. Hic verò magis Mercurialis. Omnia Metallatrahuntur ab acidis, acidum quoddam quod Mercurium manifestè, & motu mechanico trahit quodnam?* p. 105.

68. *Quomodo furnus Hollandicus pro igne cum castuibus extructus fuerit.* p. 111. seq.

69. *Quomodo vasa ignem ferentia, præsertim vitrum Saturni, præparentur?* p. 112. 113.

70. *Quale sit particulare, quod centum per centum præstet.* p. 123.

F N I I S.



Theoria & Experientia

DE NOVA

Temporis Dimetiendi Ratione,
& accurata Horologiorum Con-
structione,

*Ad Societatem Regiam Anglicanam in
Collegio Greshamensi Londini,*
Jan. 1680.

Accessit Authoris Index Librorum ab so-
tam editorum, quàm edendorum
adhuc.



Temporis dimetiendi ratio utut
est antiquissima (Hiskiaë enim
tempore jam Sciaterica extitisse
sacra Litera testantur; & quot
annos ante Christum natum pri-
mum Sciatericum Romam ad-
vectum ac emendatum sit, legatur Dn. Zulicher in
præfatione horologii sui Penduli ad DDnn. Status
Hollandiæ) ita ob necessarium & magnum usum
tum in Astronomicis, & gradibus Longitudinis inve-
niendis, tum in civilibus & publicis (hinc in Germa-
nico idiomate Proverbium: Reipublicæ bene con-
stitutæ externum signum Horologium in Turri ac-
cura-

curatè procedēs esse) sēper in consideratione & emē-
 datione, ac proinde sēper varia & multiplex fuit. No-
 tissima quidem & antiquissima temporis dimetiendī
 ratio per solis radios & umbrā fuit, nēpe per gnomo-
 nica & Sciaterica, de quibus fule scripsit P. Kircher
 in Arte magna Lucis & Umbra: Igne quoque faci-
 um & candelarum in hastationibus civilibus, & tor-
 turis criminalibus tempus dimetiri solet; sic Campa-
 nella in Inquisitione Hispanica Neapoli 48. cande-
 las consumptas numeravit, tot enim horas fidiculis
 distentus fuit: Aeris quoque & follium ope varia au-
 tomata confecta, sed minus perfecta; id tamen ob-
 servandum certis quibusdam in locis certisque horis
 ventum observari, ut in fontina Paderbornensi & in
 Navigationibus quotidianum est: Aeris motu Ther-
 moscopia impelluntur, aerisque raritatem & densi-
 tatem demonstrant. Post Sciaterica proximum in usu
 apud Veteres locum habuerunt Clepsydræ, tam a-
 qua quam arena repletæ; ut satis mirari nequeo, P.
 Kircherum, Schottum, aliosque multos in successive
 dimetiendis ponderibus, ne rotis indigeant, ea supra
 catinum arena refertum collocare, in cujus fundo
 foramen sit, unde arena successive excurrat, & cum
 ea propositum pondus successive demittatur; ubi no-
 tavi, si duo Clepsydræ vitra, superius nempe & infe-
 rius, aperta sint, siue foramen habeant, arenam mini-
 me per diaphragma ejusdemque foramen, licet du-
 blo majus fiat, currere, sed seipsam sistere & stare:
 Causa est, quod ex inferiori vitro semper aer per fo-
 raminiolum medium transire & arenam ventilare ac
 movere debeat, hinc utrumque vitrum probe oc-
 clusum esse debet, superius quidem ne aer introeat,
 sed decurrente arena in inferius vitrum metu loci
 vacui in superiori vitro, aer ex foramine diaphrag-
 matis ex inferiore vitro attrahatur; inferius vero vi-

trum clausum esse debet, ut influens arena ex superiori vitro causet compressionem aeris, unde metus penetrantiæ corporum, aer per foramen diaphragmatis in superius vitrum pellatur; sic quod superius vitrum aerem attrahat, & inferius vitrum aerem expellat, unde arena circa foramen diaphragmatis continua ventilatio, sine qua arena statim seipsam sifteret & impediret. Si ergo loco superioris vitri catinus, isque supra & infra apertus sit, pro automatis movendis, ut P. Kircher, multique alii adornant, impossibile erit arenam defluere; unde patet, tales autores etiam tam levia in praxi non tentasse, super quibus tamen tam speciosas machinas fundant. Clepsydras hydraulicas quod attinet, imperfectissimas esse nemo non videt, cursus enim & motus aquæ singulis diei partibus inæqualis est, & vel raritate, vel densitate, vel quantitate, vel qualitate, vel altitudine, vel multis aliis de causis peccat; unde rursus satis mirari nequeo P. Mariam Rheitam, in tractatu suo Optico, cui titulum fecit Oculum Enoch & Eliæ, machinam construere, quæ exacte Planetologium seu Planetarum motus exhibeat, totum vero hujus motus fundamentum in aliquam rotam Hydraulicam ponat, dum scribit: Supposito ergo quod prima rota cum haustis suis, singulis scrupulis primis semel circumvertatur, &c. Sed bonus vir non consideravit, quod hæc suppositio uti primaria, ita incertissima esset; modum tamen mediante aqua horologia exactissime movendi, à me inventum, sub finem hujus deductionis apponam, hoc vero certum est, hætenus Mundo, mediante aqua horologia exacta construere, incognitum fuisse. Veteres Astronomi, quoniam in Sciatericis scrupulos secundos videre non poterant, neque adhuc automata in usu essent, Eclipsium tempus vibrationibus pendulorum manu impulsorum dimetiebantur.

Videat.

Videatur de vibrationibus P. Riccioli; sed postquam automata inventa sunt, ad illa deventum est; quis vero illorum primus inventor sit, ignoratur, nec etiam sciri potest, quoniam automatum motus multiplex & succesive inventus est, tanta ingeniorum luxuria, ut fere varietate & multiplicitate horologiorum moderno tempore plus peccetur quam ad usum interserviant, habemus enim jam automata seu Horologia horas integras & quadrantes pulsantia, dormientes suscitantia, candelas statuto tempore incenduntia & emungentia ac extinguuntia, cantilenas in campanis, chordis, fistulis accuratissime resonantia & ludentia, statuas, imagines, choreas, saltationes, venationes, velitationes scenicasque præstantia moventia, Pili & Globi ludentia, aquas fundentia, milleque alia exhibentia. Nota est machina ingeniosi nostri Norici Hautsch, qua Galliarum Regis jussu, pro Dauphino integrum exercitum conflitantem exhibuit; sicut & omnium fere opificum motus scite exposuit, currum quoque construxit, qui sine Equis progredereetur. Hæc aliaque similia curiosa vide in Polydoro Vergilio & Simone Majolo. Nota est machina cornelii Drebbels, Rudolpho cæsari exhibita, & Tarenti Architam degisse, qui ligneam columbam volatilem fecit, antiquitas testatur. Licet autem per automata varii generis motus exhiberi possint, (sicut jam instrumenta inventa, quibus unus homo duodecim ligulas texere potest, mihi que machina nota est, mediante qua tres homines centum ulnas panni diei spatio conficere possint; taceo varii generis Molendina, & illud instrumentum Anglicanum innotatorium, quibus tibialia texuntur) hæc tamen sequentia quatuor automatis præstanta mihi impossibilia videntur, Primo gradem hominis imitari; homo enim uno tantum pede incedit, duobus stat: Hic motus gradato-

rius quoniam æquilibrium non modo semper mutat de uno latere in aliud, verum etiam vim promovemtem requirit, quæ imitatu per artem impossibilis est. Faciunt quidem Horologiarii statuas & bestias currentes, sed pedes non movent, verum super rotis tantum volvuntur. Secundo Vocem humanam imitari æque impossibile est: Nam licet Amstelodami in Ecclesia penes curiam in Organo majori sonum quendam exhibcant quem Vocem humanam appellant, imitatum potius pleni cantus inarticulatum murmur est; hinc quæ de Alberti magni machina virum æmulante & gradum promovente Divoque Thomæ obvianæ cumque voce articulata alloquente & salutante, tandem à D. Thoma dejectâ, & contractâ, unde Albertus Magnus clamaverit, destruxisse opus 20 annorum, fabulam potius redolent quam veritatem. Tertio, Vacuas volare per auras, cujus varia fuerunt experimenta; Præfatus Hautsch Noricus machinam tentavit, Hagæ Comitum quoque tentatum; quæ de Aquila arte facta carolo Quinto Imperatori ad medium milliare obvolante, & Architzæ Tarentini lignea columba narrantur, nota potius quam vera sunt. Paucis abhinc annis P. Lana specimen in aere navigandi exhibuit, sicut Drebbel, Merfennus & Gallus ille nuperus Roterodami navim sub aquis promovemtem. Quarto, Instrumento aliquo artificiali fila, sive laneæ sive lineæ, nere, quod impossibile videtur, discretionis enim usu nempe ratione humana opus est. Quæ tamen circa hæc quatuor paradoxa tentaverim & quousque pervenerim, alibi indicabo; interim hos quatuor nodos ingeniis sagacibus enodandos relinquo & ad automatum horologiorum nempe structuram & conditionem propius accedo. Statu itaque,

Nullam temporis mensuram fieri posse sine motu;
 neque

neque enim in Sciatericis horæ observari possent, nisi Sol moveretur, vel si mavis, Terra. Hoc autem supposito, sciendum est, nullum motum fieri nisi in aëre, id est, quin moveatur aer, is ergo erit Mobile, seu objectum omnis motus, ergo juxta aeris nempe ejus Atmosphæræ alterationem & vicissitudinem etiam alterabitur & variabit omnis motus. Objectum (Mobile) ergo omnium automatatum seu horologiorum est Atmosphæra aeris, quæ repercutitur à remota seu ventilabro Horologii. Subjectum (causa movens, motor) vero in Horologio erit remora seu ventilabrum accommodata rotis & ponderibus seu elatere. Vel si aliter Horologium definire velis, objectum ejus est aer nempe Mobile, subjectum est pondus seu elatere, nempe causa movens & motor, medium seu medius terminus, mediante nempe quo motor agit in mobile (pondus in aerem) est remora seu ventilabrum Horologii. Ex quo patet, æqualitatem mensurationis temporis consistere in æqualitate motus, & hunc in eo principaliter versari, ne Atmosphæra aeris, remoræ seu ventilabro horologii, vel hoc Atmosphæræ, in æqualem motum imprimat: Quod ne fiat, vel quomodo fiat, generaliter exponemus. & quidem primo ratione Atmosphæræ aeris horologium ambientis, aer enim cum calori & frigori, hinc raritati & densitati subjectus sit, remoræ seu ventilabri horologii motui & repercussioni nunc magis nunc minus resistet, nunc ab illo fortius nunc imbecillius movebitur, hinc observatum est, horologia omnia æstivo tempore celerius quam hyberno procedere, unde necessario in æqualis motus causabitur pro anni temporis, diei, caloris & frigoris, humiditatis etiam & siccitatis inde subsequenter varietate; quæ tamen aeris accidentia tantum externa sunt, sicut & ventus aliaque impedimenta, quibus obviam

iri potest; raritas autem, & densitas sunt interna & inevitabilia aeris accidentia quæ impediri nequeunt nisi singulari remedio, de quo postea. Secundo ratione remoræ seu ventilabri horologii ejusque structuræ magna quoque varietas & inæqualitas esse potest Atmosphæræ aeris plus minusve obnoxia vel subiecta vel prædominans, parva remora parvum impetum, magna magnum causat, sed fortius, etiam ab Atmosphæra rapitur; Deinde eo respiciendum, ut finis consequatur propter quem remoræ inventæ sūt nempe ut aerem repercutiant & premant, & hoc faciendo tempus morentur, unde remoræ vocantur, his enim ex horologiis sublatis, magno cum strepitu rotarum pondus devolvitur illico, quod alias remoræ ope integrum diem durasset, quo plus ergo remora cum aere luctatur eumque premit, hoc plus temporis conficit, hinc melius est ut labra, quæ ad utrumque latus sub finem remoræ affixa sunt, perpendiculariter quam Horizontaliter sita, majoraque quam minora fiat, ita enim aerem plus prement, cum alias tantummodo findunt, uti heic Londini in automatis assaturis moventibus observavi, ubi ventilabra Horizontaliter collocata sunt, aerem multo fortius pressura, plusque temporis confectura, si erecta & perpendicularia essent. Tercio, quædam remoræ circulariter, ut in assaturis, quædam motu retrogrado feruntur; Circularis motus nimium cito decurrit, & parum temporis conficit, retrogradus vero propter intervalla, cum nempe remora revertitur, interstitium seu pausam indici imprimit, unde in talibus Horologiis ne scrupuli secundi quidem tuto, minime vero scrupuli tertii observari possunt. Ultimo, in quibusdam Horologiis pondus & rotæ absolutæ dominantur remoræ, quod fit in circularibus & Horizontalibus; in quibusdā vero remora ejusque

impetus

impetus & vibratio dominantur rotis & ponderi, ut in perpendiculo quod appenso pondere in motum non procedit nisi impetus gi imprimatur, ita ne pondus pendulo in motum ducendo, sed in motum deducto, ei conservando tantum sufficiat, quod in aliis remoris non contingit, utpote quorum motus absolute à pondere & rotis dependet. Nec parum remoras hætenus usitatas afficit, quod omnes motu continuo moveantur, atque ita ab Atmosphæræ vel minimum in impetum acta ab ea longo tempore rapiantur, donec ad temperamentum redeant, quod in parvis Horologiis visum & auditu percipitur. Sed his generaliter circa remoras præmissis, specialiter earum genera considerabimus, quorum quatuor sunt; Primum Remora quæ circulariter fertur, sive perpendicula-riter sive horizontaliter locata, in horologiis non amplius in usu est, quoniâ nimium ab Atmosphæra rapitur & dependet, cito decurrit, parumque temporis conficit, adhibetur tamen pro campanis pulsandis, automaticis affaturis vertentibus & id genus alia, vocatur Germanice Windfang, Ventilabrum, quasi capiat aerem eumque moveat, ut circulum præ oculis conficere videatur, imò in parvis Horologiis, quæ clateribus aguntur, cum horas pulsant, adeo ventilabrum hoc fortiter movetur, ut visum penitus fugiat sonitumque auribus concitet, aere nimium moto. Adhibetur etiam hic motus ad machinas quæ molem movent, magnum pondus requirunt & æqualem motum desiderant, ut in tympanis campanas seu cymbala pulsantibus, in instrumentis incisoriis, quibus dentes in rotis ferreis incidunt, unde ejusmodi ventilabra Germanice Schvvungrader, Rotæ vibratoria, vocantur. Secundum Remorarum genus retrogradum est & Horizontale more communi hætenus usitato, dependet immediate à rotis & pondere,

dere , subjectum est omnibus incommoditatibus quas superius recensui, & tam fortiter rapitur ab Atmosphæra aeris, ut ad singulas percussiones remoræ rota cuspidata retrogredi videatur , prout etiam visus & auditus inæqualem remoræ motum satis clare demonstrant. Tertium Remorarum genus bilanx est, seu antecedens genus verticaliter positum nullibi me quidem id in magno vidisse memini, præterquam Amsterodami in Curia turris majori Horologio , incidit autem in omnibus incommoditatibus cum priori antecedente remora , nisi quod adhuc fortius ab Atmosphæra rapiatur , utpote quæ aerem perpendiculariter premat , unde lineæ aeris commotæ sursum & deorsum fortius impellent, quam si Horizontaliter moverentur. Quartum Remorarum genus nostro tempore in usum receptum, consistit in remoris perpendiculariter situatis, unde talia Horologia pendula vocantur , increvitque illorum usus super reliqua, eo quod exactiora comperiantur; Quamquam ego feliciter utar Triangulari pendulo, eoque bilibri, utpote vicissitudinibus communis perpendiculi minus obnoxio, vide Figuram juxta quam tale Horologium Londini in praxi construi curavi, inventionem & introductionem illorum Hugenus à Zulichem Hollandus sibi vendicat , edita de ejusmodi Horologiorum structura & ratione deductione ad DDnn. Status Hollandicos, à quibus privilegium obinde obtinuit; deinde ad Regem Gallia, unde stipendium meretur; sed contradicit ipsi Comes Magalotti, Magni Ætruriæ Ducis ad Aulam Cæsaris Residens, qui totam mihi hujus Horologii historiam ore tenus recensuit, quam triennio circiter elapso mihi Augustæ Vindelico, defuncti Magni Ducis Ætruriæ, hujus Patris Horologiarius nomine Treffler similem narravit, & confessus

fectus est, se Magni Ducis jussu, & ejus Mathematici
 Galilæi à Galilæis instinctu primum Florentiæ Ho-
 rologium pendulum confecisse, cujus exemplar in
 Hollandiam venit; defuncti Electoris Moguntini
 Joannis Philippi à Schönborn Mathematicus Ca-
 spar Doms natione Flander, ætate senex, mihi retu-
 lit, se Pragæ Rudolphi Imperatoris tempore à cele-
 berrimo ejus Mechanico & Horologiario Justo
 Borgen Horologium vibratorium confectum vi-
 disse, quo Magnus ille Mathematicus Tycho-
 Brahe in observationibus suis Astronomicis ute-
 batur; hoc sane ex P. Ricciolo aliisque constat, vi-
 brationum, oscillationum seu pendulorum usum in
 accuratioribus Astronomicis observationibus ad-
 hibitum fuisse, quare vero Horologiis non appli-
 citus, & in quotidianum usum nisi nostris his tem-
 poribus deductus sit, postea audiemus; Convenit
 autem remora pendula quoad raptum Atmosphæ-
 ræ aeræ, & quoad immediatam applicationem cum
 rotis, ac quoad motum divisum & retrogradum
 cum Horologiis & remoris communibus hætenus
 recensitis; differt vero à communibus Horologiis,
 quod remora cum pondere & impetu suo rotis &
 earum ponderi primario prædominetur, neque ut
 aliæ remoræ appenso pondere statim moveatur,
 sed impetum externum acquirere debeat qui medi-
 ante Atmosphæra conservatur, adeo quod princi-
 pale pondus potius ad continuationem quam vibra-
 tionum impulsus faciat. Hugenus à Zulichem
 supponit per hujus remoræ pendulæ vibrationes
 tempus dimetiendi modum, omnium accuratissi-
 mum esse, adeo quod gradus Longitudinis inde in-
 venire voluerit, duobus innixus fundamentis, pri-
 mò, quod pendulorum vibrationes sive longæ, sive
 breves, sive celeres sive tardæ, semper æquales sint,
 secundo,

secundo, quod impetus penduli rotis earumque inæqualitati, imprimis ponderi principali illis appenso prælominetur, ita quod parum vel multum ponderis sine notabili penduli alteratione rotis appendi possit, & quod rotæ dentium inæqualitate siue fortius siue remissius, siue tardius siue celerius pendulum impellere conantes, ab ejus tamen motu vibratorio taliter moderentur ut vis & celeritas sistatur, tarditas vero & remissio promoveatur: negat in super, penduli motum immediate à rotis dependere, quoniam inter ultimam rotam cuspidatam & penduli bacilli abra, tantum spatium, imo rotulam dentatam adornat, qua laxam libertatem concedit, ut licet penduli motus vibratorius etiam largiter vel exiliter periodum suum conficiat, notabilem tamen rotæ cuspidatæ indicemque movendi ac scrupulos secundos monstrandi alterationem non imprimere possit; tandem aeris raritas & densitas ei suspecta est, unde profitetur seu calculat potius imaginarie, quam parum illa anni spatio, hyeme nempe & æstate integra, penduli vibrationibus nocere possit. Sed nunc & qualiter se hæc omnia ad Leges Fundamentales habeant, singulatim perpendemus. Primum & principale fundamentum tempus æqualiter dimensurandi non immerito Dn. Zulichem in æqualem vibrationum motum ponit; harum vero æqualitatem exinde demonstrat, quod vibrationes licet parvæ sint & brevem arcum faciant, respectu longiorum vibrationum celeriter moventium, tarditate tamen sua periodum compensent, innixus veteri Astronomorum existimatione, quanquam hoc etiam laboriose & ingeniose juxta Leges staticas demonstrare conetur; Sed quam suppositum hoc in praxi erret, sequentia demonstrabunt; Fiat pendulum ex baculo ferreo velligneo decempedum, apponatur

ponatur ad extremitatem ejus pondus trium librarum, suspendatur, elevetur ad quartam arcus sui partem, & ne manui inæqualitas adscribatur, libretur repagulo quodam, & numerentur postea omnes ejus vibrationes. donec perpendiculariter quiescat, tum hic motus bis vel ter repetatur, semper plures vel pauciores vibrationes confecisse antequam quiescat, observabis. Confice adhuc aliud perpendicularum ejusdem proportionis & ponderis, & colloca penes primum, libra eodem repagulo, & videbis perpendicularorum vibrationes statim inter se variare & alterare, neque convenire; Porro si vibrationes ex primo motu successive deficientes æquale nihilominus tempus constituerent, breviores nempe oscillationes cum longioribus, tunc id certa proportionem facere eamque semper servare deberent; sed applica ad summitatem penduli regulam directam cum dente sub finem, & fac ut hæc regula rotam dentatam una semper periodo moveat, tum observabis, quod nullâ adæquata proportionem hæc rotula movebitur, mox decem, mox tres dentes arripit, machina etiam dexterrime instructâ, quæ evidenter signa sunt, vibrationes inæquales non modo circuitu verum etiam motu suo esse, neque trigessimam vel quadragesimam vibrationem idem tempus cum prima vel tertia constituere, certum enim est, longiorem arcum vibrationis Atmosphæram fortius agitare quam brevem, ergo non modo quoad mensuram, sed etiam quoad motum & tempus variare. Verum dato, sed non concessio, vibrationes tales successivas ex primo impetu æquale tempus conficere, tum tamen Dn. Zolichem de liberi perpendiculari vibrationibus successivis & ut placet sibi invicem [etiam diversam arcum constituentibus] æqualibus quoad primam vibrationem, non argumen-

argumentari debet ad perpendiculū rotis & incumbenti ponderi alligatum & subiectum ac singulas vibrationes ad unam distantiam conficere coactum, quale sui Horologii pendulum est, nec credo Dn. Zulichem hoc asserturum, quod vibratio penduli sui Horologio applicati & impulsī idem tempus conficiat, si unius pedis, & si trium pedum periodum absolvat, supposito uno eodemque impellente pondere iisdemque rotis, pendulum vero suum, licet exacte Horologio applicatum sit, non æquales arcus suarum vibrationum constituere; tum observari poterit, quando utrique vibrationis lateri meta ponitur, quam semper inæqualiter attinget, nunc ultra nunc intra metas oscillando, quæ inæqualitas certe non ab ipsis perpendiculi vibrationibus provenit, inter se & respectu primi impetus (ut in præcedentibus liberis vibrationibus contingit) nullam successivam relationem & proportionem habentibus, utpote singulis vibrationibus ab Horologii rotis & pondere impulsū & impressionem habentibus, alias subito quiescentibus, ergo hæc inæqualitas necessario vel à rotis vel ab Atmosphæra vel ab utraque causa proveniet, cum vero pendulorum vibratio multo activior & celerior cōmunibus remoris horizontaliter motis sit, necessariū erit, errorem inæqualitatis in tam celeri vibratione etiam frequentius peccare fortiusque, ut postea demonstrabimus, ab Atmosphæra rapi, unde merito concludo, licet vibrationes in pendulo libero Astronomico inæqualitate suæ periodī æquale tempus constituent, nullam tamen earum consequentiam ad vibrationes penduli Horologii rotis & impulsu coarctatas facere. Secundo Dn. Zulichem certo supponit, pendulum suum taliter rotis prædominari, ut omnium illarum progressus & penduli motu dependeat & moderetur; quod quidem

dem si ita absolutus verum foret, id evinceret quod vicissim omnes inæqualitates vibrationum penduli in rotas redundarent, quas non paucas esse paulo ante demonstravimus, & quod si quis, ut ego, experimentum facere, & rotas indicatorias eo usque multiplicare velit donec scrupulos tertios designent, videbit manifestè in isto tertiorum scrupulorum indice, quam inæqualiter, quam nunquam sibi similiter Index feratur, quod certe non nisi à penduli inæqualibus vibrationibus procedit. Horologii rotis & indiciales vicissitudines imprimantibus. Cæterum quod Dn. Zulichem statuatur, penduli pondusculum, rotarum majori ponderi prædominari & præponderare, hoc non nego, licet non concedam, ut ille quidem existimat, pondus illud majus medietate vel augeri vel diminui posse, citra penduli alterationem accelerationem vel tardationem, fallitur certe in hoc, cum perpendiculi motus adeo delicatus sensibilis & subtilis sit, ut etiam facili de causa alteretur & sistatur, quod etiam de rotis & tympanis intelligendum est, quæ nisi in tali Horologio exacte constituentur, levi impedimento perpendiculi motum sistunt, facilius sane quam communes remoras. Pendula etiam Horologia plures dentes ob celeriores penduli vibrationes & obinde majus pondus quam vulgaria Horologia, requirunt. Tandem quæ Dn. Zulichem de aeris raritate & densitate dicit, & quam parum illam anni spatium penduli motui obfuisse observaverit, fides penes autorem esto, me vero nunquam in suam opinionem inducet, cum me praxis contrarium docuerit, nam primo non negandum est, cum observatione quotidiana ex hermoscopiis constet, quanta differentia quibusvis diebus & noctibus, à duodecima ad duodecimam, & à Januario mense ad Julium circa aeris raritatem & densitatem sit, deinde quod evi-

dens sit aerem levius perpendiculariter quam Horizontaliter moveri, unde à perpêdiculi vibrationibus fortius quam per remoram Horizontalem movebitur, longâ quidem & continuâ lineâ, quod ex eo patet, si tria vel quatuor Horologia pendula sic Horizontaliter constituentur, ut pendula eorum in lineâ directâ stent, tunc ângula Horologia moveantur ut procedant, pendula eorum movebuntur primùm inæqualiter, quodlibet enim juxta suum impulsus, sed paulo post convenient omnia motu suo in unum, quod nonnulli primo intuitu pro argumento summe æqualis motus pendulorum allegare voluerunt, sed re penitus inspectâ repertum est, lineam Atmosphæræ in qua pendula collocata sunt omnia sua pendula movere juxta istius penduli vibrationem quæ majoris impetus est, unde certe liquet, quam late una penduli vibratione Atmosphæra moveatur, & cum penduli motus continuus sit, necessario consequitur, semel ab Atmosphæra raptum ab illa omnimode dependere, neque adminiculum habere quo se ab Atmosphæræ impetu liberet atque in priistinam motus proprii libertatem vindicet. Et tantum de quarto Remorarum genere, nempe remoris perpendicularibus.

Nunc absolutis & specialiter quatuor Remorarû generibus examinatis, ad tertium Horologiorum incommodum considerandum progrediemur, nempe Rotarum, Tympanorum, Dentium & axium structuram, quæ utcunque diligenter elaborata sit, errare tamen potest, vel fabricæ vitio, vel illorum novitate rotis & tympanis necdum inter se attritis, vel vetustate, nempe nimium contritis, vel variis externis accidentibus structuræ rotarum se immiscentibus ut sunt atomi variæ, pulveres, festuæ, paleæ, pili, lana, p'umæ & sexcenta alia, taceo quod sine oleo Ho-
rolo-

rologiorum rotæ, axes & tympana non bene procedant, & quod tale oleum illitum successu etiam temporis, calore & frigore consistat, lentescat, variasque vicissitudines subeat, unde frequenti reparatione opus, quam facile etiam inter tot axes & dentes minimum quid vel teritur vel frangitur vel errat, taceo quoties dentes rotarum tympani bacillos intrant & exeunt, scilicet summitatem & fundum unius dentis conficiunt, illos semper duplicem motum fortiozem nempe in summitate, remissiozem in fundo dentis causare, quis jam omnes rotas ratione suæ dimensionis, ponderis & aliorum requisitorum ita ad amussim fabricabit, ut aut nihil desit in fabricando, aut bene fabricatis nihil perfectionis decedat quotidiano usu. Quartum & ultimum, quod in Horologiis considerandum venit, causa movens est, siue illa jam in pondere siue in elatere consistat, præferuntur autem pondera elateribus ob æqualitatem, hi vero ponderibus ob commoditatem, motus elasticus in Horologiis incertus & non tutus est, principium enim ejus fortius est fine, & tractu temporis vis quoque elastica remittit, quæ duo incommoda Horologiarum corrigere satagunt, primû spirali linea de minima peripheria ad majorem circumferentiam desinente, ut taliter quod in motu elastico sub principium fortius est, brevitate circumferentiæ cohibeatur, & quod sub finem remissius est, magnitudine peripheriæ intendatur, ipsam vero vim elasticam successive remittentem helycæ subinde alterant. Pondera, quæ correctius procedere dixi, in Horologiis usitatiora sunt, compertum enim habemus, pondus in linea perpendiculari siue in alto siue in imo suspensum, non plus vel minus pòdere, nisi quantum accedentis chordæ moles facit, cui malo, ut postea docebimus, facile remediari potest.

Et hæc de Horologiorum omnium hætenus usitatorum quatuor generalibus accidentibus nec non de eorum conditione & structura, dicta sufficiant. Sed nunc ad remedia properabimus, nempe meum Horologium, reliquorum omnium correctorium & panaceam. Consistit autem in quatuor remediis, juxta indicantia in antecedentibus observata; Primo ne Atmosphæra aeris [in qua Horologium versatur, & cum qua remora continuo luctatur] sive raritate sive densitate sua, remoram quocunq; modo afficiat, & si afficere contingat, remedium proportionis ipsi remoræ procuret. Secundo, ne remora cum mota Atmosphæra unquam in consensum trahatur, sed æqualissima periodo ac motu Atmosphæram nunquam neque tardius vel celerius, fortius vel remissius, plus vel minus impellat. Tertio, ne rotæ, tympana, dentes, remoræ applicentur, sed sine illarum ope, vel si illis uti libeat, remora moveatur, ne Horologii defectus sentiat, ita ut quodlibet automatum, etiam imperfectissimum, & ad assaturas vertendas fabricatum huic usu sine remoræ errore applicari possit, nam quo pauciores rotæ, hoc perfectius Horologium, si jam prorsus nullis rotis opus, vel adhibita, nihil sui vitii remoræ communicent, eo melius. Quarto, pondus primarium impellens sit subjectum ponderi remoræ, neque immediate dependeat ab illo remora ejusque vibratio; ita quod tota Horologiorum correctio meæq; machinæ structura in quatuor punctis consistat. 1. Ne Atmosphærae aeræ alteratio & commotio remoræ afficiat. 2. Ne remoræ vibratio Atmosphæram inæqualiter impellat. 3. Ne rotæ, tympana & dentes requirantur, v. l. requisita remoram alterare non possint. 4. Ne pondus primarium movens remoræ pondusculo prævaleat, sed hoc illi prædominetur. His quatuor

tuor requisitis in praxin & debitam perfectionem deductis perfectissimum Horologium, quale quidem in mundo sublunari esse potest, inde oriri, præcedentes docent demonstrationes. Et tantum de indicatis remediis juxta indicantes causas; nunc ad materiam indicatorum, nempe talis Horologii structuram properabimus, neque enim sufficit causam morbi detegere & medicinam indicare, sed & præparare illam & præparatam propinare oportet, ne subtilis potius ingenii lusum & tentamen, quam possibilem praxin Lectori obtrudere videamur. Ad primum ergo ut deveniamus, nempe corrigenda Atmosphæræ aeræ in qua Horologium, præsertim remora, versatur, accidentia, duplicia illa esse deprehendi, externa nempe & interna; externa sunt, tempestas; ventus, impulsus, pulveres, atomi, pluvia, humiditas, aliaque quæ omnia vitari potius quam corrigi possunt, vitari nempe, cum remoræ locus theca vitrea & metallica probe muniatur, ut ab externa injuria contentus aer immunis & tatus sit, ut in Bilancibus docimastis fieri solet. Sed interna Atmosphæræ aeræ accidentia quæ ei intrinsece propria sunt, nempe aeris raritas & densitas, non æque ac externa evitari possunt, sunt enim connaturalia, non hic Philosophabor, quid sit rarum esse & densum, majorem & minorem locum occupare sine majore vel minore quanto vel pondere, videantur quæ in Physica mea subterranea sub initium statim de Cælo & Elemento Hyperphysico scripserim: Certe Aristotelici minime mihi suis definitionibus satisfaciunt, nempe, quantum est per quod aliquid quantum dicitur, rarum est quod majus, densum quod minus spatium occupat; item, eò pondus in trutina plus ponderat, quo plus removetur ab axe, sed velim scire quare eò plus ponderet, quo plus removetur ab axe. Verum

missis his tanquam magis ad Philosophiam quam
 Mathesin spectantibus, ad raritatem & densitatem
 aeris revertendum, & Lectori Mechanico taliū for-
 te rerum imperito hoc tantum significabimus, calore
 aer in inturgescere, seu potius in aere naturam
 quandam latere, quā calore intumescit & majus spati-
 um occupat, hoc Physici rarefcere vocant, & quā
 frigore se contrahit & minus spatium continet, hoc
 Condensari vocant, inde termini Rarefactio & Con-
 densatio, aerem rarum esse tenuem & facile pene-
 trabilem, densum crassum esse & ægre previum, ex-
 perientia & ratione constat, nunc cum id Solis calori
 negari non possit, quod diu noctuque, æstate & hye-
 me quo ad gradus suos valde variet, necessariū etiam
 est totam Atmosphæram aeream juxta tales gradus
 calefieri & frigescere, hinc rarefieri & condensari,
 prout hujus rarefactionis & condensationis gradus in
 Thermoscopiis ad id inventis, accurate observare li-
 cet, unde nemo negare potest, remorarum & pendu-
 lorum motus necessario juxta præfatos gradus acce-
 lerari vel tardari; huic ergo inevitabili incommodo
 & quasi malo originali ut remedeamur, id quod evi-
 tare non possumus (nullus enim locus in mundo
 est à raritate & densitate immunis, videantur quæ
 Claudius Berigardus in Circulo Pisano de locis
 & cameris infra aquas constitutis scribit) pru-
 denter patiamur, sed ita ut ex ipso malo medicinam
 inveniamus: Cum itaque aeris vicissitudines non
 temperare possumus ad Pendulorum & remorarum
 exigentiam, argumentum à contrario sumendum &
 remorarum ac Pendulorum motus ad aeris raritatis
 & densitatis gradus dirigendi, quod certe factu pri-
 mo intuitu, si non prorsus impossibile saltem diffici-
 le videbitur, quis enim singulis quasi momentis Ho-
 rologii Pendulum ad Thermometri gradus diriget,
 & licet

& licet in eum finem in communibus pendulis appensa ponduscula ac ipsa etiam pendula elevari & demitti possint, de causa tamen & modo id agendi disceptatur. Cornelius Drebbel Alcmariensis primus Thermoscopii inventor extitisse perhibetur, neque modo ejus usum in monstrandis & designandis raritatis & densitatis gradibus docuit, pro ut jam vulgaria Thermometra passim conspicua sunt & venalia, sed & usum ejus Staticum & Mechanicum colluisse, Machina docet illa decantata & perpetuum Mobile nuncupata, quam variarum scenarum varietate Imperatori Rudolpho exhibuit, prout in horis recreativis Mathematicis Svventeri & Hardörferi legitur. Post illum quod sciam nemo manum applicationi ad motus Mechanicos Thermoscopiis adhibuit, nisi quod ego anno 1656 Imperatori Ferdinando tertio imaginem ejus in vitro exhiberetim, Sole sereno ex nubibus arte factis se praesentantem, tepestate vero procellis & procellis se visui subtrahentem & in nubes se recipientem, quod tam temporis non sine admiratione multorum, conspicuum fuit, inventum vero ulterius excolens anno 1660. in Hollandia Iconismum aeri incidi curavi in folio, ubi applicationem & usum Thermoscopiorum ad res Staticas, Mechanicas & Tarmaturgicas ulterius expolui, eò enim deveni, quod Thermoscopii opè non modo indice Horologiaro gradus raritatis & densitatis exprimere, eosque etiam noctu, campanulae cujusdam proprio impulsu significare potuerim, sed & automata communia quaecunq;, nisi tamen non adeo magni ponderis fuerint, singulis viginti quatuor horis, revolvere potuerim, ita quod, quoad durantem materiam, Mobile perpetuum Physico-Mechanicum exhibeat, prout à viris quibusdam ingeniosis

super hoc invento gratulatorias quasdam in manibus habeo literas, eò etiam ròn deduxi, ut & Chymicis utilis esset in construendo Athanore ignem semper æqualissime exhibente, ponitur nempe Thermoscopium in ipsum vas digestorium cum reliquis vitris digerendis, notatur in eo de sideratus caloris gradus, & tum requisita machinula applicatur, & furnus singulis 24. horis debite carbonibus repletur, tunc si ignis nimium augeatur, Thermoscopium occludet orificium camini, si calor vero deficere incipiat, idem orificium aperiet, unde calor augebitur, adeo quod Thermoscopium sic applicatum semper in temperando calore occupetur, hinc observavi, furnum taliter dispositum ne mensis quidem spatio, minimum in caloris gradu errasse, cum alias solo manuum tactu impossibile foret ignem tam æqualiter eumque diu noctuque regere, magnum sane adminiculum in his operationibus, quæ exactum digestionis gradum requirunt. Hoc invento à me jam anno 1660. publicato miror paucò jam abhinc tempore, anno puta uno vel altero Gallum quendam hominem de Hermoscopiorum usu mechanico aliqua proferre, licet insulsa & impracticabilia neque accurata, æque ut P. Kircher duobus fere post me lustris, linguarum artificium Orbi vendidit, licet indigestum & difficile, ut ipsius Kircheri discipulus P. Schott, & Erasmus Francisci in suis Orientalibus, & Professor Sturm Altorfensis fatentur. Sed ad intentionem nostram redeundo, & thermometri applicatione juxta exigentiam graduum raritatis & densitatis aeris, penduli motum temperando & dirigendo, dico, quod si aer sit rarus, penduli motus celerior evadet, hinc aggravandus, quod ordinarii appensi pondusculi deinissione contingere potest, pondusculo nempe taliter plus à centro semidiametri penduli recedente, & eò magis gra-

gravidante, & contra si aer sit densus, tardabitur penduli motus, ergo accelerandus, quod fiet per allevationem penduli, & hæc continget per attractionem & maiorem appropinquationem pondusculi ad axem penduli; totum ergo temperamentum penduli juxta raritatis & densitatis gradus, consistit in pondusculi penduli attractione & demissione, quod mea methodus, Thermoscopium fabricandi & applicandi, omnium maxime & accuratissime præstat, ita quod si aer in raritate & densitate singulis scrupulis vel horis de una extremitate in alteram, nempe de uno ad duodecim gradus variaret, penduli vero motus per id tempus, semper sine interruptione continuaret, nihilominus mei Thermoscopii applicatione & ope, sine motus intervallo, penduli pondusculum juxta graduum raritatis & densitatis exigentiam proportionaretur & temperaretur, quod sane non modo curiosum sed & utile inventum est, omne illud exacte tollens quod hactenus erroris circa Horologia & Atmosphæræ vicissitudines notabatur, & cujus correctio desiderabatur. Structura vero Thermoscopii mei in hunc usum est talis, cum duplicis generis Thermoscopia dentur quædam supra, quædam infra in ampulla seu phiola rarefactionem & condensationem aeris admittentia, & hinc contentum liquorem vel calore attrahentia vel remittentia, sicut & in frigore, tunc unius vel alterius generis Thermoscopium sumendum, liquore quodam incorruptibili, non evaporabili, neque congelascente [qualis est argentum vivum] ad debitam proportionem replendum, & parti Horizontali liquoris, quæ acri patet, globus ferreus imponendus, qui supernatabit, nam ferrum ligni instar argento vivo supernatat, hic globus ferreus, gravior pondusculo perpendiculo annexo sit, alligatus mediante chorda per superiorem

trochleam pondusculo: His sic combinatis, eveniet, ut juxta aeris raritatis & densitatis gradus argentum vivum ab aere vel compressionis vel loci vacui metu, argentum vivum vel attollet, vel deprimet, unde ei supernatans Globus, huicque annexum pondusculum in perpendiculo vel ascendet vel descendet, pendulique motum vel accelerabit vel tardabit ad desideratam exigentiam. Praxis videatur ex Figura.

Nunc ad secundum remedium properabimus, in remora erroribus corrigendis consistens, atque in hoc dependens, ut, 1. Remora semper æquales periodos faciat. 2. Atmosphæram aeris æqualiter impellat. 3. A motu Atmosphære nunquam in consensum rapiatur. Primum remora præstabit, si circularem arcum & periodum motu suo semper perficiat: Secundum si æquali continuo motu & pondere agatur, nullumque impedimentum sentiat: Tertium si singulis vibrationibus vel motus sistatur vel infringatur, quæ singula ex structura & adjecto schemate uberius patebunt.

Tertium remedium est, ne rotæ & pondera remoram moventia, immediate in illam agant, sed tali intervallo & medio, ne illorum error aut vitium in remora unquam sentiat, nempe ut primarium Horologii pondus & rotæ, secundarium remoræ pondus non impellant sed tantum revolvant, quod ut fere principale inventi mei membrum, ita sane notatu dignum, & hætenus quod quidem ego sciam, à nemine observatum est, sic enim vitiosissima quavis automata, etiam ad affaturas vertendas destinata, perfectissime quorumcunque Horologiorum remoras revolvere, & tempus exactissime dimetiri possunt, donavitali Horologio primo nempe à me confecto, Comitem Albertum de Zinsendorfum temporis Vi-

ennæ Imperatricis Viduæ Aulæ supremo Magistro, Hydraulicum vero juxta eandem methodum, Bavarix Electori Ferdinando Mariæ exhibui, structuram utriusque ex adjuncta figura cernere lubebit.

Quartum remedium in eo consistit, quod pondus primarium Horologii rotis quidem pro qualitate ponderis secundi inserviat, ~~sed~~ vero eidem imperet, quod mediante præcedente tertio remedio contingit, sed & pondus secundarium inmediate remoram movens, nunquam ei prædominari possit, cum pondusculum perpendiculo affixum talis sit gravitatis, ut in linea perpendiculari pendens à pondere secundario non attolli possit, sed impetum, quem penduli pondusculum sibi ipsi multo fortius quam in ordinaria remorâ retrogradâ, largiatur, tantû conservet, pro ut omnia latius ex adjunctis iconismis eorumque explicatione deducta clarebunt atque patebunt utpote omni exceptione & contradictione majora. Licet quoque primarium Magnum pondus ad vibrationes immediatè non faciat, adeoque parum intersit, num æqualiter, vel inæqualiter revolvatur, per anti-Sacoma tamen, & trochleam duplicatam transversum pondus in ipso descensu attolli potest, uti jam notum, quod descendendo etiam simul ascendat, dato quoque Horologio decennali, vel annuo causam moventem Physico-Mechanicam, omnibus locis reperibilem applicare, quæ id semper revolvat, adeoque Mobile perpetuû Physico-Mechanicum, quoad durantem materiam constituere, jam ante multos annos ipsi, licet mihi inimicissimi, Jesuitæ concedere non recusarunt, prout hujus causâ illorum extant testimonia in scriptis. Et tantum de Horologiorum ordinariorum vitiis & conditionibus nec non de mei correctorii natura & structura: Si Lectori curioso satisfecerim, gratum quidem foret, si ab eo quid melius,

melius, solidius & exactius didicerim, pro præmio accipiam laboris mei, qui ut ex deductione hac apparet, in quantum potui, etiam in minutissimis diligentiam adhibui, ut quantum quidem sciam, nihili hanc materiam spectantis oblitus, etsi omnibus libris, utpote de hac materia paucissimis editis, destitutus, & non nisi sola apodixi & praxi innixus fuerim. Si jam istius correctio, qui primum Sciatericum ex Bello Punico Romam advectum multos post annos ad Horizontem Romanum emendavit, inter publica beneficia numerata est, meum quoque conatum post tot secula Horologiorum errores vendicantem, eruditum orbem, æquibonique consulturum spero.

Ex hac Demonstratione mea mathematicâ Quatuor Nova inventa resultant.

I.

Thermoscopiorum structura, quâ penduli pondus juxta aeris raritatem & densitatem suapte moderatur & dirigitur.

II.

Motus penduli Circularis, sed alternativus, prædominans nihilominus Atmosphære, & ponderi primario motu.

III. Quod

III.

Quod Rota & pondus primum,
non immediate in remoram agant, ideo-
que illorum Vitium in illâ non sentiatur,
ut cunque magnum sit, hinc ex commu-
nis etiam assaturâ Machinâ, perfectum
Horologium confici possit.

IV.

Quod exactissimum Horologium cõ-
strui possit, levissimo sumptu, & brevis-
simo tempore sine ullâ Rotâ, semper &
quoad durantem materiam se movens,
& revolvens, adeoque Mobile perpe-
tuum representans.

Corollaria Accedunt.

Thermoscopiorum ope gradus ignis
in furnis Chymicorum equalissi-
mè Regere.

II.

Motus Penduli Triangularis Bilibris.

III.

Horologia Hydraulica exactissima
conficere minimo sumptu.

IV. Instru-

I V.

*Instrumentum ad impetum Vibrati-
onum excitandum ingentissimum, no-
vâ Methodo non parum ad demonstra-
tionem motus perpetui artificialis faci-
ens.*

Hæc & similia si Lectori placu-
erint, sequentia adji-
cientur.

I.

Observationes meæ circa vim ela-
sticam nervorum in animalibus
& elaterum Metallicorum in Tauma-
turgicis, ubi probatur, sicut impetum, seu
impulsum Atmosphææ per ventilabrū,
juxta præcedens quartum Corollarium,
motui perpetuo artificiali demonstra-
do possibilitatem asserere, ita hæc loco vim
elasticam possibilitatem artificialiter vo-
landi asserere, Omne nempe, quod mul-
toties plus movere, & potentiam suam
exercere potest, quam mole sua corporea
ponderat, id præstare, quod vim elasti-
cam voco, & demonstro, quomodo ea in
ner-

*nervis Humanis vigesies plus roborari,
 & quanti molem suam Corpoream ex-
 cedere queant, digredior hâc occasione
 ad Historiam, Tentamina, & requisita
 de arte volandi, tandem in consideran-
 dis alitibus, pennis, earumque admiran-
 da structura, & motu tatione hactenus
 paucis cognita, artique vix, & ne vix
 quidem imitabili, desino.*

II.

*De compressione & appensione line-
 arum in aqua, Demonstratio Mathe-
 matica contra Communem structuram
 Machinarum Hydraulicarum com-
 pressoriarum, falsumq; suppositum quo-
 rundam Mathematicorum.*

III.

*Historia Physica Artis Tinctoriae,
 in tingendis Liquoribus, Pilis, Lana, Se-
 rico, Lintec, Xylino, Coreo, Ossibus,
 Cornibus, Plumis, Lignis, Stramine,
 Papyro,*

Papÿro, Cera, Testaceis, Lapidibus, Vitris, Metallis.

IV.

Minera Arenaria perpetua, sive Prodrömus Historiæ, seu Propositionis P.D.D. Statibus Hollandiæ ab Authore facta, circa Auri extractionem, mediante Arena littorali, per modum Mineræ perpetuæ seu operationis Magnæ fusoriæ cum emolumento.

Quoniam non pauci sunt, qui Scriptorum meorum, tam èditorum, quam edundorum Catalogum desiderant, Placuit in gratiam illorum eum heic loci subnectere.

CATALOGUS Librorum & Scrip- torum,

Partim editorum, partim edendorum,

Dr. Johannis Joachimi
Becheri,

S. Cæs. Maj. Consilarii, &c.

In Philologicis.

I.

Character s. Clavis Convenientiæ Lingua-
rum, quâ quilibet legendo suam vernacu-
lam, omnes alias intelligere potest, unius
saltem horæ informatione. Francof. in o-
ctavo, apud Wilh. Ammonium & Serlin, Anno 1660.

II.

Idem Character Idiomate Germanico, Ib.

III.

Idem Character compendiosiore inventione su-
per unâ philurâ, seu uno folio, sine Lexico & Indice,
Inventum prorsus curiosum Lat. MS.

IV.

Methodus Didactica s. Demonstratio apodicti-
ca, Scholas hæctenus circa institutionem juventutis in

M

Literis

Literis cōtra Methodum processisse, demonstrata solidâ novâ Methodo, cum Appendice. Germ.in 4. Monachii apud viduam Schellin.

Eadem Methodus recusa Francof.in 8.apud Zunnerum.

V.

Nethodi annus primus s. prima affinitas Vocabulorum nempe derivatorum cum Radicibus. Lat. Germ.in 8. Francof. apud Zunnerum.

VI.

Novum Organum Philologicum. Opus decimum seu Methodi Didacticæ annus secundus, continens secundam vocabulorum affinitatem, quoad eandem significationem, Lat. Germ.in 8. Francof. apud Zunnerum.

VII.

Nomenclatura Adamica s. Methodi annus tertius tertiam vocabulorum affinitatem continens circa prædicationem. Lat. Germ. M. S.

VIII.

Panegyricus Atlanti Medico D. Ludovici de Hornick dictus. Lat.in 4. Francof. apud Gerlinum.

IX.

De defectu Lingux Latinæ demonstratio ad oculus, Lat. Germ. MS. in Folio.

Accessit Syllabarium Lingux Lat. quinquaginta Millium Vocabulorum. Opus laboriosum & curiosum, hætenus nunquam visum. MS.

Eodem Volumine continentur Terminationes Substantivorum, quotquot extant, Rythmicæ MS.

In Mathematicis.

X.

DE Motu & usu quatuor Elementorum in Mechanicis cum Novis Observationibus & Inventionibus.

nibus. Accedit Specialis Observatio & Novum Inventum circa Horologia construenda, & Temporis mensurationem MS.

XI.

Centuria Paralogismorum Mechanicorum Roberti de Fluctibus, Mersennii, P. Schotti, Zeusingii, Boekleri aliorumque Thaumaturgicorum. MS.

XII.

Catalogus Propriarum Inventionum & Observationum Mathematicarum. MS.

In Physicis, Medicis, & Chymicis.

XIII.

Solini Saltzhals Regiomontani de Lapide Trismegisto & Salinis Philosophicis. Germ. in. 12. 1654 Reperitur Latine in Theatro Chymico.

XIV.

Oedipus Chymicus s. Institutiones Chymicæ Prodromæ in 12. Francof. & Amsterd. Lat.

XV.

Metallurgia s. de Generatione, Refinatione, & perfectione Metallorum scriptum Germ. in 8. Francof. apud Serlin.

XVI.

Concordantia aliquot millium Processuum Chymicorum in Folio. MS.

XVII.

Physica Subterranea cum duobus Supplementis Lat. in 8. Francof. apud Zunnerum.

XVIII.

Physicæ subterraneæ Liber Secundus, cui accesserunt mille Hypotheses Chymicæ Practicæ MS.

XIX. In-

XIX.

Institutiones Sennerti in Aphorismos redactæ.
Lat. in 8. Francof. apud Beyarum.

XX.

Parnassus Medicinalis illustratus s. de Animalibus,
Vegetabilibus, & Mineralibus Observationes & Des-
criptiones Physicæ, Medicæ & Therapeuticæ, in
Prosâ & Poëticè. Accessêre Schola Salernitana cum
Comm. Villanovani, Præfagia Vitæ & Mortis Hip-
pocratis Coi, item de Diætâ, sex rerum non Natura-
lium usu, Phlebotomiâ, &c, Observationes. Germ. in
Folcum figuris, Ulmæ apud Gôrlinum.

XX.

Psychofophia s. Methodus Gnostica ex solius a-
nimæ consideratione totum necessarium scibile co-
gnoscendi. Gustrovii apud Scheipelium in 8. Germ.

XXII.

Cornucopiæ Naturæ s. Animalium, Vegetabili-
um, Mineralium, & Artificialium Genera & Spec-
ies, in Dichotomicis Tabulis accuratissimè exhibita.
Lat. Fol. MS.

*In Juridicis, Politicis, & Came-
ralibus.*

XXIII.

Joachimi Hopperi Nomotheticæ item Sutholri In-
stitutiones nec non Arn. Corvini à Belderen Cor-
pus Juris Canonici in Tabulas Dichotomicas red-
actæ NS. in Fol.

XXIV.

De fundando arario perpetuo in Imperio Ro-
mano.

XXV. De

XXV.

De Milite perpetuo alendo in Imperio Romano.

XXVI.

Inextinguibilis & semper scintillans fomes barbarum, & tumultum in Imperio Romano.

XXVII.

Methodus in Germaniâ Manufacturas fabricandi & peregrinas, juxta ultimum Edictum Cæsareum excludendi Germ. in 4.

XXVIII.

Ventilatio & Consultatio num industriâ quâdam Manufacturæ fabricari bonâ conscientiâ, & citra læsionem boni publici possint, ita ut unus homo tantum, quantum multum alii, elaborare possit. Adducuntur Exempla & Controversiæ circa Molendinâ, quibus Tibialia & fasciæ texuntur, & de quorum causâ & introductione in Imperio litigatur. Germ. 4. Francof.

XXIX.

Tractatus de Commerciis, Monopolio, Polypolio, & Propolio. Editio prima & secunda. Francof. apud Zunnerem in 8. Germ.

XXX.

Ejusdem Tractatus Tertia Editio, cujus Index adjunctus est sub finem Propositioni Superiori de fundando Ærario.

XXXI.

Memoriale ad Imper. Leopoldum ratione meæ Commissionis in Imperio habitæ, ejusque causa mihi illati damni. in 4. Germ. Amsterd. 1679.

XXXII.

Trifolium Becherianum Hollandicum s. de tribus novis Inventionibus in Belgio, in praxin deductis, Amster. in 4. Belgicè.

In Ethicis & Theologicis.

XXXIII.

Ethica Experimentalis. Cui accessit Sancta Natura ab improbijs Sophisticis vindicata. in 16. Lat. Amst.

XXXIV.

Dubitationes & Resolutiones Illustres in omni scibili. MS.

XXXV.

Bilanx humanæ felicitas & infelicitatis s. de causis fortunæ ex usu vel abusu quinque Legum Naturæ. Germ. 12. Francof. apud Zunnerum.

XXXVI.

Cardinalis Bonæ manuductio ad Cœlum cum Comment, Carminicè. Germ. 4. monachii apud Schell.

XXXVII.

Regulæ & fundamenta Societatis Psychosophicæ ad imitationem vitæ Christianæ in primitivâ Ecclesiâ in 12. Germ. Francof.

XXXVIII.

Ecce Homo s. de Imitatione Passionis Christi Diatribe Theologica Germ. 12. Norimbergæ.

XXXIX.

Commentatio Orationis s. SS. Patrum circa Orandi studium Dicta Lat. in 12. Norimbergæ.

XL.

Suffulcimentum Octo Columnarum fundamentalium

talium fidei Christianæ hoc tempore corruentium
12. Germ. Amsterod.

XLI.

Argumentum Invincibile pro demonstratione
Veritatis Christianæ Lat. in 4.

XLII.

Thes. s. Disputationes, Inscriptiones, Poëmata,
Satyræ, aliaque Rhapsodica. MS. in quibus varia curi-
osa & scitu digna, Vol. 10. Fol.

XLIII.

Septenarius Lucubrationum s. Discursum Philo-
Theologicorum de rebus maximè scitu neces-
sariis.

XLIV.

Aula & Caula s. Descriptio Vitæ propriæ. MS.

F I N I S.



